

LIBER  
DE PRVDENTIA  
IVSTORVM,

E VERBIS SACRAE SCRIPTURAE  
Magna ex Parte contextus.

PER R. P. F. IOANNEM-à IESV  
*Maria, Carmelitam Discalceatum Hi-  
spanum Calaguritanum.*

Ignitum eloquium tuum vehementer: Et  
seruus tuus dilexit illud.


SVPERIORVM PERMISSV.



COLONIAE AGRIPPINAE,  
Apud Ioannem Crithium,  

---

ANNO M. DC. XIV. 2



3

*F. Ferdinandus à S. Maria Præpositus  
Generalis Congregationis S. Elie Car-  
melitarum Discalceatorum. Opus hoc à  
R. P. F. Ioanne à Iesu Maria, prædictæ  
Congregationis Sacerdote professo com-  
positum, & à peritis Theologis perle-  
ctum, & commendatum probo, vt de con-  
sensu Superiorum, Typis mandetur.  
Datum Neapoli, Cal. Iunij. 1607.  
Locus † Sigilli.*

*F. Ferdin. à S. Maria  
Præpositus Gener.*

---

Cum totum hoc opus ex Diuini elo-  
quij verbis, atq; sententijs appositè sit  
concinnatum vt errantia hominum  
corda conuertat, & ad Iustorum Pru-  
dentiam dirigat, ne filij huius sæculi  
prudentiores filijs lucis sint, non pa-  
rum expedire censeo vt quantociùs  
excudatur.

*D. Gabriel Lotterius Cler. Reg. Dep.  
Vidit.*

---

*P. A. Ghibertus Locumtenens*



# PACIFICO

REGI CORDIVM

IESV CHRISTO

*Indignissimus eius seruus. S.*



**S**CRIPTORES alij dedicant opera sua Principibus terrenis: Ego verò dedico, ac dico opera mea Regi Pacifico, per quem Reges regnant, & qui magnificatus est, super omnes Reges vniuersæ terræ. Offero quippe tibi Rex, qui corda suauissimè regis, votum cordis mei, tanquam voti auctori, cui soli placere vellem. Tibi enim dixit cor meum: Exquisiuit te facies mea, faciem tuam Domine requi-



5  
quiram. Debeo certè tibi vo-  
tum hoc, quod continet mol-  
litos super oleum sermones  
tuos, quibus corda casta e-  
molliuntur. Trahuntur enim  
vnguento exinanitò dulcissi-  
mi nominis tui. Offero tibi,  
Rex magne, non verba vacua  
humanæ sapientiæ artificio  
sonantia, quorum memoria  
perit cum sonitu: Sed verba  
plena sensus tui, quem in scri-  
ptura sancta expressisti, vel piis  
cordibus inspirasti: vt fiant ho-  
locausta medullata, quæ pla-  
ceant, obsecro, cordi tuo.  
Dum hæc scriberem, optavi,  
vt vi sermonis viui tui, lecto-  
res inflammarentur; & aquæ  
arderent igni, vt notum fieret  
nomen tuum. Fiat, oro te, mi-  
tissime Rex, quod expetiui;

A 3 & (si

& (si qua merces labori meo  
 reddenda est) sitiat, precor, in  
 te anima mea, quàm multipli-  
 citer tibi caro mea, ò Rex pa-  
 cifice, tantummodo in ista vo-  
 ce exaudi me. O sapientia, quæ  
 ex ore Altissimi prodijsti, pri-  
 mogenita ante omnem crea-  
 turam, attingens à fine vsque  
 ad finem fortiter, suauiterque  
 disponens omnia, veni  
 ad docendum nos  
 viam pruden-  
 tiæ.



PRAE-



# PRAEFATIO.



**V**AVIOR profectò est  
Christiane lector elo-  
quentia Iesu Christi  
quàm Tullij. Eloquia  
Domini, eloquia casta  
(quæ sunt velut argentum igne exami-  
natum, purum à terra, purgatum septu-  
plum) amabilia sunt, quàm profana  
verba quantum vis picta, ut cum ostenta-  
tione vendantur Sermo Dei vivus, &  
efficax, & penetrabilior omni gladio in-  
cipiti, ac pertingens vsque ad intima  
compagum, & medullarum, pretiosior  
est, quàm oratio amatorum mundi, com-  
posita ad animos sine fructu, vel cum  
fraude delectandos. Bonæ conscientia ar-  
gumentum est, non solùm sensu Christi,  
sed etiam simplicitate verborum Christi  
delectari. Misit ille eloquiũ suum terra, ut  
velociter currexet sermo eius: & lex illius  
inmaculata convertens animas, non ex-

sermone, sed ex virtute aestimaretur. Ego igitur, vnus è plebe eius, non solus, sed co-  
operante Dei gratia mecum, librum  
hunc (De prudentia Iustorum) magna  
ex parte ex ipsis dulcissimis sacra scriptu-  
ra verbis, ad finem quem Spiritus sanctus  
intendit, hoc est, ad instruenda corda, cõ-  
posui. Speraui enim, Iesu Christi verba e-  
tiam per ministrum indignissimum prola-  
ta, & scripta, peccatoribus, quorum salu-  
tem quaro, & iustis, quorum consuma-  
tionem opto, profutura. Inscribitur au-  
tem liber (De prudentia Iustorum) quia  
cum prudentia sit, media ad finem appo-  
sita præscribere, hoc agitur, in toto libro  
hoc, vt ad aeterna salutis finem media op-  
portuna proponantur. Inducitur autem  
Iesus Christus loquens, quia vel ipsa eius  
verba sunt, vel certè ipsius inspirationis  
pijs cordibus immissa. Lector autem, qui  
hac lectione proficere ad aeternitatem cu-  
pit, tria obseruet: Primum, vt tempus lo-  
cumquè à strepitu remotum ad legen-  
dum eligat: secundum, vt lentè legat:  
terti-

# PRAEFATIO

3

*tertium, vt, dum se commoueri senserit,  
lectionem intermittat, donec ille commo-  
tionis calor deferueat. Studeant alij va-  
rijs mundi artibus, & disciplinis: ego pru-  
dentia Iustorum studebo: Mihi enim ad-  
haerere Deo bonum est, & ponere  
in Domino fidelissimo spem  
meam.*

A S PRL



# PRIMA PARS.

VBI PRAEMISSA VO-  
CATIONE, PROPOSITO-  
què salutis æternæ fine, gra-  
uiora impedimenta Chri-  
stianæ perfectionis  
remouentur.

Cap. I. *Omnes Adæ filios Iesus  
Christus ad salutem tener-  
rime vocat.*



ENITE ad me omnes  
Adæ filij, qui laboratis,  
& graui peccatorum, ac  
pœnarum pondere one-  
rati estis: & ego, qui sum  
diues in misericordia, visceribus ma-  
ternis reficiam vos. Cur obturatis au-  
res cordis, sicut aspides surdæ, quæ vo-  
cem incantantis audire timent, ne for-  
tè cor mutent, ac mansuescant? Nun-  
quid venenum insanabile, per vocem  
incantantis sapienter, euomere, ac mi-  
tescere timetis? Venite filij dulcissimi,  
& audite

& audite me: & timorem Domini docebo vos. Tollite iugum meum super vos, quod ego vna vobiscum sustinebo, & genua debilia roborabo. Doleo vicem vestram, ò pars magna hereditatis meæ: consilio quippe parum sano, quinque iuga bouum pretio magno emistis, & fertis pondera importabilia, quæ dorsum semper incuruant, & vnum, ac leue iugum meum, quod æternæ vitæ luera parit, proteruè fugitis, & horretis. Certè, ab vtero Heux matris vestræ, infoeliciter errastis: & sub onere gementes mortem sempiternam multo sumptu mercamini. Reuertimini ergo ad cor, filij prodigi substantiæ meæ, & ego suscipiam, & strictissimè amplectar vos, tanquam fidissimos amicos meos, & super vnoquoquè vestrum lætabor copiosius, quàm supra nonaginta nouem iustos, qui non indigent pœnitentia. Quid cunctamini, optatissima præda mea? Festinate iam subire leue onus meum: & in schola sapientiæ melle dulcioris, discite à me, non mundum fabricare, non cuncta visibilia, & inuisibilia regere, non miracula

cula patrare, sed quia mitis sum, & humiliscorde, cuius imitatione amara quæque dulcescunt.

*Cap. II. Hortatur ne filij Adæ querant solatia mundi.*

**N**Oui cervicem vestram duram, filij Adæ: semper enim dulcissimo spiritui meo restitistis, non fidentes promissis meis, sed auidè quærentes solatia peregrina. Sed nunc saltem, inclinata iam die, conuertimini ad me, & sub iugo meo suavissimo inuenietis requiem fatigatis animabus vestris. Tempus est, ut in hora nouissima, queratis me, & mundi vanitati anteponatis suauissimam amicitiam meam. Venite ergo, & comedite bonum, & delectabitur in crassitudine anima vestra. Quare appenditis argentum non in panibus, & laborem vestrum non in saturitate? Quid vultis vobis in via Aegypti, ut bibatis aquam turbidam? & quid vobis cum via Assyriorum, ut profanas aquas hauriatis? Calix in manu mea quàm præclarus est, è quo usque ad satietatem bibunt fideles amici mei.



meū. Mirum est, quomodo non placeat vobis Cisterna Bethlehem, & inhietis ad cisternas dissipatas, in medio sili-  
cis excisas. Ne bibatis de calice Baby-  
lonis, vbi mors auro tecta latet. Ecce,  
ē vulneribus meis sanguinem, aquam-  
que propino: vt cordis humani sitim  
expleatis. Accedite ad me, celerrimis  
affectuum gressibus, & lateri meo,  
quasi fonti viuo labia imprimite: vt sa-  
tiemini ab vberibus consolationis  
meæ, & torrente voluptatis inebrie-  
mini. Fallax mundi gratia capiat gen-  
tes, quæ non nouerunt me, & ante Ba-  
al genua curuauerunt: Vos autem gens  
sancta, regale sacerdotium, & populus  
acquisitionis meæ, venenata mundi  
pocula, epulasque peccatorum respu-  
entes, pura Iordanis aqua delectemi-  
ni, fructuque ligni vitæ vescamini, in  
amænissimo paradiso, quem plantavi  
electis meis.

**CAP. III.**

*Monet sollicitudinem in æterna  
salutis opere.*

**B**reues dies hominis sunt, & nume-  
rus

rus mensium eius apud me est. Cōstitui quippe terminos eius, qui præteriri non poterunt. Et cum vos Adæ filij, in vitæ brevis angustia deberetis exultare ad currendam viam meam; in hac sola pigritamini, & mortalibus bonis nimium sollicitè detinemini. Fruimini bonis, quæ prohibui, & abutimini creaturis, tanquàm in iuuentute celeriter. Nullum virescat pratum, quod non velociter pertranseat luxuria vestra. Coronatis vos rosis festinanter, antequam marcescant: & cordibus indomitis licentiæ habenas relaxatis. Non placet mihi consilium hoc: dementiam hanc odiuit anima mea. Vos festinatis ad interitum gratis; quasi vos pretio magno non emissem: Ergo respiscite modo, & summo cum emolumento in requiem meam ingredi properate. Tantundem sollicitudinis postulo ad vitam iucundissimam, quantum in æterna morte posuistis. Ego cucurri in siti, ut vos fugientes apprehenderem, & è feritate mansuefactos, ad dulcissima pascua æternæ vitæ deducerem. Cur modò marcescitis ignavia,  
& non

& non ascenditis ad terram viuentium possidendam? Cur torpescitis, electi mei, & non potius animamini, vt assurgatis ad hæreditatem opulentam primogeniti populi mei? Certè si sciretis, quàm sit magna multitudo diuinæ dulcedinis, quam abscondi & seruauit quærentibus me: sicut desiderat cernuus, & currit ad fontes aquarum, ita & vos cursu velocissimo requiem meam peteretis. Experto tamen credite, & currite, si quo modo comprehendatis, more illorum, qui in agone contendunt, & anxie currunt ad brauium. Filij huius seculi sint veloces ad effundendum sanguinem; vos autem amici mei, propter verba labiorum meorum magna sollicitudine, custodite vias duras: & ad regionem viuorum, inter dolores, ac sudores fortissimè suspirate.

## CAP. IV.

*Iustos celeriter ad palmam currere docet.*

**H**omo, quasi flos, egreditur ex utero matris suæ, vbi ossibus, & nervis

uis compegi eum: & vix ad horam, in materia carnea consistens, fugit velut ymbra, & nunquam in eodem statu permanet. Idcirco iusti, quasi æternarum diuitiarum avari mercatores, licet consummentur in breui, explent tamen indefessa diligentia tempora multa. Et, si quid ex humana fragilitate peccant, citissimè se mundant laucro sanguinis mei: ne subitò præoccupati die mortis quærant spatium pœnitentiæ, & inuenire non valeant. Atquè ideò iustis meis omnia cooperantur in bonum, ijs, qui, secundum propositum dulcissimi cordis mei, vocati sunt sancti. Siue enim rectè agant, siue quandoque peccent, vehementer ad palmam incitantur, dum intimi doloris configitur spina. Charitas D E I vrget illos, vt magna semper operentur, vt fidelissimæ promissionis meæ confortes fiant, dum lati mandati mei viam, sine defectione, percurrunt. Vos ergo, charissimi amici mei, quos introducere decreui in terram melle, ac lacte fluentem, contendite intrare per angustam portam, antequam tenebrescat, &c

cat, & clausa vrbis sanctæ ianua, respondeam serò pulsantibus: Nescio vos. Inquirete futuram, quandoquidem inter mortales non habetis ciuitatem permanentem, sit vobis cordi: superna Ierusalem: & per itinera æternitatis, ad pinguem, & coagulatum montem meum, & lachrymarum valle, gemitibus inenarrabilibus, & suauissimæ Charitatis ardoribus properate.

## CAP. V.

*Omibus quantumuis peccantibus  
vitam offert.*

**Q**Vis est homo, qui vult vitam immortalem, & cupit, cœlo serenissimo, dies videre bonos? Veniat fidenter ad me, & custodiat planas, & rectas vias meas; Vita immortalis viuet, & factò intra eum viuò fonte dulcissimæ aquæ salientis in vitam æternam, mortem non gustabit in æternum. Ex magnitudine infinitæ bonitatis meæ, omnes saluos fieri volo: neminemque proijcio, ne peccatorem quidem obduratum, dummodo ipse saluus fieri velit. Nemo declinet à me humana pa-

na patiens, quasi tædio affectus sim hominibus tam sæpè parcendo. Misericors quippe corde sum, & ignoscendo delector. An coarctare vultis Adæ filij, misericordiam meam, vt, ad mensuram miserationis vestræ, sit tanquam nubes matutina, & quasi ros mane pertransiens, qui ex oriente sole consumitur: Viuo ego, quia nolo mortem peccatoris, sed vt magis conuertatur, & vita infinitæ consolationis plena viuat. Gloriam meam misericordia grandem alteri non dabo, ac in æternum sine tædio miserebor. Vtinam filij hominum, qui peccando consenescent, quoties ego parcerem, toties vellet reconciliari mihi, & ex animo requirerent me: hilarem semper, ac liberalem inuenirent: & animas nimis desolatas blandè loquens consolarer. Nemo enim, ab orbe condito, ex animo inuocauit me, super quo viscera mea non commouerentur; quamuis innumeris, & grauissimis sceleribus me ad iram prouocasset. Ab infantia enim creuit mecum misratio, & de vtero mitissimæ matris meæ mecum egressa est,

## CAP. VI:

*Conqueritur de ingratitude hominum.*

**I** Vstas querimoniarum causas habeo aduersum vos, filij hominum graues corde, qui pretium magnum infinitæ misericordiæ meæ repellere cogitastis. Præuaricati estis pactum dulcissimi testamenti mei: & spreto cultu diuinæ Maiestatis meæ, idola mundi veneramini. Quid est hoc? Quid inuenerunt in me iniquitatis patres vestri, quia recesserunt à me? Leges Medorum, atque Persarum studiosissimè obseruatis, & Satrapis mundi placere contenditis: solus ego contemnor, nec inuenio, quibus placeat amplissimus honor regni mei. Usquequo lugebit terra, & herba omnis regionis siccabitur à malitia inhabitantium in ea? Vniuersæ creaturæ ad nutum obediunt imperio meo: solus homo cucurrit aduersus me erecto collo, & pingui ceruice armatus est. Quid ultra debui facere humano generi, & non feci? Venite nunc & properate filij Adæ, & si vale-



valetis, arguite me. Quod si nemo potest arguere me de peccato, eloquia mea casta ne respuite, sed cordis vestri duritiam gratitudinis liquefactione resoluite. Auferam, si vultis, cor lapideum, daboque cor carneum: & faciam, vt in præceptis meis, more ceruorum, ambuletis. Educam vos de terra deserta, è loco horroris, & vastæ solitudinis. Constitutamque super excelsum terram, vt sugatis mel de petra, oleumque de saxo durissimo. Si, deposita duritie, mitescant corda vestra, repetito foedere, Deus vester ero, daboque in visceribus vestris, legem meam & in cordibus emollitis digito suauissimi spiritus mei, scribam eam.

## CAP. VII.

*Hortatur ad Verbum Dei aure  
cordis percipiendum.*

**M**OLLITI sunt sermones mei super oleum, & ipsi sunt iacula, vt simul vulnerent atque delectent. Quò circa mirum est, quomodo filij hominum quærant sibi magistros prurientes auribus, & à veritate mea



te mea eloquijs dulcissimis instillata  
auditum auertant, atque ad vanissimas  
fabulas conuertantur. Ego quidem fo-  
ris prædico, & in medijs vrbibus, at-  
que plateis emitto argenteam vocem  
meam: & fio vox clamantis in deser-  
to, vbi spinæ tribulique succrescunt.  
Vacant homines inertes, & nouorum  
librorum curiositate trahuntur: Sola  
lex mea immaculata, conuertens ani-  
mas, & sermo meus viuus, & efficax  
despicitur, quasi, summa cum volupta-  
te, non penetraret vsquè ad diuisionem  
animæ, & spiritus, compagum  
quoque ac medullarum. Quid dicam  
vobis amentes vanitatis amatores, qui  
fugitiuas vmbras somniæquè sectami-  
ni? Nunquid verba mea non ardent ve-  
lut ignis, quo soluitur glacies cordi-  
um, quæ culpæ frigore obriguerunt?  
Cur aures cordis obturatis, nec pati-  
entur audire vultis verba æternæ vitæ,  
æstimabilia super aurum, & lapidem  
pretiosum multum, & dulciora super  
mel, & fauum? Delectet saltem vos, ô  
Iustorum congregatio, cælestis elo-  
quentia mea, qua corda casta nutriun-  
tur: &

tur:& sermo meus non pictus persuasibilibus humanæ facundię verbis, virtute diuina suspendat. Accipite gratis argentum igne examinatum, probatum terrę, & purgatum septies: & quasi modo geniti infantes ediscite elementa suauissimi sermonis mei.

## CAP. VIII.

*Docet initio cursus, oculos mentis  
in eternitatem esse dirigendos.*

**F**ILII accedentes ad seruitutem meam, oculos, ante omnia, in æterna bona dirigite, & ad virentia sine fine prata suspirate. Estote sicut Issachar, qui cum videret terram, quod esset bona, & requiem, quod optima, supposuit humeros suos ad portandum, factusque est, seruiens sub tributo. Sic ego, proposito mihi gaudio sustinui crucem, confusione contempta, & transij per ignem, & aquam in superuenturum refrigerium. Et quod ad novos milites meos attinet, mihi credite, nihil esse, quod animos sermonis iustitię expertes, lactisque participes  
æquē

æquè moueat, ac sperata æternæ con-  
 solationis magnitudo : qua victores  
 exultabunt in gloria, & lætabuntur in  
 cubilibus suis Certè formosissima lux  
 mea, & purissima delectatio dexteræ  
 meæ, coronas varias, de multiplici la-  
 bore, iusta remuneratione reddentis,  
 animos pugnatorum fortissimè mu-  
 nit, ad confringenda capita draconis,  
 qui datur in escam populis Aethio-  
 pum. Spem hanc incedentem vsque ad  
 interiora velaminis, reponite in sinu  
 vestro; ne deficiatis laborando, quasi  
 mercede carituri. Tempus erit, cum  
 Altissimus Pater meus dicet fidissimo  
 procuratori suo: Voca operarios, &  
 redde illis mercedem incipiens à no-  
 uissimis vsquè ad primos. Hac spe plus,  
 quàm suauissima erumpunt aquæ in  
 huius vitæ deserto, & torrentes in so-  
 litudine. Et anima, quæ arescit, potu  
 delectabili reficitur, quo labores vni-  
 uersi dulcorantur. Spes hæc statuit pro-  
 cellam maris in auram, vt fileant per-  
 turbati fluctus eius. Hæc est hæreditas  
 fortium Israel; qui spernentes mo-  
 mentaneum hoc, & leue præsentis tri-  
 bulatio-

bulationis, intentos habent oculos in æternum gloriæ pondus, quod speratur in cælis.

*Cap. I X. Ponderat gloria magnitudinem.*

**P**ERFECTORVM est solidus cibus, eorum scilicet, qui exercitatos habent sensus ad discretionem boni & mali, & ex purissimo ac dulcissimo mei amoris affectu, sine introitu retributionis, me requirunt. At vos, qui purgatos cordis oculos nondum nacti estis & mercede mouemini, currite post me saltem more adolescentularum, quæ amoris imperfecti suauitate trahuntur. Certè in ciuitate primogenitorum, & in monte sancto, vbi, post diluuium aquarum, passionum uè multarum requieuit arca humanitatis meæ, nihil est, quod suauitatem, & amorem non spiret, & castissimis delitiis non circumfluat. Egreditur aquæ purissimæ fluius à me fonte viuo, ad irrigandam faciem terræ promissionis meæ: cuius vbertate, & amænitate viscera dilatantur: Nô ibi flat Aquilo, sed

sed venit. Auster, & auræ lenis sibilo,  
perflat hortum meum: lateque fundun-  
tur odores aromatum puram volupta-  
tem ingereant. Ibi lux beatissima  
sole formosior lætissimos gaudentium  
choros exhilarat. Ibi melos dulcissi-  
mum cordium, quæ in sua peritia re-  
quisierunt modos musicos, & ad nouū  
canticum sine fine duraturum psalteri-  
um decachordum aptauerunt. Ibi sua-  
uissima pulchritudo corporum & ani-  
marum super niuem candentium, &  
super coccum bis tinctum rubentium,  
& amores æternos in thalamo meo ce-  
lebrantium. Ibi castra mea immorta-  
les triumphos agentia, forma Virgi-  
num, adolescentum decore, victorum  
fortitudine disposita, quæ regnabunt  
mecum in æternum, & ultra. Verum  
hæc exigua sunt: neque gaudia mea in  
exilio Babylonis satis intelligere po-  
testis. Fide mea hîc opus est, cum sit  
sperandarum substantia rerum, argu-  
mentum non apparentium. Arcana  
verba sunt, quæ non licet homini lo-  
qui; cum Angelicam superent eloquē-  
tiam. Oculus non vidit, neque auris

B

audi-

audiuit, quæ ex infinito pondere bonitatis meæ, præparavi diligentibus me. Propter hæc ergo gaudia mea, milites mei noui, pugnate.

## CAP. X.

*Suadet suæ passionis imitationem.*

**N**OLITE timere pusillus grex: Ego protector vester sum, & merces vestra magna nimis. Mihi credite; Non est contemnendus decor dulcissimæ Sion, quam dilexi, plusquam tabernacula Iacob, vt non merito pro ea pugnare debeatis, & hoc multo nunc animosius: quia vniuersus Israel toto corde sequitur Absalom, quasi è quercu suspensus non esset infelicitè moriturus, & mitem Dauid transgredientem torrentem Cedron, flentem, ac operto capite, nudisque pedibus incedentem nemo est, qui fideliter sequatur. Quam crudeles sunt Adæ filij, regem suum mansuetissimum, in medijs laboribus, respuentes? Torcular crucis calcæui solus, & de gentibus, quasi suso sanguine, redemi, non erat vir mecum. Considerabam ad dexteram:

& vi-

& videbam; & non erat, qui cognosceret me. Et vos posteriores serui mei, quid vultis mecum iudicio contendere quasi gens, quæ iustitiam fecerit, & legem Dei sui non dereliquerit? Omnes me dereliquistis: Sed & æternus Pater meus, propter vos, dereliquit, ac percussit me. Nunc ergo, quando desolatione desolata est omnis terra, quia nullus est, qui recogitet corde, cogitatione, & affectu me patientem commitami, vt resurgenti sociemini. Ne horreatis societatem dolorum meorum, si dulcissimæ vitæ consortium exoptatis. Mortificate membra vestra, quæ sunt super terram: equum, qui est fallax ad salutem, eneruate, vt commortui, & consepulti mecum, ad diem, qui nescit occasum, mecum diluculo exurgatis, & dabo vobis, pro vigilia somnum, inter dilectos meos, pro bello, pacem, quæ superat omnem sensum, pro abstinentia, esum ligni vitæ, quod est in paradiso Altissimi Patris mei.



## CAP. XI.

*Monet parcum vitæ præsentis  
vsum.*

**O**MNIS, qui in agone contendit, ab omnibus se abstinere, quibus à cursu possit retardari. Vos autem, qui pro æterna vita pugnatis multò studiosius, quam filij huius seculi, ab omni impedimento viæ vestræ debetis abstinere. An non consideratis, quia nouissima hora est, neque misericordiæ semper locus erit? An pepigistis foedus cum morte, quæ tanquam fur intempesta nocte venit? Quare sequimini ventum, telasque aranearum texistis? Quousque patiar eos, qui argentum, thesaurizant & aurum, in quæ confidunt homines? Omnia sub sole transeunt; & mortalis vitæ conditio, non mansio vestra, sed peregrinatio est. Reliquum ergo est, ut qui emunt tanquam non possidentes, qui gaudent tanquam non gaudentes sint, & qui utuntur hoc mundo, tanquam non utantur. Præterit enim figura inconstantissima huius mundi, qui longissimè abest à perman-  
sura



sua ciuitate mea. Propter quòd, electi mei, qui ius æternæ hæreditatis nec amittere, nec diminuerè volunt, habentes alimenta, & quibus tegantur, tantò celerius currunt, quantò minùs ponderis mundani portant. Quid igitur vos solliciti estis in annos plurimos, quasi certò superuicturi, cum ignoretis, quid superuictura pariat dies? Grauerè errauit homo ille, cui dictum est: Stulte, hac nocte repetunt animam tuam à te, & quæ congregasti cuius erunt? Sperate, amici mei, quæ breui, ac necessario pereunt, & diuitiæ si affluant, nolite cor apponere.

**CAP. XII.**

*Negotiorum multitudinem dis-  
suadet.*

**P**ORRO vnum est necessarium, vnum, inquam, illud, quòd est bonum. Fecit o hominem rectum, vt bonum hoc infinitæ consolationis plenum, per vias rectas quæreret, & requireret, ille tamen, cum in honore esset, non intellexit, sed mille laqueis, & quæstionibus se implicuit, ac pere-

gre à me profectus est. Non placuit illi suauissima conuersatio mea, & studium illorum, qui ædificant sibi solitudines. Aquas fluuiorum Damasci multo cum strepitu currentes sitiuit; & fastidiuit aquas Hesebon, quæ dulcissimo silentio requiescunt. Quænam dementia est hæc, cor cuius vnione viuatur, tam multiplici, ac mortifera sectione diuidere? Adeone sæcularia negotia animas cælo natas diuertent, atquæ peruertent, vt æternæ salutis negotio, & tempus, & cura desit? Quærite primùm, ô filij Adæ, regnum Dei, & iustitiam eius, & in me cogitatum vestrum, pondusque iactate. Hæc sit fors, & portio vestra vita mortali pretiosior, vt numeremini inter charissimos amicos meos. Quòd si tempus alijs negotijs desit, iacturam temporalium bonorum, cum æternæ vitæ lucro patienter sustinete. Nam, si è cōtrario, in varias sollicitudines distracti breui mundi gloria prosperemini, quid soli ac synceri boni succedet? Dicite vos ipsi, quid profit homini, si vniuersum mundū lucretur, animæ verò suæ detrimentum patiatur? Negotiatores terræ

morientiū, exquisitores terrenæ prudentiæ, institores Themanitę atque Sabæi, quò tenditis in varia fragmenta dissipati? Quis mihi det, vt suauissima sponsa mea Sulamitis, Ecclesia inquam mea sit iuxta dies pristinos, quando multitudinis credentium erat cor vnū, & anima vna? Fugite de medio Babylonis, & animam sitientem mihi vnitam recreabo. Ducam eam in solitudinem, & dulcissimè loquar ad cor eius.

## CAP. XIII.

*Monet curiositatem sciendi fugiendā.*

**N**E pascatis ventū, Adæ filij, & doctrinas hominum ne anxie quaratis. Non gloriatur sapiens in sapientia sua, & legisperitus, in prudentia sua; sed in hoc gloriatur omnis qui gloriatur, scire & nosse me. Respicite, quid profuerit Aegyptijs, & Atheniensibus sollicitudo sciendi. Nonne sapientes consiliarij Pharaonis dederunt consilium insapiens, & existimantes se aliquid scire, stulti facti sunt? Nonne Athenarum præceptores ignoto Deo aram posuerunt? & stultitiam suā, nesciētes quid agerēt, publicarūt?

Infernus dilatauit animam suam , & omnes sapientes terræ absorpti sunt: quia cum inutilia , & vana scire satagerent , ignorauerunt me , in quo sunt omnes thesauri sapientiæ , & scientiæ Dei. Etenim , si ego solus cognoscar , sciendi fitis expletur , & splendore candidissimo anima illustratur , licet nihil aliud nouerit , præter me. Si verò omnia quis nouerit , excepto me , rudis & ignarus erit , & indigebit , vt tanquam infans doceatur , quæ sint elementa exordij sermonum Dei . certè Paulus , fidissimus seruus meus , cum ob scientiæ magnitudinem in pretio magno haberetur , nihil putauit se scire inter fratres suos , nisi me solum crucifixum . Quamuis enim multa didicisset abundantius æmulator existens paternarum suarum traditionum : ex quo tamen ego apparui ei , & sapientiam meam reuelauit , omnia contempsit , & in sola plenitudine scientiæ meæ requieuit . Discite ergo me , filij hominum , & ad scholam suauissimæ eruditionis meæ , spreto mundi gymnasio , transmigrate .

## CAP. XIV.

*Docet amicitiam hominum declinandam.*

**D**OLEO super vos, humanæ beneuolentiæ mercatores, quibus amicitia hominum nimis placet. Fidelis amicus omnî thesauro pretiosior est, raroque inuenitur in terra aliena. Mendaces quippe sunt filij hominum in stateris, nec fidem seruare didicerunt. Quid quæritis in terra, quæ uersa est in falsuginem à malitia inhabitantium in ea :| Præter non redimit fratrem, redimit fortasse homo, qui non est frater; & qui nescit amare animam suam. Filij Ierusalem, ne fidatis Idumæis, qui amicitia violata, Chaldæis confæderati dicunt: Exinanite, exinanite, usque ad fundamentum in ea. Si placet vera amicitia, quærite me, nec iam dicam vos seruos, sed charissimos amicos meos, & amicitia iure, omnium bonorum meorum communicatione gaudebitis. Non timebitis domui vestræ à frigoribus niuis, omnes enim uestiemini duplicibus, nec erit qui se abscondat à calore

B 5

meo,

meo, Diligam vos (vt Ionathas David) sicut animam meam : & laborum vestrorum fidelissimus consors ero. Qui tetigerit vos tanget pupillam oculi mei : & ex amoris magnitudine, vt nutritius vester aliam vos dulcissimo lacte meo. Quid moramini, ô duri corde, amicitia humanæ renunciare, ac mediis visceribus imprimere beneuolentiam meam? Recedite à tabernaculis impiorum, qui fraudulentè amant, ne inuoluamini in peccatis eorum : & amicitiam meam studiosissimè requirite. Certè, ne vobis molestum videatur, & amicos multos ad interitum, pertrahentes relinquere, vnus est/ go melior illis omnibus, ac fidelior non solum amicus, sed & frater, & pater amantissimus ero.

## CAP. XV.

*Docet oblectamenta varia respuenda.*

**V**ANI sunt sensus hominum, quibus non subest senectus mentis, & maturitas sapientiæ meæ, Non satiatur oculus visu, nec auris impletur auditu : & videntur sibi filij Adæ sapienter agere, si nimis humana oblectamenta



menta, & exercitia quærant, deposito  
exereitio timoris, & amoris mei. Cau-  
santur otij fugam etiam ij, qui viden-  
tur supra modum spirituales, & ma-  
gnam diei partem Mathematicis disci-  
plinis, Architecturæ, aut picturæ, aut  
eiusmodi artibus impendunt. Quid est  
hoc? Filij hominum vsquequò graui  
corde vt quid diligitis vanitatem, &  
pro veritate mea, quæritis mendaci-  
um? Si Architectura placet, an superna  
Ierusalem non ædificatur vt ciuitas,  
cuius participatio eius in idipsum? Cir-  
cumspicite structuram ciuitatis meæ,  
fundamenta posita in montibus san-  
ctis, murū in quadro lapidibus ex viuis  
cōsurgētē, portas ex sapphiro, & sma-  
ragdo artificiosè cælatas, præaltas tur-  
res, quæ eminēt in lateribus Aquilonis,  
& vniuersas edificiij partes, quæ ciuita-  
tem Regis magni decent. Si pictura  
placet, intuitum figite in splendoribus  
sanctorum & imagines viuas, vbi lu-  
cet dulcissima pulchritudo mea, con-  
templamini. Candorem illū niue puri-  
orem, & ruborem porphyrite perfe-  
ctiorē, quo splēdet immortale corpus.

B 6

meum,

meum, cogitate. An non consideratis, per exercitia hæc vestra, vos, ad salutem æternam parùm proficere? Et si enim otium vitetis, meliorum tamen bonorum damna patimini: quæ vitare deberetis. Vigilate ad postes ostij mei, & exercitia ad æternitatem profutura seligite. Visitate domos orphanorum; subuenite egeno, & pupillo; esurientem animam recreate. Ludite mihi in organis carminum Domini, in cætu suauè sonantis Ecclesiæ meæ, & scripturæ sacræ campos perlustrate. Hæc & eiusmodi alia sunt oblectamenta quærentium Deum, quærentium faciem serenissimam Dei Iacob.

## CAP. XVI.

*Docet gula vitium fugiendum.*

**E**X quo, per cibum vetitum, peccauit Adam pater vester, prohibita conuiuia sectamini, filij hominum: & nisi saturati fueritis, murmuratis. Corda vestra grauantur crapula, & ebrietate, & solas Aegypti ollas cogitatis. Quænam ruditas est hæc? An escæ profuerunt ambulanti in eis? Certè nimis



mis cæca, & spiritui meo inimica pas-  
 sio est hæc quæ filios meos à cultu, &  
 amicitia mea diuertit. Incrassatus est  
 enim dilectus populus meus, & recal-  
 citrauit, & incrassatus, impinguatus,  
 dilatatus. Dereliquit saturatus me De-  
 um factorem suum: & ferina ingratu-  
 tudine, recessit à Deo salutari suo. Væ  
 illis qui inter profanas Chædæorum  
 mensas, computrescunt, & belluarum  
 pabulo cupid. seruiunt. Esca ventri, &  
 venter escis: Deus autem, & hunc, &  
 illas se uere perdet. Recordamini po-  
 puli mei per desertum transeuntis, &  
 considerate, quid acciderit ei. Petie-  
 runt & venit coturnix, & pane celi sa-  
 turaui eos. Et plui super eos, sicut pul-  
 uerem carnes: & sicut arenam maris  
 volatilia pennata. Sed quid profuit eis  
 voracitas illa? Certè adhuc esca eo-  
 rum erant in ore ipsorum, & ira mea  
 ascendit super eos & occidit pingues  
 eorum, electosque Israel ab ingressu  
 terræ promissionis impediuit. Melius  
 est, cum Lazaro, quondam paupere, fa-  
 mem pati, & in sinum Abraham exul-  
 santibus angelis deferri, quàm cum di-

uite Epulone, qui ſepultus eſt in inferno; poſt ſplendida conuiuia perire. Ne abutamini creaturis meis: ſed, cum timore meo temperantiam colite & eritis è numero illorum, qui cum Abraham, Iſaac, & Iacob cæterisque chariſſimis amicis meis, recumbent ad menſam nuptiarum Agni, & in ampliſſimo regno meo.

## CAP. XVII.

*Monet honoris ambitionem fugiendam.*

**V**AE vobis, Adæ filij, qui quæritis eſſe ſicut dii: amatis gloriam hominum primosque accubitus in cenis, & primas cathedras in foro requiritis. Quid vobis proderit iactantia, & honorifica ſultorum exiſtimatio? Quàm longè receditis à mitiſſima diſciplina mea, quam docui, ex quò memetipſum exinaniui. Sanius conſilium eſt in nouiſſimo loco ſedere, & humilia de vobis cogitare. Dicite mihi, honoris mercatores, ubi ſunt regeſterrarum, quorum nomina non ſunt ſcripta in libro vitæ? Nonne ſedes ſuperborum deſtruxit

struxit Dominus, & sedere fecit mites  
pro eis? Cecidit Babylon, & claritas  
nominis eius obscurata est. Considera-  
te imperium aureum, argenteum, ære-  
um, & ferreum; Chaldaeos, Persas, Græ-  
cos, & Romanos: nonne lapis vnus,  
specie vilis, abscissus de monte, sine  
manibus, comminuit eos? Fixum est de-  
cretum hoc: Quicumque honorificaue-  
rit me, glorificabo eum: qui autem cō-  
tēnunt me erunt ignobiles: Contēnite,  
filij mei, quod apparet, & nō est; & fa-  
stū sæculi alta humilitate calcate. Dis-  
cite à me, qui sū corde humilis, & glo-  
riā hominū, teste Patre meo, nō desi-  
deravi. Hæc est prīma pars eruditionis  
meę, quā instillavi fidelissimis discipu-  
lis, & imitatoribus meis; qui lætātes i-  
bāt à cōspectu cōcilij, quoniā digni ha-  
biti sunt, pro dulcissimo nomine meo,  
cōtumeliā pati. Hæc est gloria abscon-  
dita, sub crucis humilitate, omnibus  
honoribus, & imperijs præferenda, &  
super speciē, & diuitias æstimāda. No-  
lite ergo in retāta obdurate corda ve-  
stra: sed alto mundi contemptu, ad im-  
mortalem gloriam per contumeliā  
crucis festinate.

CAP.

*Hortatur ad odium Auaritia.*

**V**AE vobis diuitibus, qui habetis consolationem vestram, in hoc mundo. Cur tam anxie adoratis aurum, quod quidam appetentes errauerunt à fide, & inseruerunt se doloribus multis? Nihil nisi terram diligitis, & opes meas cælestes obliuioni tradere festinatis. Citò cum dolore amittetis, quæ nunc cum illicita delectatione possidetis. Scriptum est enim dictante spiritu meo: Dormierunt somnum suum, & nihil inuenerunt omnes viri diuitiarum in manibus suis. Fugite ergo auaritiam, quæ est idolorum seruitus: & præter me, nullas opes aestimate. Tantundem enim amor meo detrahitis, quantum in bonis eaducis collocatis. Minus enim me amat qui mecum aliquid amat, quod propter me non amat. Nonne considerabitis, vos cito morituros, vt sitim cupiditatis extinguatis? Quorsum horrea noua ædificare, & domos æternas in terra peregrinorum fabricare queritis, vt ibi argentum recondatis? Thesauri-

faurizate potius vobis thesauros in  
cælo, vbi semper victuri estis, & mise-  
ricordiis pauperum mihi Deo vestro  
fœneramini. Certè, semitæ omnis aua-  
ri animas possidentium rapiunt, vt in  
terra deserta, inuia, & inaquosa, longè  
à salute mea, longo exilio demoren-  
tur. Deponite iam pondus terræ, qua  
grauamini : relinquate omnia, vt me,  
qui non habui inter vos, vbi caput re-  
clinarem, sine onere sequi valeatis.  
Quomodo enim me expeditum, &  
currentem sequi poteritis onerati? Be-  
nè dixit Petrus fidiſſimus seruus meus:  
Ecce nos reliquimus omnia, & secuti  
sumus te; neque enim exultasset me-  
cum ad currendam viam, nisi pondus  
tantum abiecisset. Hoc ergo facite, &  
viuetis.

## CAP. XIX.

*Hortatur ad odiũ parentum,  
& consanguineorum.*

**S**PIRITVS est, qui viuificat: caro  
autem non prodest quicquàm. Im-  
mo, non solum non prodest caro,  
sed vehementer nocet. Ideò fideles a-  
mici



mei mei, qui non ex sanguinibus, neque ex voluntate carnis, neque ex voluntate viri, sed ex Deo nati sunt, ne forte in vanum currerēt, aut cucurrissent, iuxta consilium meum, omnē carnālē propinquitatem oderunt, & quasi spiritus mei venenum euitarunt. Ex hoc numero fuit ille, qui latabatur canens: Pater meus, & mater mea dereliquerunt me; Dominus autem assumpsit me; Non est inutilis commutatio, pro parentibus, qui ad seruitutem, & mortem generāt, à dulcissimo Patre meo, inter filios Sion inclytos, & amictos auro primo, amantissimē adoptari, & ad hāreditatē æternam ius habere. Sed mundus hanc adoptionem non cognouit, & mortiferis consilijs, quos Pater meus in suam adoptionem vocat, naturalis legis colore, & alijs æquitatis apparentis vmbri seducit. Quid est hoc? Ego qui à purissima genitrice mea nihil damni spiritualis pati poterām, vbi salutis vestrę causam agebam, quasi alienam non cognoui: & serui mei, à contagio carnis impuræ non timebūt? Sinite mortuos sepelire mortuos suos:  
& in

& in æternæ salutis ingressu, vel progressu carnalium parentum blandimenta, consiliaque vitæ. Et ego suscipiam vos, quasi fidelissimos amicos, & suauissimos fratres meos. Pater meus, pater vester erit, & erit mater vestra, mitissima Virgo, quæ genuit me.

## CAP. XX.

*Hortatur ad mortificationem sensuum.*

**A**TTENDITE filij, quæ dico. Sensus, & cogitatio hominum prona sunt ad malum ab adolescentia sua. Propterea, necesse est, vt mortificationem meam, in corpore vestro, semper circumferatis: Equus enim effrænis in abundantia virium suarum non saluabitur. Castigate sensus vestros, quasi iuuenculos indomitos, ne forte legem mentis transgrediamini. Nec durum vobis videatur oculos cohibere, ne mors intret per fenestras, & ostium circumstantiæ ponere labijs vestris, ne verbis indisciplinatis me offendatis: placebitis enim mihi valde, & pro visus mortificatione, videbitis lucem.

lucem splendidissimam, quam videbat Tobias, & Isaac, postquam caligaauerant oculi eius Pro labiorum verò custodia, docebo vos dulcissimum sermonem meum, qui linguas infantium facit disertas. Certè sancti mei, qui regnum cælorum violenter rapuerunt; sensibus suis, quod volebant, constantissimè negarunt: & facti sunt custodes lectuli Salomonis, tenentes semper enssem districtum, contra femur suum. Sensuum enim pugna numquam intermittenda est, si salui esse velitis, ne pereatis, vel à sagitta iracundiæ volante in die, vel à negotio impuritatis perambulante in tenebris, vel ab incursum ambitionis, seu dæmonio meridiano. Nullus locus, nullum tempus, quamdiu mortales estis, à sensuum prælio immunis est: ne igitur salutem vestram æternam contemnatis. Et quidem extremæ dementiæ est, sinere sensus vestros duci in æternam captiuitatem: cum possitis per modicum laborem, & mortificationem, infinitam consolationem eisdem sensibus, in cælesti regno meo, superuenturam comparare.

*Quid*



Quid quæritis delectationes impuras?  
Ad vera potius, & æterna gaudia, breui  
luctu, suspirate.

Cap. X X I.

*Monet mortis memoriam.*

**V**TINAM Filij Adæ saperent, &  
intelligerent, ac nouissima pro-  
uiderent; Vtinam & vos, qui non vide-  
mini repellere consilia mea, sæpe, ac  
serio cogitaretis, qualis anxietas in  
hora mortis ventura sit. Certè mundi  
desideria statim euanescerent, nequè  
in æternū peccaretis. Omnes ad mor-  
tem velocius, quam à texente tela suc-  
ciditur, properatis, paucitasque die-  
rum nimis breuium finietur breui: &  
tamen mortis vix vnquam recordami-  
ni. Palatia sumptuosa, promptuaria  
plena, filiaque vestra circumornata,  
vt similitudo templi, apertè demon-  
strant, quid inter vos ipsos meditemi-  
ni. Quid scitis, an prima, an media no-  
cte, an galli cantu, venturus sim, & in  
virga directionis rationem vitæ peti-  
turus? Ego dinumero gressus vestros,  
& tanquam in sacculo, signo debita ve-  
stra,

stra, quasi celeriter æs alienum exacturus: & vos mortem, nec per horam, cogitatis? Non placet mihi grauis obliuio hæc, ob quam puniui ciuitatem meum Ierusalem. Cùm enim essent sordes eius in pedibus eius, non est recordata finis sui. Si enim finem cunctorum viuientium præuidisset, quomodo pedes inquinasset? Transitus illius memoria cor premit, ne altum sapiat; sed in timore, ac tremore salutem operetur. Propter quod, filij mei, inter negotia, & gaudia sæculi, frequenter mortis agonem, doloremque pensate: Vt per vias rectas iustitiæ; ac immaculatę legis meę, alacriter tendentes, in æternum non pereatis: sed tanquam fideles, ac solliciti serui, statim ac venero, & pulsauero, confestim aperiatis mihi, & intretis in æternum gaudium Altissimi Patris mei.

## CAP. XXII.

*Monet Iudicij timorem.*

**Q**UI iustificari quæritis, timete abyssum iudicij mei, in quo causas omnes filiorum Adæ, cùm accepero tempus, iudicabo. Dum ego culpas hominum

minum dissimulo, ipsi quasi tauri pingues sine freno timoris exultant; Sed per memetipsum iuraui, quia mihi curuabitur omne genu. Ego faciã verbum in Israel, quod qui audierit, tinnient ambæ aures eius. Tacui enim, diu filii & patiens fui: sed in suprema die iræ, vt parturiens, cum impetu, loquar: Nunc parco, & mitissimo corde inimicos meos ad pœnitentiam, & veniam voco: tunc verò, quando erit tempus, quale non fuit, ex quo gentes esse cæperunt, deducã oēs gētes in vallē Iosaphat & ibi disceptabo cum eis super nouissimo testamento meo. Ne abutimini, o filij, mansuetudine mea, quasi nunquã cū iudice acturi: omnes enim vos manifestari oportet ante tribunal meum, vt referat vnusquisq; pro vt gessit in corpore, siue bonum, siue malum. Misericordia mea superexaltat iudicium, vt postea tam seuerè puniã quàm misericorditer nũc ignosco. Timete irã meã pusilli, & magni, & per opera bona timorem futurum præcauete. Columnæ cæli contremiscent, & pauebunt ad nutum meum; nam in Angelica natura reperiam prauitatem: Quan-

to ergo magis æquum est, homines, qui habitant domos luteas, pauere iudicium meum, nec bibere, quasi aquam, iniquitatem? Placeat vobis paternis visceribus dignum consilium meum: Si me propitium, in die ultionis, videre desideratis, ante diem rationis, me tanquam iudicem expauescite. Viuite in multa cordis sollicitudine, mihi soli placere studentes; non enim proderit vobis fauor, aut gratia hominum, si me prius non placatis. Videte, quod ego sim solus, & nō sit alius Deus præter me. Ego occidam, & ego viuere faciā, & non est, qui de manu mea possit erueri. Ego reddam ultionem hostibus meis: & ijs, qui oderant me, retribuam.

*Cap. XXIII.**Monet fugam peccati.*

**N** IHI est, filij charissimi, quod iram meam prouocet, nisi peccatum: cuius causa, tactus dolore cordis intrinsecus, deleui, per diluuium hominem, quem formaueram; & excitatus sum ad puniendos inimicos meos, tan-

os , tanquam dormiens, & tanquam  
 potens crapulatus à vino. Iniquitatem  
 odio habui, & abominatus sum: into-  
 lerabilis enim mihi est peccati turpi-  
 tudo. Angelis non peperci, & horren-  
 dis supplicijs orbem terræ percussi: vt  
 grande peccati malum pensare disce-  
 retis. Si ergo iram meam vitare cupi-  
 tis; quasi à facie colubri, fugite pecca-  
 tum, & per vias iustorum rectas ad me  
 venire properate. Aedificent alij Ba-  
 bylonem, & qui in sordibus est, sordescat  
 adhuc: vos autem, qui me sequi de-  
 sideratis, ab omni peccato abstinentes  
 curate, vt citò, ædificentur muri Ieru-  
 salem , atquè adeò, qui iustificatus est,  
 iustificetur adhuc. Non est pars in filio  
 Dauid ijs, qui peccare non timent: im-  
 mo tradentur ipsi in manus gladij, &  
 partes vulpium erunt. Rem quippe ne-  
 fandam operati sunt, & vestimenta sua  
 in sanguine Agni non dealbauerunt.  
 Expurgate vetus fermentum , & san-  
 ctuarium cordis vestri , vbi habitare  
 cupio , ne imposterum polluat. Ap-  
 parebuntque vultus vestri, coram me,  
 formosiores, per abstinentiam pecca-  
 ci, quam

ti,quàm vultus eorum,qui in domibus regum nutriuntur in croceis, & amplexantur stercora peccati. Estote imitatores mei, sicut filij charissimi, vt præsentetis, imagine viuâ, innocentiam meam, & spurcitiâs peccati impoluto calle pertransite. Hæc est sapientia iustorum, qui culpam magis, quàm inferni pœnas timent: & studiosissimè fugiunt incentiuâ peccati. In dies singulos quærunt aspergi sanguine meo, & mundari, ac super candidissimam niuem dealbari.

## CAP. XXIV.

*Monet compunctionem cordis.*

**Q**VI mihi placere cupit, non quærît, altum sapere: sed in animo contrito, atquè sollicito à me suscipi. Propterea fugit omnia illa in quibus animus sibi placet: & ea exercitia eligit, quæ mundi fugam, & lachrymas generant. Ex hoc numero fuit rex ille seruus meus, qui cùm esset paruulus, in oculis suis, nihil curans regni magnitudinem, media nocte surgebat, ad confitendum mihi, & innumeris suspirijs, &

rijs, & gemitibus potum cum fletu miscebat. Filij huius sæculi, qui dignitates magnas ambiunt, & qui amore diuitiarum descendunt mare in nauibus, facientes operationem in aquis multis, & illi etiam, qui per negotia quocquè licita nimis distrahuntur, raro valdè compunctionem habent. Amici verò mei, quorum anima concupiscit, & deficit in atriâ mea, inter ipsa negotia, suspirant ad me, & statis horis, intrant in cubiculum, clausoque ostio, effundunt in conspectu Patris mei orationem suam, & tribulationem suam ante ipsum pronunciant. Ex quo fit, vt compunctionis sensus descendat super humilia corda ipsorum, sicut pluuia in vellus, vel sicut stillicidia stillantia super terram. Et vos ergo, filij mei, alta fugientes salutarem peccatorum dolorem, & compunctionem in abscondito requirite: flere discite: & dulcissimis lachrymis stratû vestrû in silêtio noctis rigate. Et in vigilia matutina, cordis contriti sacrificiû odorabor: & reducâ super inimicos vestros aquas maris, cum intima lætitiâ cordis vestri.



## CAP. XXV.

*Hortatur ad perfectam conuersionem.*

**V**SQVEQVO, filij Adæ, claudicatis in duas partes? Mihi ex toto corde seruire renuitis, & mundo partem cordis malè diuisi destinatis? Quid dicam vobis? cur me quasi durum Dominum timetis? Conuertimini ad me, & ego conuertar ad vos. Ego enim nunquàm nocui viro, qui vellet seruire Patri meo: populus autem meus, si non contempsisset me, non alleuasset lanceam meam super eam. Nunc verò quid vultis faciam vobis? Ero Deus vester, & mitissimo corde filios prodigos suscipiam, quamuis substantiam consumpserint viuendo luxuriosè. Nō reiicio publicanos, sed infinita dulcedine illis, ad primum gemitum, reconcilior. Non irascor seruo nequam supplicanti: sed decem millia talenta, ad solas preces, dimitto. Quare ergo vos de me non benè opinamini, & ad me toto corde reuerti dubitatis? Sacrificate mihi corda vestra, & per ignem exaudiam



audiam vos: & numerabo inter fidelissimos amicos meos. In misericordia reducam vos, & adducam per torrentes aquarum in via recta, nec impingetis in ea: quia factus sum vobis pater, & populus vester, melius, quam Ephraim, primogenitus meus est. Eritis mihi fœderati, nam, ab antiquo, dilexi vos, & luctum vestrum in gaudium cōvertere decreui. Sufficit præteritum tempus peccato impensum: nunc verò, sicut exhibuistis membra vestra seruire peccato sub tyrannide Pharaonis, sic (quod reliquum est vite) exhibete illa, vt seruiant iustitiæ, sub imperio suauissimo filij Dei, qui regnavit à cruce, & domuit orbem non ferro, sed ligno. Soluite iam vincula colli vestri, captiui Adæ filij, & ad libertatem filiorum Dei respirate. Projecite iam idola mundi de medio vestri: vt in corde vestro solus possim habitare. Mundamini balneo sanguinis mei, qui per sacramenta influit in animas vestras: & inter viua, perfecta que Ecclesiæ sponsæ meæ, membra, spiritu vitali meo regi, ac dulcissimo Iustorum consortio frui properate. C 33 PARS

PARS SECUNDA  
DE

VIRTUTIBVS,

Quarum actus Iustorum prudentia præscribit.

CAP. I.

Docet IESVS CHRISTVS summam sapientiam, in vite puritate, veroque virtutum cultu, consistere.

**S**ENECA TVS venerabilis est, charissimi filij mei, non diuturna neque annorum numero computata: Cani enim sunt, incontaminati sensus hominis: & ætas senectutis vita immaculata. Utinam verbum crucis, quod ijs, qui salui fiunt, Dei virtus, & sapientia est, semel saltem adhæreret visceribus vestris, ut loti anima, & corpore, ascendentesque de lauacro pretiosi valde sanguinis mei, cordis puritatem seruaretis. Ipsa enim puritas secretò erudiret vos, & occulta sapientiæ meæ suauissimo magisterio manifestarè vobis.

bis. In maleuolam quippe, & coinquinatam animam non introibit sapientia mea, nec habitabit in corpore subdito peccatis. Ille verò solus ad æternitatem sapiet, qui ingreditur sine macula, & manus suas seruat innoxias, ne peccato vlllo fædetur. Hæc est altior mûdo eruditio mea, quàm Dauid seruus meus accepit; dum super senes intellexit, quia mandata mea, immaculato corde, quæsiuit. Hæc est mentis maturitas, quam Agnes tenera puella, & dulcissima sponsa mea, comparauit: Infantia siquidem cõputabatur in annis. Sed erāt senectus mentis immensa, ut omnes, qui per veras virtutes (quæ sunt ipsamet animæ pulchritudo) exhibent mihi puras animas suas, non habentes maculam, nèquè rugam, numerantur inter senes longæuos regni mei, sapientiæ laude, in consilio iustorum, celebratos. Abstergite ergo, filij, sordes mentis, & accuratissimo virtutū mearum studio extollite manus puras in sancta: faciem quæ meam suauissimo noui sacrificij odore, requirite.

## CAP. II.

*Mortatur ad primam ætatem, per  
veras Virtutes, Deo conse-  
crandam.*

**O**FFERTE mihi primitias, cha-  
rissimi filij, ætatemque primam,  
sacrificio matutino, antequàm pollua-  
mini, mihi consecrate: & placebitis  
mihi super vitulum nouellum, cornua  
producentem, & ungulas. Quid vobis  
cum filiabus Madian, quæ veros fili-  
os Israel carnali gratia corrumpunt?  
Ne sequamini Moabitides, & Sidonias:  
certissimè enim subuertent corda ve-  
stra. Sacrificate mihi potius primum  
ætatis florem, & inter nouellas pie-  
tatis plantas, iustitiæ decorem germi-  
nate. Certè, si sciretis, quàm gloriosum  
sit, ab ipsa pueritia, mihi seruire; tæde-  
ret vos mundanæ consolationis, quæ  
teneras, ac inexpertas animas seducit.  
Felices illi, qui ab infantia discunt ti-  
morem meum, quo amabilem ætatem  
illam à corruptione præseruent. Qua-  
si lilia, inter spinas, in paradiso meo,  
florebunt: & tanquam cedrus, quæ in  
libano

libano est, multiplicabuntur. Quasi cinnamomum, & balsamum aromatizans, virtutum cum ætate crescentium odorem, in Ecclesiæ meę plateis, effundent. Et ego habebō in deliciis dulcissimam iuventutem, quæ ut mihi seruiret, parentes, & amicos nesciuit, mundum negavit, & me, super omnia æstimare, quærere & diligere decrevit. Erunt mihi sicut Samuel, & Tobias fidelissimi serui mei, qui à primis annis vsque ad senectutem mihi placuerunt. Benè incipient, meliusque proficient, adhucque multiplicabuntur in senectavberi. Et benè constantes erunt, ut posteris suis annuncient, quoniam misericors valde sum ego & glorificō dilectissimos amicos meos.

CAP. III.

*Hortatur ad exercitium fidei.*

**M**IRVM est, filij charissimi, quanta sit ingratitude vestra, circa exercitium fidei; quæ sicut lucerna lucet in caliginoso mortalis vitæ loco, donec dies æternitatis illucescat, & lucifer diuinus oriatur

C

in cor.

in cordibus vestris. Certè vobis datum est, nosse mysterium regni Dei, participesque fieri cælestium sacramentorum, vt cognoscentes ea, quæ carnis oculis videntur, temporalia esse, vosque, vbi modò non videtur, habere meliorem, & manentem substantiam, vsu fidei, contemneretis momentanea, & diligeretis æterna. Nunc autem fidei exercitium obliuioni traditur, quasi ad benè viuendum parùm salutare esset. Non placet mihi obliuio hæc, quæ multos quoque seruos meos occupauit: non enim vtuntur fide mea, in prosperitatibus, & aduersitatibus, vt omnia vincant, & se à peccatis immunes conseruent. Certè Moyse seruus meus, grandis factus, fidei exercitio, negauit se esse filium filix Pharaonis, magis eligens affligi cum populo Dei, quàm temporalis peccati habere iucunditatem, maiores diuitias estimans thesauro Aegyptiorum improprium meum. Aspiciebat enim, accenso fidei lumine, in remunerationem, quam, sine fide, non aspiceret. Sic & vos, filij mei, quibus reuelata sunt mysteria in-

finitæ



finitæ consolationis plena, quæ à sapientibus, & prudētibus Pater meus abscondit, debetis fide cor syncerum firmante uti, ad mundi gloriam despiciendam, & crucis disciplinā, præ diuitijs, & honoribus, æstimandam. Videte quàm parum profuerit tot sectis Philosophorum, definientium, diuidentium; argutè disputantium, illa sterilis cognitio creaturarum, quia non fuit eis datum, ut cognoscerent me. Recogitate grande beneficium hoc, & cum intima gratitudine, ob reuelationem fidei meę, in corpore meo, quod est Ecclesia, me auctorem salutis vestræ laudate. Sitis synceri, non scrutantes, in mysterijs altissimis fidei, Maiestatem meam, ne fortè à gloria opprimamini: sed in captiuitatem redigentes omnem intellectum in obsequium fidei: quæ mites animos mihi, sine discussione credentes, & corda casta requirit.

*CAP. IV.**Hortatur ad spem.*

**I**ACTATE in me, filij, cogitatum vestrum, & ego vos enutriam: projicite in me pondus laborum, & afflictionum vestrarum, & ego illud tollā.

A sæculo enim non est auditum , vt confunderetur, qui in me confideret. Dura ceruice, & incircumcisis cordibus mihi semper resististis , adhuc & vos, qui inter discipulos meos esse cõrenditis. Non enim benè de me sentire vultis , & contra misericordias meas magnas, nimia pusillanimitate pugnat: quasi peccantibus parcere , aut vitiõrum, & passionum tentationumque victorias concedere , aut temporalia bona ad æternam salutem profutura largiri nolim. Numquid infidelem promissorum redditorem me probastis? Quando defui suspirantibus ad me? Certè, vel ex ipsa experientia convincere possum , vos esse imitatores illorum, qui dixerunt: Percussit petrã, & fluxerunt aquæ, & torrentes inundauerunt: Nunquid & panem poterit dare , aut parare mensam populo suo? Quid vobis videtur de cæcitate hac? Profectò si ego potavi populum sitiẽtem, sine dubio sperandum erat , me panem esurienti populo daturũ. Quare ergo serui mei experti priores misericordias meas , non sperabunt posterio-



steriores, quas experientia mea dulcissima bonitatis sine difficultate promittit? filij modicæ fidei quare dubitatis? Ego sum ipsa bonitas infinita, & delector benefaciendo ijs, qui oderunt me; nunquid ergo non miserebor ijs, qui me die, ac nocte requirunt? Si vos, cum sitis mali, nostis bona data dare filiis vestris; quantò magis Pater meus cælestis dabit spiritum bonum petentibus se? Nemo desperet veniam, quantumvis me graviter offenderit: quomodo enim potero non parcere, qui fuso redemptionis pretio Salvatoris officio, & suavissimo (Iesus) nomine glorificor; Porro si confidenter vocetis me, & si fuerint peccata vestra, ut coccinum, quasi nix dealbabuntur: & si fuerint rubra, ut vermiculus, quasi lana alba erunt. Si enim, cum adhuc peccatores essetis, nec de me placando cogitaretis, misericordia mea prævenit vos: an credibile sit, modò, quando iam cor meum gemendo pulsatis, me vos non exauditurum? Ne sitis increduli, & degeneres: quasi temporalia quoque bona vobis defutura sint: man-

dabo quippe nubibus desuper , & ianuas cæli aperiā: pluam vobis manna ad manducandum, & filiorum pane saturabo. Respicite volatilia cæli, quomodo non ferunt, nequē nent, & Altissimus Pater meus pascit illa, nequē vnum saltem eorum est in obliuione eorum illo: quanto ergo magis vos, filij mei, pro quibus, dedi, in manus inimicorum, preciosam animam meam, non eritis mortui à corde Patris mei? Habete fidem Dei, dum laboribus, & tentationibus exercemini. Amen quippe dico vobis, si quis vestrum dixerit alicui monti; Tollere, & mittere in mare: & non hæsitauerit in corde suo, sed crediderit, quia quodcunque per me petierit, fiat, fiet ei. Ego enim noui cor Patris mei, à quo, si quis, per me filium suum dilectum, in quo sibi complacuit, aliquid postulauerit, liberalius, quàm dici possit, dabit ei. Quòd si non statim videtur semper exaudire, ideo id facit, quia sic expedit vobis, vt perfectius orādo, maius meritū, & maius gaudiū comparetis. Sperate ergo in eo omnis cōgregatio populi, effundite in  
conspice-

conspectu eius corda vestra: dico enim vobis, quia non fraudabit illos qui perseveranter confidunt in eo.

## CAP. V.

*Hortatur ad amorem.*

**F**ILII præbetem mihi desiderata valde corda vestra; & me, ex tota anima, totaque fortitudine diligite. Non possum quippe corda diuisa sustinere; nemo enim potest duobus Dominis seruire. Sed ut ratio, & experiētia doceant, alterum diligit, alterum verò cōtemnet. In hoc certè apparet stultitia filiorum Adæ, quod cum extra me requiē inuenire nō valeant, trahuntur apparēti voluptate rerū transeuntiū, & corda sua pro nihilo vendunt. Species decipit eos, & fallaci decore abalienati sunt retrorsum. Sequuntur deos alienos, qui cultores suos ficta deitate seducūt. Facti sunt filij hominum, quasi colūba seducta nō habēs cor, nidificantes in alienis tectis, vnde pulli passim surripiūtur. Sanius cōsiliū est, filij mei, nidificare in foraminibus petreæ, & in molli cauerna macerix, quam vobis præparaui; ut propinquitate

cordis mei lætaremini, & exultaretis ad gaudia mea, quasi qui inuenit spolia multa. Ego vobis amicus, soror, frater, pater, mater, & sponsus effectus sum: & ad infiniti amoris ostensionem, quasi colonus in terra spinas, & tribulos germinante, feci, pro salute vestra, quæ nemo alius fecit: quare ergo alienamini à me, & detrectatis dulcissimum consortium meum? Si vtilia quæritis, omnia mea bona vestra sunt: & ad hoc, vos inuitare decreui, vt fruamini æterna hæreditate mea. Si honorifica vultis: estote amici fideles, nimis enim honorificati sunt amici mei, nimis eleuatus est principatus eorum. Si delectabilia placent, magna nimis est multitudo dulcedinis, quam præparauì diligentibus me. Quocirca placeat vobis consilium meum, vt cordium vestrorum tributum mihi reddatis, si summi boni, in quo sunt omnia bona, vultis esse participes. Quid moramini expectati valde amici mei? Abijcite vanos amores, & verum amorem meum, quo nihil in terris, aut in cælis dulcius esse potest, super mundi diuitias, voluptates,

ptates, & honores æstimate. Fument  
mihi altaria cordium vestrorum ca-  
stos amores spirantium, & odorabor  
odorem infinitæ suauitatis, quem cu-  
pit anima mea. Considerate, filij, quan-  
tæ sit consolationis, affectum primo-  
genitum mihi consecrare, & quàm  
stricto iure, mihi omnia primogenita  
sanctificare debeatis. Ego quippe sum  
ipsamet bonitas, pulchritudo, & nobi-  
litas infinita, cui amor quoque infini-  
tus debetur: & extremæ dementiæ est,  
me relicto, impuris amoribus sacrari-  
um cordis sædare. Quid iam expecta-  
tis? Placeat vobis amicitia mea magno  
pretio æstimanda. Sum enim candor  
lucis æternæ, ac speculum sine macula,  
sum diues inter omnes orientales, vt  
opibus augeam amatores meos, sum  
e corde mitissimo ad parcendum ijs, qui  
spreuerunt me, sum eloquio dulcissi-  
mus, vt suspendam auditores scholæ  
meæ, sum Rex cordium Pacificus, & re-  
rum vniuersarum summus Imperator,  
& tamen vos conditione viles, inopes,  
& ingratos, sine præteritarum culpa-  
rum exprobratione, quasi fidissimos a-  
micos

nicos meos recipiam, & amplectar: Sinite ergo ad amorem meum, quo solo uiuitur, faxe corda uestra moueri.

## CAP. VI.

*Hortatur ad penitentiam.*

**T**AM graue peccati malum est, charissimi filij, ut si fieri posset pœniteret me fecisse hominem, quem formau. Pugnat enim cum infinita bonitate, & puritate mea, & Maieitati meæ vilissimas creaturas antepone. Obstupescunt cæli super hoc, & eius portæ desolantur vehementer. Peccata enormia multiplicantur super numerum arenæ maris: & filij, quos exaltaui, & e-nutriui, spreuerunt me. Quid dicam vobis? quid faciam generationi vestræ, quæ ad misericordias meas obduratur? Certè, si inimici mei, qui falsos deos colunt, maledixissent mihi, sustinuissem utique: & propter ignorantiam, quodammodo illos excusassem. Vos autè, quibus illuxit formosa valde lux Euangelij mei, excusationem non habetis de grauissimis peccatis, quibus irritastis me. Viri Niniuitæ surgent in iudicio,

cio, cum generatione hac ingrati populi mei; & comparatione illorū, qui ad prædicationem Ionæ pænitentiam egerunt, damnabuntur multi filij regni, & æterna excommunicatione ejicientur in tenebras exteriores. Inspirationes quippe filij Dei post tergū monentis, & ad pacem, & reconciliationē corde mitissimo inuitantis, repulerūt. Nunc ergo vos, filij, infinitum numerum stultorum impænitentium ne sequamini, sed reuertimini ad cor. Accedite ad me de tenebris, & umbra mortis, & candidissima luce gratiæ illuminamini: & facies vestrę non confundentur. Lugete fletu magno, vt doli solet in morte primogeniti, quia venundati estis, vt faceretis malum, & balneo lachrymarum corda vestra lauate. Ne differatis vano consilio pænitentiam: iuxta enim est dies perditionis, & adesse festinant tempora. Videte, quid feceritis, dulcissima amicitia mea dissoluta, æternæ consolationis iure amisso, & sempiterni cruciatus reatu incurso. Venenum peccati festinat in mortem; festinate  
vos

vos per intimum dolorem , & sacramentorum remedium, ad vitam gratiæ pretiosissimam, iucundissimamque resurgere.

## CAP. VII.

*Hortatur ad amorem proximi.*

**R**ECORDAMINI, filij, noui ac dulcissimi testamenti mei, quomodo cùm dilexissem meos, qui erant in mundo, in finem dilexi eos: & ne obliuiscamini signi amoris mutui, quo volui cognosci discipulos , & amicos meos. Mandaui tempore incolatus mei , & nunc per frequentissimas inspirationes idem repetens, hæc mando vobis, vt syncerissimo amore diligatis inuicem, sicut dilexi vos. Sanaui infirmos vestros: erexi languidos, afflictos consolatus sum: cum ijs , qui oderunt pacem , fui pacificus: publicanos, & peccatores amantissimè recepi: vilitatem, & rusticitatem non exhorruì: omnibus omnia factus sum: nec vllò tædio lassatus , exclusi aliquem à suauissima conuersatione mea. Quare ergo serui mei, qui videntur supra modum Apostoli,



stoli, pauperum, & debiliū fastidio  
vincuntur, & afflictorum onera porta-  
re recusant? Qui viderit fratrem suū  
necessitatem patientem, & clauseric  
viscera sua ab eo, quomodo charitas  
Dei manet in illo? Causantur se melio-  
rem partem Magdalenzæ dedisse, & ad  
proximorum calamitates obdurescūt.  
Quid est hoc? Qualis doctrina est hæc?  
non placet mihi ocium hoc, & com-  
moditas parū consona proximorum  
dilectioni, quæ est plenitudo dulcissi-  
mæ legis meæ. Estote misericordes, fi-  
lij, & miseras fratrum vestrorum  
promptissimo corde subleuate. Ne ad-  
datis afflictionem afflictis, quorum  
clamor penetrat viscera mea. Ego e-  
nim Pontifex vester, experientia quo-  
que factus misericors, noui crudelia  
corda filiorum Adæ, quæ difficilè ad  
fratrum suorum cruminas commouen-  
tur. Discite iam mores meos, & emol-  
lito corde iram omnem, tædia, & aspe-  
ritatem superate: Et ego recensabo vos  
discipulorum meorum signo notatos,  
inter dilectissimos fratres meos: qui si-  
ne fine gaudebunt adoptione Altissimi  
Patris

Patris mei, & satiabuntur ab vberibus  
consolationis meæ.

## CAP. VIII.

*Hortatur ad obedientiam.*

**F**ILII dilectissimi, si vultis in mari  
magno, cuius fluctus ascendunt vs-  
que ad cælos, & descendunt vsque ad a-  
byssos, securè nauigare, imitamini me:  
qui cùm essem filius Dei, didici ex ijs,  
quæ passus fui, obediētiam, & per obe-  
dientiam cōsummatus, factus sum om-  
nibus obtemperantibus mihi causa sa-  
lutis æternæ. Bonum est viro, cùm por-  
tauerit, iugum ab adolescentia sua. Si  
enim alijs, qui repræsentant personam  
meam, obedire assuescat, proprii iudi-  
cij, & propriæ voluntatis, qua ciuitas  
Babylonis ædificatur, pericula vitabit,  
& sub vmbra alarum mearum, ab æstu  
mūdi requiescet. Non ei nocebunt ca-  
tuli leonū rugiētes vt rapiāt, & quærāt  
à Deo escā sibi. Ego quippe sū custos fi-  
delissimus eorū, qui intellectū, & vo-  
lūtatem mihi obediētix sacrificio im-  
molāt, est enim holocaustum adipe, &  
pinguedine plenū in odorē suauissimū  
Patri meo. Væ illis, qui subesse nolunt,  
& pro-

& proprio iudicio omnia metiri volūt; qui lōgè recefferūt à māsuetudine disciplinæ meæ. Cæci sunt, & seipſos præcipitabūt: cogitationes enim mortalīū timidæ, & incertæ ipſorū prouidentię ſunt: neque valent ea mala vitare, quæ non valent à longè proſpicere. Luciferi discipuli ſunt: & dum maioribus non acquieſcunt, ad ſimilitudinē Idololatrarū peccant: quippe quaſi peccatum ariolandi eſt repugnare, & quaſi ſcelus idololatriæ nolle acquieſcere. Vos autem filij, inclinate aurem veſtram, in verba oris mei: & ijs, quos ego vobis præpoſui, fideliter quaſi mihi ipſi obtemperate. Hæc eſt magna pars prudentiæ Iuſtorum, qui conſilio meo regi deſiderant. Hæc eſt omnis Religioſorū iuſtitia, ſapientia, & fortitudo. Hæc eſt via ligni vitæ, quam Cherubim flammeo, & verſatili gladio clauſerunt. Ite ergo, filij, & conficite viam hanc: vt ſicut ego factus obediens vſque ad mortem, obediencię remuneratione Ieſus vocor, & glorificor; ita & vos ad formoſiſſimam gloriæ lucem, per obedientiam reſurgatis.

CAP.

## CAP. IX.

*Hortatur ad Castitatem.*

**O** Quàm pulchra est, charissimi filij, casta generatio, quæ cælesti claritate resplendet, Nec rosæ, nec lilia, nec hortorum amœnitas, cum decore castitatis comparari possunt. Quàm splendidi Virginum, & monachorum chori in platea Ierusalem ex auro mundo, crystallo simillima sequuntur me, & dulcissimam Cæli Reginam genitricem meam? Immarcescibilis, & immortalis est gloria castitatis, quæ seruauit corpus immune à rugientibus præparatis ad escam, & quasi myrtha electa dedit suauitatem odoris. Ego virgo, & Virginis filius ardentissimè amo, quos singularis prærogatiua castitatis ampliori dilectione facit dignos. Sunt mihi quasi colubæ, quæ lacte sunt lotæ, & sine vlllo inquinamento, resident iuxta gratiæ meæ fluentia plenissima. Delitiæ meæ sunt corda casta, quæ præter me amores omnes respuerunt, & vultus suos dulcissima pulchritudine splendentes, mihi so-

hi so-

hi soli consecrarunt. Hæc sunt castra mea niue candidiora, & sapphiro pulchriora, quorum forma delector. His ego manifesto secreta mea, in his pono regium thronum meum. Hic est fructus plusquam suauissimus laboris, & passionis meæ. Nunc ergo filij diligite me, & despondete mihi, quasi Virgines castas animas vestras, si placet vobis thalamus deliciarum mearum; vbi gustatur, in fonte ipso, infinita dulcedo amoris mei. Quid agitis vagantes per amores impuros, qui vos diuertunt à complexu meo? Eligite iam nuptias Agni candidissimi, & Virgineum florent per dolores, & agones, à spurcitijs carnis, impolluto calle præseruate. Et eritis fructus melle dulciores, in paradiso malorum punicorum, quæ amore sempiterno flagrant, in amænissimo paradiso meo.

## CAP. X.

*Hortatur ad Paupertatem.*

**N**E timueritis, filij mei, cum diues factus fuerit homo, & cum multiplicata fuerit gloria domus eius.

D

Quoniam.

Quoniam, cū interierit, non sument omnia; nequē descendet cum eo in Infernum gloria eius. Certē melius est modicum iusto, super diuitias peccatorum multas. Ideo electi mei, timentes ne fortē reprobī fierent, diuitias, vel hereditate acceptas, vel donatas repulerūt, & paucis contēti, in labore, & fatigatione, in fame, & siti, in frigore, & nuditate, vitam mortalem agentes, ad supernam Ierusalem, vbi suas opes recondiderant, festinarunt. Maluerunt circuire in melotis, & pellibus caprinis, egentes, angustiatī, afflicti, in solitudinibus errantes, in montibus, & speluncis latentes: quam mollibus vestiri, sicut qui in domibus regum sunt: ne fortē ob terrenam substantiam à regno cælesti excluderentur. Hæc fuit probatio fidei illorum multò pretiosior auro, quod per ignem probatur: nā modicum passi, æternas opes, & inæstimabilia gaudia, compararunt. Imitati sunt me pauperem, & in laboribus probatum à iuuentute mea: permanferunt mecum in tentationibus meis: & ideo regnant mecum in amplissimo regno



regno meo. Et vos ergo, filij, tantam habentes impositam nubem testium, per patientiã boni operis, per incommoditates, & abiectiones, quæ sunt di-  
tissimæ paupertatis comites, ad me ve-  
nire properate. Cauete mundi cõsilia,  
quæ & seruos meos subducere solent,  
dum paupertatis statum profitentes,  
nihil necessarium sibi deesse volunt, &  
indignè ferunt si desit. Non docui ego  
has doctrinas hominum me patientē  
sequi recusantium. Non sunt hi veri,  
ac beati pauperes spiritu, quorum est  
regnum cælorum. Ne sequamini præ-  
ceptores hos, quos ego non misi, pro-  
phetas hos, quibus ego non sum locu-  
tus. Estote veri, & sinceri discipuli  
mei, & paupertatem, dulcissimam spõ-  
sam meã, cælestibus gaudijs secūdissi-  
mã medijs visceribus imprimite, & e-  
go scribam nomina vestra in medio  
corde meo.

## CAP. XI.

*Hortatur ad humilitatem.*

**S**I SCIRENT homines, ô filij  
dilectissimi, donum Dei, quo hu-  
milia corda gaudent: Si sci-  
rent, quàm sit propitius Altissimus



Pater meus erga humiles trementes sermones eius: & si saxis duriores essent, ad humilitatis studium conuerterentur. In altis habitat Pater meus, & superbos præcipitat: Sed humilia corda amantissimè respicit in Cælo, & in terra. Suscitatur à terra inopem, & de stercore erigit spiritu pauperem: ut sedeat cum principibus, & solium gloriæ teneat. Et ego quidem, qui in terra, quam dedi filiis hominum, humilitatem exercui (ubi, licet essem vnigenitus à Patre, plenus gratiæ & veritatis, regnare nolui) humiles animos, tanquam dulcissimos fratres meos, amplector. Tanta est enim suauitas humilitatis, quam à præseprio vsque ad crucem verbis, & operibus sine intermissione, docui; ut à simpliciū, & humilium conuersatione abstinere vix possim. Si ergo vobis placet societas, & conuersatio mea, recumbite, filij, in nouissimo loco, & paruuli estote in oculis vestris. Non enim habitabit in medio domus meæ, qui facit superbiam: superbo oculo, & insatiabili cordi nunquam amicus ero. Respiciam potius in

us in orationem humilium, nec sper-  
nam vnquam preces eorum: facti sunt  
enim ad proportionem humillimi  
cordis mei. Veni ego vobis ministrare,  
& meipsum exinanire, vt in me quid à  
vobis agendum esset, disceretis. Ego  
versus sum hominibus in parabolam,  
factus, opprobrium hominum, & po-  
strema abiectio plebis: quomodo ergo  
fastum assumere, & maiores alijs vide-  
ri contenditis? Quomodo sub nomine  
christiano, quod mundi contemptum,  
& demissum cor sonat, elationem (ca-  
pitalem inimicam meam) abscondere  
tentatis? Quid est hoc! Nunquid non  
apertè reuelatus sum seruis meis testi-  
ficans; quia omnis qui se exaltat, humi-  
liabitur? Quare ergo, perfunctiones e-  
tiam spirituales, & sacras, magni in  
Ecclesia mea apparere desiderant? De-  
scendite iam, filij, è lateribus Aquilo-  
nis, & capitibus vestris cinerem asper-  
gite. Vos vocatis me, Magister, & Do-  
mine, & bene dicitis: sum etenim. Si er-  
go ego Dominus, & Magister laui pe-  
des vestros, & vos debetis alter alteri-  
us lauare pedes. Exemplum enim, quo

ferrea corda domarentur, dedi vobis  
vt quemadmodum ego, flexis genibus  
feci vobis, ita & vos, demisso corde, faciatis.

## CAP. XII.

*Hortatur ad mansuetudinem.*

**A**T TENDITE, filij, legem noui  
testamēti mei, & subdite collum  
iugo suauissimæ mansuetudinis meæ.  
Sedes superbiorum destruxit æternus  
Pater meus, & sedere fecit mites pro  
prios. Propterea ego, qui mitis sum super  
omnes, qui morantur in terra, pacifico  
regno cordium, constitutus sum rex  
ab eo, super Sion montem sanctum eius.  
Sed & purissima Virgo, & genitrix  
mea, quæ est inter omnes Adæ filiorum  
mitis, ciuibus supernæ Ierusalem, vnde  
Regina mundi, præposita est. Hoc est  
regnum amicorum meorum non pug  
nando, sed parcendo, & perferendo  
paratū, cui cessit lacerans fortiter vn  
gula, nec immobilia carpsit penetra  
lia. Hoc est regnū eorum, quos ego cā  
didissimus Agnus Dei, misi in omnem  
terrā, tanquā agnos inter lupos  
cū

cùm domui Orbem non ferro, sed ligno. Hæc sunt elementa prima scholæ meæ, humilitas, & mansuetudo. Vos ergo, filij, quibus placet secreta, & mûdo incognita eruditio mea, estote mites corde, & omnes contumelias, & impropria, velût agni coram tondente se obmutescens tolerate. Ne moveamini de statu serenitatis, & tranquillitatis vestræ, cùm irridemini: sed omnem amaritudinem, & asperitatē, abijcientes, hilarem semper faciem, in spiritu lenitatis ostendite. Tanquàm ones ad occisionem duci vos finite, & inimicis in vestra corpora sequentibus vos inermes, & mori paratos exhibete: sicut ego feci, quando circumdederunt me canes multi, & cōcilium malignantium obsedit me: quando scilicet aperuerunt super me os suum, sicut Leo rapiens, & rugiens. Irascantur filij gehēnæ, qui oderunt mansuetudinem meam: vos autem filij regni mei mitescite, & ad possidendam terrā permāsuræ beatitudinis vestræ patiendō, & tacendo festinate. Et ego vos eruditionis meæ consortes, mundē

contemptores, inimicorumque crudelium victores ex dulcissimo victoriæ genere surgentes, coronabo.

## CAP. XIII.

*Hortatur ad patientiam.*

**A**PERITE aures cordis, filij mei, dum fluit, quasi ros eloquium meum: & quæ moneo, benè percipite. Audite hæc omnes gentes, auribus percipite omnes, qui habitatis orbem, quique terrigenæ, & filij hominum, simul in vnum diues, & pauper. Os enim meum loquetur sapientiam, & meditatio cordis mei prudentiam. Rarissimè apparet inter Adæ filios, qui in tribulatione sit patiens: & tamen multi, patientiæ occasiones studiosissimè fugientes, serui mei cupiunt apparere. Ad tempus credunt, & in tempore tentationis ignominiosè recedunt. Et quidem tolerabilius esset hoc infidelitatis genus, si me non cognouissent; & quæ ego innocens pro illis peccatoribus pertuli, non credidissent. Nunc verò, cum hæc omnia cognouerint serui mei, quid dicam, dum video illos fieri, sicut filij Ephrem, intendentes, & mit-

tentes,

rentes arcum, & conuerti ad fugam in die belli? Dicunt se filios Patris mei esse, & promittunt se scientiam Dei habere, & mecum mori desiderare: & statim, ac tentationem aliquam, infirmitatem, ariditatem, vel aduersitatem aliam eis immitto, vt probem, an ambulent coram me in veritate, & vt tanquàm aurum in fornace illos examinem; tristitia magna absorbentur, & murmurant contra me. Quid est hoc? Vsq̃ue quò non credet mihi populus meus, quem per desertum, quod non seminatur, in terram spatiosam, & suauissimo fructu fecundam deducere decreui? Ne credatis filij, carni, & sanguini, nec prudentiæ humanæ fidatis. Sit vobis, velut thesaurus pretiosissimus, quælibet occasio patiendi aliquid propter me: & hæc sit vobis summa consolatio, in hac mortali vita laboribus, exerceri. Hoc est signum electorum meorum, quos exerceo, & tento, quemadmodum tentavi Abrahā fidelissimum amicum meum. Hæc est nota veræ charitatis, quæ omnia suffert, & tribulatione, tanquàm ignis



oleo, nutritur. Hæc est via tutissima, qua itur in Cælum, quæ mihi conformes efficit, quos prædestinavit in adoptionem filiorum clementissimus Pater meus. Hac via tetenderunt sancti mei, qui per labores, & pericula, regnum cælorum violenti rapuerunt. Estote ergo vos, filij mei, fortes in bello, & orate cum illo, qui dicebat: Proba me Domine, & tenta me, vre renes meos, & cor meum. Et post agones mortalitatis, inæstimabili consolatione dilatabuntur corda, & corpora vestra: & fruemini beatissima luce mea.

## CAP. XIII.

*Hortatur ad gratitudinem.*

**E**X quo formaui hominē, ô filij mei, non cessavi die, ac nocte illi benefacere, & dolui super angustijs eius, sicut mater dolere solet super afflicto v-nigenito filio suo: Nec requieui videns afflictionem eius, donec descendi, vt liberarem eum, in similitudinem hominū factus, & habitu inuētus, vt homo. Factus sū Pontifex corde misericors, tentatus per omnia, pro similitudine



dine absque peccato. Nullum officium prætermisi, ut exaltarem, & solarer filios Adæ fratres meos, quos hæredes feci noui, & dulcissimi testamenti mei. Omnem substantiam domus meæ pro dilectione, gratitudineque donavi. Si fortè dona, quibus feræ mansuescunt, saxaque mouentur, corda hominū emollirent. Nunc vero, post tot, tantaque infiniti amoris signa non est, qui debita gratitudine respondeat tenerimo cordi meo. Quid faciam tibi generatio Adæ crudelis, quasi struthio in deserto? Ego plantaui te vineam electam ad delicias meas: quomodo conuersa es in amaritudinem, & fel draconum, vinea aliena? Quid est hoc? Nō est amor, non est gratitudo, non est inter homines, qui commemoret inestimabilia beneficia mea. Canes ipsi, qui modico pane, cum multis verberibus à seueris dominis aluntur, si fortè absint, ob dominorum absentiam contristantur, & cū eos domum reuertentes à longè vident, præ magnitudine lætitiae exultant, & eis iucundissimè blandiuntur: & serui

mei, pro quibus dolores, & agones mortalitatis tuli, & quos carne, & sanguine meo paui & potavi, obliti sunt mei. Cōuertimini iam, filij mei, ad vos ipsos, & offerte mihi, in hostiam laudis, vitulos cordium, & labiorum vestrorum. Sacrificium enim laudis honorificabit me: & dabo vobis pluuiam voluntariam fontis vini, quem ingratitudo siccauerat. Si volueritis & audieritis me benefaciendi cupidissimum, bona terræ viventium comedetis. Abyssus inuocabit abyssum in lege misericordiarum mearum: quæ descendent in capita vestra, sicut in verticem Nazaræi. Non erit terra vestra, sicut terra Aegypti, in qua, in hortorum morem, aquæ per fossas ducuntur irriguæ: Sed meliori sorte largissimas de cælo pluuias recipiet: Et ego allectus gratitudine vestra, prosperabo vos victuros mecum cum sole, & ultra lunā, & numerabo vos inter dulcissimos filios cordis mei.

## CAP. XV.

*Hortatur ad fortitudinem.*

**C**ERTATE bonum certamen fidei, &

dei, ô filij, vt apprehendatis palmam  
vitæ æternæ. Estote fortes in bello, &  
pugnatè viriliter cum anti quo serpen-  
te: & accipietis regnum sine fine per-  
mansurum. Ne timueritis eos, qui occi-  
dunt corpus, animam autem non pos-  
sunt occidere Timete potius me, qui  
animas reproborum valeo perdere in  
gehennam: vt hoc timore armati, va-  
nos periculorum temporalium metus  
expellatis. Si confistant aduersum vos  
castra, ne formidētis: ego enim vici  
mundum. habeo quæ in femore scri-  
ptum: Rex regum, & Dominus domi-  
nantium, Si fideles sitis ad legitimè  
certandum sub vexillo meo: vnus è vo-  
bis fugabit mille, & duo fugabunt de-  
cem millia. Pro nihilo enim humili-  
bo inimicos vestros, & super tribulan-  
tes vos, mittam validam manum me-  
am. Si exurgat aduersum vos prælium  
dæmonum, & hominum, ne requiratis  
humana, & infirma nimis auxilia: qui-  
bus si quis innitatur, quasi baculi arundine  
ei, & contracti perforabunt manus  
eius: sed quærite me, & signum crucis  
meæ, in quo vincatis, in acie castrorum

ordinata. Sed quid modò dicam vobis, de nimis delicatis militibus meis, qui apparentia tentationum, & persecutionum pericula expauescunt; quasi ab increpatione mea non dormitarent inimici eorum, qui ad præliandum ascēderunt equos? An & ego non ascendi equos meos, & quadrigæ meæ est ipsa saluatio? Nimia debilitas fidei, nimia incredulitas, est hæc. Quid timetis umbras amici mei? Sequimini potius me; mundum, tartarumque contemnite, & hostes vestri territi discedent. Si semel fortiter adhæseritis mihi, nequè mors, nequè vita, nequè persecutio, nequè gladius, nequè instantia, nequè futurâ, nequè creatura alia poterit vos separare à charitate mea. Ponite pedes vestros super colla regum Madian, & Reges Amorrhæos, vsque ad interuersionem delete. Cùm ingruerit bellum magnorum periculorum, & occasio ferendæ pro me mortis institerit, recordamini mei: & in hostes vestros audacter irruite. Pugnate pro lege noui, & æterni testamenti mei, & victorias cogitate. Ego dux vester ero, & splēdidissimam

diffimam coronam ineffabili consolatione plenam, pro victoria reddam. Qui vicerit, faciam illum columnam in templo Dei mei: vestietur vestimentis albis: & scribam super eum nomen suauissimum meum, & nomen Ciuitatis nouæ Ierusalem.

*CAP. XVI.**Hortatur ad Iustitiam.*

**I**VSTVS est Altissimus Pater meus, & iustitiam dilexit, æquitatem vidit vultus eius. Quocirca, filij mei, si tanti Patris adoptio vobis placet, iustitiã toto corde diligite, & iniquitatem odio habete. Reddite quæ sunt Cæsaris Cæsari, & quæ sunt Dei, Deo. Reddite mihi sacrificium cordis contriti, & humiliati, & perenne amoris holocaustum in altaribus cordium immolate. Reddite superioribus fidelissimam obedientiam, æqualibus suauitatem, minoribus instructionē in spiritu lenitatis. Nemini quicquam debetis, nisi debitum vnum, à quo vos liberare nolo, scilicet vt inuicem  
in æter-

in eternū diligatis Hoc dulcissimo mu-  
tui amoris debito excepto, reddite v-  
nicuiq; quod suū est: & merces opera-  
rij non maneat apud vos, subtilissimis  
enim vocibus clamat ad me. Qua in re,  
dolendum est, filij mei, quā in graui pō-  
dere, conscientia principum terreno-  
rum opprimantur. Vexant enim pau-  
perculos subditos suos, sicut olim  
Pharao populum meum, laterum, &  
palearum, pensum extorquentes, &  
iniusta veltigalia crudeliter impo-  
nentes ijs, qui in medio platearum, fa-  
me pereunt: & tamen non curant ge-  
mitus pereuntium. Verū propter mi-  
seriam inopum, & gemitum paupe-  
rum exurgam ego: & potentes de sede  
deponam. Illi deprauant iudiciū, pu-  
pillo non iudicant, humilem, & pau-  
perem non iustificat, & causa viduæ  
non ingreditur ad illos. Ego tamen  
veniam iudicare populum meum in  
iudicio, & pauperes in iustitia. Iudica-  
bo pauperes populi, & saluos faciam  
filios pauperum: & humiliabo calum-  
niatores, & præuaticatores, qui san-  
guinem innoxium effundunt. Seruite  
mihi



mihi, filij, in timore, & ad iustitiæ decorem exultare: vt coronam iustitiæ, quam requiritis, immortalibus gaudijs plenam recipiatis.

*CAP. XVII.**Hortatur ad silentium.*

**L**INGVA effrænis, ô filij mei, capitalis inimica spiritus mei, casta corda in abscondito instrumentis est. Et tamen non solum sæculares homines, negotiatores terræ, & exquisitores humanæ prudentiæ, linguæ habenas relaxât: sed etiam Ecclesiastici serui mei, & ij quoquæ, qui in claustris orationi assidue vacant, quicquid orando, & psallendo acquirunt loquacitate deperdunt. Malunt cum hominibus vanis, & fragilibus, quàm cum Vnigenito Dei filio verba facere. Tota die ædificant, & vna hora ædificium destruunt. O quàm longè recedunt à secreta, & suavi valde disciplina mea? Ego per annos triginta filui, & cùm essem Dei verbum, per tres tantummodo annos linguam exercui: & tamen non omnes serui mei capiunt verbum istud. Certè hoc exemplo, vsque ad



que ad stuporem admirando, deberent erudiri, & erubescere, & digitum superponere ori suo: præsertim cum experientiâ cognouerint, in multiloquio peccatum non deesse, & ex vna lingua indomita innumerabiles culpas, inquietudines, distractiones, & discordias prouenire. Profecto qui sapiens corde est, sedebit solitarius, & tacebit, nisi cum charitas mea urgebit illum. Immo & frequenter silebit à bonis, ne fortè lingua, quæ benè cæpit, postquàm incaluerit, malè concludat, & inæstimabilem cordis tranquillitatem verborum tumultu perturbet. Felices illi, qui non solum prohibent linguam suam à malo, & labia sua, ne loquantur dolum; sed etiam à licitis verbis, propter me, abstinere, & vix in sua causa rogati respōdent. Ego certè, dum ageretur de causâ vitæ, ac mortis meæ, interrogatus tacui, ita ut miraretur Præses vehementer. Quapropter mirandum est, seruos meos non rogatos, sine moderatione vlla, loquaces, & vanos esse. Quid sibi vult licentia hæc, qua infelix anima effunditur extra se?

Ille

Ille pretiosus deuotionis sensus tanto labore collectus, quomodo tam facile, ac vanè paucis verbis otiosis dissipatur. Vsquequò serui mei Religiosi sine intellectu erunt, non cōsiderantes, linguam, modicum esse ignem, sed magnam syluam incēdere? Vsquequò pacem cordis, quæ cum verborum licentia cohærere non potest, paruipendēt? Attendite filij, quæ dico, & silentium, quod est iustitiæ ornatus. & monasteriorum decor, studiosissimè colite. Et ego vobiscum intus loquar, & quasi modo genitos infantes, consolationis meæ dulcissimo lacte nutriam: & velut arca clausa noui testamenti, seruabitis Manna suauitatis meæ.

## CAP. XVIII.

*Hortatur ad modestiam oculorum.*

**O**CVLI filiorum Heuæ deprædati sunt animas eorū: & portæ mortis, per incautum aspectū, apertæ sunt. Vidit mulier lignum visu pulchrum, quod utinam non vidisset. Hæc est origo mortis, quæ in omnes homines pertrāsiit, & aspectū à ligno vitæ diuertit. Propte-

Propterea serui mei, qui æternæ vitæ desiderio tenentur, auertunt accuratissimè oculos suos, ne videant mundi vanitatem, quæ stulta corda seducit. Melius est certè, filij mei, oculorum carnalium luce, cum salute animæ, carere; quam spectaculis mundi parùm castis, & pijs, ad æternam mortem vulnerari. Idcirco Iob, fidelissimus amicus meus, pepigit fœdas cum oculis suis, vt ne cogitaret quidem de Virgine. Turpes enim cogitationes illum vexassent, nisi Sanctum fœdus cum oculis pepigisset. Claudite, & vos, filij, mortis fenestras, & corda vigilanter custodite. Certè si desideratis delectabilia valde regni mei spectacula videre, formosissima corpora glorificata, & pulcherriam vrbis sanctæ structuram (cuius ego, vt sapiens architectus, fundamenta in montibus sanctis posui) circumspicere; debetis à mortalium corporum aspectu libenter abstinere. Quin etiam, & propter præsentem internæ lucis claritatem, qua oculi cordis delectantur, immensæ utilitatis, & consolationis est, oculos carnis coercere.

Profe-

Profectò, filij, doctrina hæc dulcissima de oculorum modestia, scholæ meæ propria est. Virginis enim filio oculi in altum surrecti placere non possunt. Atque ideò non frustra Evangelistæ mei notarunt, me oculos in rebus grauioribus subleuare solitum esse: quasi dicerent, me illos non subleuatos habere consueuisse. Et hæc iusta quærimoniarum causa est, quam habeo aduersum seruos meos imitatores filiarum Sion, quas odiui, eò quòd erecto collo, nutibus oculorum ibant. Etenim si considerarent, quid ipsi de interiori luce deperdant; & quale scandalum proximis opponant; modestiæ honestatem, & decorem studiosius quærent, & inuenirent. Estote, filij, imitatores mei, & honestissimæ matris meæ, & sincero columbarum intuitu, me solum intueri desiderate, accedenteque retributionis tempore, dicam vobis: Respiciite iam, & leuate capita vestra, quoniam appropinquat expectata valdè; & infinitæ consolationis plena redemptio vestra.

## CAP. XIX.

*Hortatur ad diligentiam.*

**H**ORA est iam, charissimi filij  
vos de somno surgere, & breues  
dies vitæ, bonis operibus, ante noctem  
implere. Si enim Apostolis meis vi-  
sum est, nouissimam horam esse (in cu-  
ius rei testimonium, significauit ego,  
per Angelum meum, seruo meo Ioan-  
ni, quæ oportet fieri citò) æquum erit  
vos cōlumnationi sæculi propinquo-  
res opera multa bona instanter opera-  
ri. Filij huius sæculi in generatione sua  
prudentiores filijs lucis sunt: mirum  
enim est, quàm celeriter currant ad  
solatia sua. Instante passionis meæ tē-  
pore, quando sollicitè vigilandum erat,  
dormiebant discipuli mei, sed pes Iu-  
dæ festinabat in dolo, ad effundendum  
innocentium sanguinem filij Dei. Solā sa-  
lutis æternæ causam homines lentè a-  
gunt: in ceteris omnibus causis, sine re-  
quie festinant Quid est hoc? Quomodo  
mortis instantia, æternæ redemptionis  
amor,

amor, perpetui cruciatus timor, non  
extimulant corda vestra, ad currendas  
vias duras? Certè si infelices illi, quos  
æterna morte iustè damnavi, impetra-  
rent à me vnam horam, è multis, quas  
vos pro nihilo perditis; tam diligen-  
ter, ac vehementer operarentur, vt an-  
nos multos peccando consumptos,  
hora illa, restaurarent, ne ad inferni  
tormenta redirent. Electi quoque mei,  
qui exultant in gloria, & lætantur in  
cubilibus suis, si modicum horæ spati-  
um, ad operandum, & merendum ob-  
tinerent, ardentissimè negotiarentur,  
vt sempiternam consolationem auge-  
rent. Vos ergo, filij, audite disciplinam  
meam, estote sapientes, & nolite abij-  
cere eam. Tempus breue est: Venit nox,  
in qua nemo potest operari. Negotia-  
mini igitur, dum venio; & vigilijs, ora-  
tionibus, ieiunijs, misericordijs pau-  
perum passionum mortificatione, &  
omnium virtutum exercitijs, die, ac  
nocte, permansuras opes meas cupi-  
dissimè cõparate. Ego vos lassos recre-  
abo: & recipiam vos plenos bonis ope-  
ribus,



ribus, tanquàm comparticipes, & co-  
hæredes infinitæ hæreditatis, & læti-  
tiæ meæ.

## CAP. XX.

*Hortatur ad magnanimitatem.*

**S**I sciretis, charissimi filij, quàm ma-  
gna sit domus meæ, & ingens locus  
possessionis meæ, omnes labores, sudo-  
res, & martyria sanctorum meorum,  
exercitia leuia vobis viderentur. Inef-  
fabilia enim sunt præmia, & solatia  
Iustorum, quæ præparavi in abscondi-  
to faciei meæ. Et licet omnia hominis  
membra verterentur in linguas, fru-  
stra laboraret omnis humana eloquē-  
tia, tanquàm, qui vase modico totum  
Oceanum vellet includere. Leuate o-  
culos vestros in montes, & infinitam  
remunerationem sæpissimè cogitate:  
vt magna semper operemini. Respici-  
te amatores mundi, qui terrenos prin-  
cipatus ambiunt, quam liberaliter o-  
pes suas effundant, quàm difficiles a-  
ctus exerceant, quàm graues repulsas,  
dolores, & amaritudines, è calice dæ-  
moniorum bibant: quæ tamen omnia  
æquo



æquo animo ferunt, modò per exiguum tempus regnent. Quare ergo vos, qui mecum sine fine regnaturi estis, manus dissolutas, & genua debilia ad magnos labores, & agones non roboratis? Dixerunt milites Holofern's inimici mei, Iudith pulchritudinem admirantes: Quis contemnat populum Hebræorum, qui tam decoras mulieres habent, ut non pro his, meritò pugnare contra eos debeamus? Quomodo igitur, pro dulcissima pulchritudine supernæ Ierusalem, vos ignavi, filij mei, non animosè dimicatis? Parùm magnanimi estis, & nequè me, nequè amoris erga vos mei magnitudinem æstimatis. Nunquid ego vnquam dixi: Possum filios Adæ vna gutta sanguinis redimere, & reconciliare clementissimo Patri meo: nolo ergo totum sanguinem profundere, tot dolores, & ignominias hominum causa tolerare? Certè sine vllò termino, intrauerunt aquæ vsque ad animam meam; & cum essem infixus in limo profundi, Pater meus omnes fluctus suos induxit super me. Propter vos, filij, ve-

nia altitudinem maris magni: & tempestas tribulationum demersit me. Ut quid ergo parcere mihi seruire, & non potius, quæ retro sunt, obliuiscens, ad anteriora vos extendere certatis? Contemnite parua, & mediocria, milites mei, & scuto fidei, galeaque salutis armati, per infamiam, & bonam famam, per aduersa, & prospera, à dextris, & à sinistris, ad magnos honores, & coronas immortales dimiccate. Qui vicerit, dabo ei sedere mecum in throno meo: sicut, & ego vici, & sedeo cum Altissimo Patre meo.

## CAP. XXI.

*Hortatur ad orationem.*

**S**I victoriam vitiorum, & passionum desideratis, filij mei; si ascensiones in corde disponere, & ad cor altum accedere optatis corda sursum erigite, & orationis studio magnam diei partem consecrate. Ego enim diligo portas Sion, vbi exercetur cælestis conuersatio, qua nihil est in terris amabilius. Ibi spirat suauissima virtutum fragrantia, quæ

quæ est sicut odor agri pleni, cui benedixit Dominus. Ibi flat aura lenis, quæ à mundi, & carnis æstu corda refrigerat. Ibi purissima lux mea sedentes in tenebris exhilarat. Ibi oleum lætitiæ participes meos inungit, & ad luctam, siue militiam vitæ disponit. Ibi repletur adipe anima sponsa mea, & aperiuntur labia exultationis, ad laudandum magnum nomen meum. Ibi salit sicut ceruus claudus, & soluitur lingua mutorum, quia scissæ sunt aquæ in deserto, & torrentes in solitudine: & anima, quæ erat arida, vertitur in stagnum, & sitiens in fontes aquarum. Ibi communico humilibus corde secreta mea, & lacto mansuetos, & pauperculos ipsis vberibus ineffabilis consolationis meæ. Ibi ego impero ventis, & mari, cuius procellis mites corde turbantur, & fit tranquillitas magna, simillima Cælo sereno. Ibi ad præceptum meum omnes bestię sylvæ congregantur, oriente sole, & collocantur in cubilibus suis. Ibi anima videt, & affluit, & miratur, & dilatatur præ magnitudine inestimabilis lætitię meę

Ibi patet fōs domui David amici mei,  
ut bibant à me fōte viuo intima gaudia  
mea. Ibi ministratur frumentum ele-  
ctorum, & vinum germinans Virgi-  
nes, mihi sponso suo, in thalamo meo  
castissimè adhaerentes. Ibi pluit manna  
de Cælo ferens secum omne delecta-  
mentum, quo casta corda fruuntur. Ibi  
altaria cordium mihi fumant, & diri-  
gitur ad me oratio pura, quasi sacrifi-  
cium vespertinum, in odorem suauis-  
simum, quo quiescit ira mea, quæ con-  
tra peccatores exardescit. Ibi denique  
exercetur liberalissimus, & benefaci-  
endi cupidissimus amor meus. Discite  
ergo filij mei, sapientiam hanc omni-  
um bonorum genitricem: & doctrina  
hominum, præ huius amore contem-  
nite. Hæc sit prudentia, & pretiosissi-  
ma eruditio vestra, multis laboribus  
& conflictibus comparanda. Abijcite  
negotia sæculi, pro dulcissima parte o-  
tij huius: & quidquid animam ab eo d-  
uertit, (quantum per vos fieri poterit)  
exhorrescite. Ne sequamini consilia  
liorum huius sæculi, qui inter munda-  
curas innumerabiles, spiritum oppr-  
munt.

munt, ne ad me respirare possit. Vx illis, quam stultè agunt, quàm grauer sibi nocent, quantis opibus, & solatijs seipsos priuant, quàm inhumanè me solum relinquunt. Felices illi, quorum hæreditas melle dulcior conuersatio mea est, & omne opus eorum oratio. Hæc sit, dulcissimi filij, hæreditas vestra: & in abscondito amplectar vos, quasi fidelissimos amicos meos.

## CAP. XXII.

*Hortatur ad perseverantiam.*

**O**MNE pietatis studium, ô filij, sine perseverantia inane est, cum ad æternitatem non proficiat. Propterea, cum essem apud vos, perseverantiam sæpe prædicaui, cum scirem, eos qui mittunt manum ad aratrum, & respiciunt retro, non peruenturos ad coronam. Utinam caperetis verbum hoc, & usquè ad vitæ finem, in vijs iustitiæ ambularetis. Frustra enim benè cæpistis, si in media via deficiatis. Mirum est, quâta sit hominum stultitia, qui cum è servitute Pharaonis liberati, & per desertum mortalis vitæ, ferè ad por-

ta terræ viuentium ducti fuerint, labore modico, qui superest, deterrentur, & ad Aegyptum redire constituunt. Quid est hoc? Sic stulti sunt, vt cum spiritu cæperint, carne consummentur? Tanta passi sunt sine causa? O Insensati Adæ filij, quis vos fascinauit? Currebatis benè ad coronam immortalem, nunc vero alius vestram coronam accipiet. Ablatum est à vobis regnum Dei, ob ingratitudinem & inconstantiam vestram, & dabitur genti facienti dulcissimos fructus eius. Parum laboris supererat, vt ascenderetis in palinam, & colligeretis fructus eius, quibus in æternum vesceremini. Vano consilio seducti estis, & transactos labores eneruatis. Vos ergo, filij, qui puro corde accessistis ad me, & cognouistis rectas vias meas, estote fideles vsque ad mortem, redimentes tempus, quoniam dies mali sunt. Virum iniustum funibus peccatorum constrictum mala capiant in interitu: vos verò filios meos, qui me sequi cæpistis, moriētes sequantur bona opera vestra, & in osculo



osculo pacis amantissimè claudam ego oculos vestros. Citò transit, quod currit in tempore: modicum est, quod superuicturi estis. Ego vos protegam, & dulcissima societate recreabo in hac molesta nauigatione, donec deducam vos in portum voluntatis vestræ, ac meæ Bonum certamen certate, benè captum cursum consummate: & de labore fessi, fruemini aura spiritus vitalis mei, qui perflat hortos pensiles suauissimæ Sion, quam dilexi. Aspicite à longè amantitatem regionis, in quam ascenditis, circumeuntes terram Edom, & ad purissimas Iordanis aquas è fiti deserti, suspirate. Ego suscipiam vos fideles seruos meos: & de capite Ammana, ubi feræ habitant, surgentes humanissimè complectar: & æterno amore consolabor. Hęc sit perennis meditatio vestra, suspirijs, & gemitibus voces turturis imitantibus plena; donec liberati de corpore mortis huius, quæ per peccatum introiuit, & regnauit, gratiæ meæ decorem induti, immortale regnū immēsis diuitijs, & in-



æstimabilibus gaudijs plenum, gloriosa victoria, & infinita lætitia comparetis.

## CAP. XXIII.

*Hortatur ad custodiam, & augmentum virtutum.*

**C**A V E T E , filij, ne vulpes parvæ, quæ demoliuntur vineas, pronentum vinearum vestrarum, quas multo labore coluistis, impediant. Ne contemnatis minima, neque animi remissioni locum detis: habetis enim pretiosissimum thesaurum gratiæ, & virtutum, in vasis fictilibus corporum mortalium: & in vobis ipsis geritis, vnde certamina periculosa toleretis. Væ illis, qui cum rubore, ac sudore arduas virtutes, in schola mea compararunt, & quasi de victoria securi dormire incipiunt. Non est consiliū sanum, securè dormire, vbi fures effodiunt, & furantur. Sanius consilium est, quod dederunt pastores illi, qui in nocte natalis mei, erant vigilantes, & custodientes, vigiliis noctis, super gregem suum. Certè mirabile est, homines super greges

greges pecorum vigilare ; & seruos meos nimium super se dormire, quasi in vanum acceperint animam suam. Nolite somno grauari, filij mei, quia in terra inimicorum estis, qui tota die constituunt vobis praelia. Currite velociter, & sic currite, vt comprehendatis. Date animas vestras pro testamento meo, parati potius mori, quam cælestis gratiæ meæ, & virtutum mearum detrimentum pati. Nonne videtis, gehennæ filios diuitias ita custodire, & augere, vt inter spinas viuentes nunquam sollicitudine careant? Vtinam & vos diuitiarum mearum detrimenta timentes, staretis semper, vt custodes lectuli Salomonis gladium tenentes, ac solliciti propter timores nocturnos. Hæc est pars magna prudentiæ Iustorum, qui postquam iusti facti sunt, diligentissimè vigilant, ne fortè reprobī fiant. Ibi culpam timent, vbi culpa non est: & præ desiderio mei, suspicantur fures, vbi non sunt. Gloria quippe, & diuitiæ in domibus eorum, quarum custodia sollicitudinem generat, receditque somnus ab oculis eorum,

rum, vt olim recessit ab oculis Iacob  
charissimi amici mei. Hæc sit, ô filij, z-  
mulatio vestra: cauete, ne extinguatur  
in nocte lucerna cordis vestri: Manum-  
que vestram mittite ad fortia, & nun-  
quam à labore, & fatigatione, pro con-  
seruanda cælesti gratia mea, animum  
relaxetis. Et ego laborantes adiuuabo,  
& replebo operibus bonis, quæ in pace  
mea vos morientes sequentur. Et sua-  
nissimus spiritus meus dicet iustis  
meis, vt iam benè probati, dulcis-  
simè requiescant à labo-  
ribus suis.



## TERTIA PARS.

## QVAE CONTINET

multa consilia ad Chri-  
stianam perfectio-  
nem compa-  
randam.

## CAP. I.

HORTATUR IESVS CHRIS-  
TVS *ad perfectam omnium affe-  
ctuum abnegationem.*



VICVNQVE sub vex-  
illo crucis meę militare,  
& me patiētem sequi de-  
creuistis, inclinate au-  
rem vestram in verba æ-  
ternæ vitæ meæ, & sermones meos in  
medio cordis abscondite. Ego veni in  
mundum, non pacem mittere, sed gla-  
dium: vt separarem homines non so-  
lūm à rebus terrenis, quas nimio amo-  
re possident, sed etiam à parentibus, &  
amicis, & (quod maius est) à pro-  
prijs affectibus, & desideriis, quæ  
mergunt homines in interitum, & ani-

mas meo sanguine redemptas in æternam seruitutem pertrahunt. Hæc est prudentia iustorum, qui non modò renuntiant omnibus, quæ possident, vt me currentem sequantur; Verùm, & animas proprias oderunt, vt creetur in eis cor mundum, & spiritus rectus in nouetur in visceribus suis. Considerât enim, quid acciderit peccatoribus insensatis, qui nimis amarunt stultas animas suas: qui, sicut oues, in inferno positi sunt, & mors depascet eos. Propter quod fortes facti sunt in bello aduersum semetipsos, vt abnegantes impietatem, & omnia sæcularia desideria sobriè, & piè viuerent in me: & fidei corde, in tempore retributionis mihi dicere possent: Ecce nos reliquimus omnia, & secuti sumus te. Vos ergo filij, qui vultis in Cælum ascendere de deserto mundi delitijs affluentes, abnegate vos ipsos, & deponentes omne pondus, leuate ad me manus puras, & immaculata corda mihi sacrificate. Neque durum vobis videatur, animam propriam, & omnia mundi bona relinquere, propter me. Licet enim modico



dico tempore tristitiam habeatis; succedet expectata valde lætitia mea, qua gaudebit cor vestrum. Certè omnis disciplina in præsentī quidem, non videtur esse gaudij, sed mæroris: postea tamen viris exercitatis per eam fructū pacatissimum reddet iustitiæ. Ad vesperum tenebrarum, mundi demorabitur fletus: & ad clarissimum apparentis gloriæ matutinum lætitia. Ne respiciatis, filij mei, consortium eorum, qui seminant in lachrymis, & in exultatione metent. Relinquit omnia cōfidenter, & affectus omnes abscindite propter me: & ego vita vestra, anima, & consolatio vestra, & tota vestri laboris merces ero.

## CAP. I I.

*Monet respondere diuinis inspirationibus.*

**E**GO sto ad ostium cordis, & pulso, cupiens introire, & requiescere in reclinatorio meo, vbi posui delicias meas. Hæc est desiderata valde requies mea in sæculum sæculi: hic habitabo, filij mei, quoniam elegi eam. Vos discurre-

discurritis, per vicos, & plateas, quæ-  
rentes requiem in terra aliena: & ego  
quæro requiem in corde vestro, tan-  
quàm in delitiosissimo thalamo meo.  
Semper enim in omnibus requiẽ quæ-  
siui, & in hæreditate Domini libenter  
morabor, atquẽ in electis meis altas  
radices mittam. Si ergo tenemini vero  
desiderio præsentis meæ, ac æternæ sa-  
lutis vestræ, aperite mihi pulsanti, &  
inspirationibus meis nunquam aures  
obturetis. Quid enim boni vobis acci-  
dere poterit, si mihi non pateat ianua  
domus vestræ, quam cœlestibus gaudijs  
implebit visitatio mea? Cauete, filij  
mei, dum inspiro vobis cœlestia deside-  
ria, ne surdi, & cæci efficiamini, sicut  
illi, quibus per annos quadraginta  
proximus fui, dicens: semper hi errant  
corde. Illi enim scientiam meam repu-  
lerunt: quibus idcirco iuravi in ira  
mea: ne introirent in requiem meam.  
Vos autem qui me humana carne vesti-  
tum, præceptorem suauissimum, & mi-  
tissimũ habetis, inspirationibus meis  
aures castas, & fidelia corda præbete:  
nequẽ lucem meam, quæ filiorum hæ-  
reditas



reditas est, exstinguite, vel obscurate. Certè fideles amici mei adeò sollicitè meis admonitionibus respondere solent; ut si, inter præsentis vitæ negotia, me intus loquentem, & orandi, vel legendi, vel aliquid pium agendi desiderium inspirantem sentiant, statim dicant: Hoc signum magni Regis est: eamus, & inquiramus eum, & offeramus ei, clauso cordis cubiculo, desideria nostra, quasi virgulam fumi suaviter olentis, ascendentem, ex aromatibus myrrhæ, & thuris. Hi sunt mihi charissimi: quia non student hominibus placere, sed adhærere mihi, & me omnibus mundi commoditatibus, & voluptatibus antepondere. At illi, qui inspirationes repellunt, vel citò exequi nolunt, iusto iudicio meo, in dies magis magisque alienantur à me, & cordis desolationem & obdurationem, in suæ infidelitatis pœnam incurrunt. Imitamini, ô filij, Apostolos meos, qui, statim ac eos vocavi, relictis omnibus, securi sunt me: & nullis humanis rationibus acquieverunt. Et ego, dum inuocaueritis me; celeriter exaudiam vos, &

vos, & è magna tribulatione venientes, ac ſuper niuem ſanguine meo dealbatos deducam in æternam requiem meam.

*CAP. III.*

*Monet puritatem intentionis in bonis operibus.*

**B**EATI ſervi illi, qui in omni opere ſuo, mouentur ſola, & pura intentione placendi mihi. Qui ſimplicem oculum columbarum habentes, nihil deſiderant, vel quærunt præter me. Sed vix mundo, quàm pauci ſunt, qui commoditatem ſuam, vel lucrum, vel gloriam hominum non quærant. Circuite vias Ieruſalem, & inquirete, an inueniatis virum facientem fidem, & non quarentem, quæ ſua ſunt: & propitiuſ ero ei, & laudabunt eum in portis opera eiſ. Verùm ſcio huiſmodi viros rariffimè inueniri: & non ſolùm plebeioſ ignorantēſ viam Domini, ſed optimateſ etiam bona opera, quæ faciunt, oculo nequam malæ intentionis corrumpere. Gloriantur ipſi etiam Eccleſiaſtica, qui videntur rectè

rectè agere, se propter Ecclesiæ spon-  
sæ meæ bonum in suis prælationibus,  
& dignitatibus laborare: & tamen  
redditus dignitatum, & honores ho-  
minum potius, quam gloriam meam  
requirunt; testimonium ipsis perhi-  
bente conscientia ipsorum, & cogita-  
tionibus, cum remorsu animæ, inui-  
cem accusantibus, & defendentibus.  
Quin etiam, quod magis dolendum est  
ipsi Religiosi, qui mundum contem-  
pisse videntur, in suis exercitijs legen-  
di, prædicandi, & consulendi, non tam  
mihi, quam hominibus placere stu-  
dent. In veritate dico vobis, quia Vir-  
gines fatuæ sunt: & dum laudes huma-  
nas expetunt, oleum lætitiæ, quam ge-  
nerat bona conscientia, in vasis cordi-  
um suorum habere nolunt. Quid est  
hoc? Vbi est fructus preciosissimi san-  
guinis mei? Quomodo obscuratum est  
aurum antiquæ charitatis, qua serui  
mei, in Ecclesia primitiua, flagrabant:  
qui per Episcopatus, & officium præ-  
dicationis, non ad diuitias, & honores,  
sed ad tormenta, & persecutiones,  
propter me currebant? Reuertimini,  
filij

filij mei, ad primam charitatem, & oculum intentionis inungite callurio sanguinis mei; Vt in omnibus oneribus, & honoribus, nihil, nisi gloriam meam, requiratis. Et ego qui synceritate cordis delector, remunerabo labores mei causa susceptos: & sicut incorrupta intentione, confessi estis me coram hominibus, ita ego confitebor vos coram Altissimo Patre meo.

## CAP. IV.

*Hortatur ad resignationem in Dei beneplacitum.*

**N**IHIL est, filij charissimi, quod maiorem cordis pacem generet, quàm perfecta resignatio in beneplacitum meum. Si enim in omni aduersitate, & prosperitate cor hominis in ijs, quæ facio, sibi complaceat; nulla ei nocebit aduersitas, quia nulla ei dominabitur iniquitas. Immo hauriet aquas in gaudio, à me fonte viuo, & amantissimo saluatore suo: quia siue valeat, siue ægrotet, siue laudetur siue vitupere-  
tur, lætabitur in salutari suo, qui facit omnia, secundum consilium rectissi-

meæ voluntatis suæ. Hæc est sapientia viri iusti, quem non contristabit, quicquid acciderit ei: gaudet enim gaudio magno valdè, cum omnia ei eueniant iuxta desiderium suum, quod semper cohæret, cum dispositione prouidentia meæ. Utinam mundi sapientes, qui me condemnant, ut ipsi iustificentur, discerent prudentiam hanc, quæ non inuenitur in terra suauiter viuentium. Non adæquabitur ei topazius de Aethiopia, nec tincturæ mundissimæ componetur. Non lucebit aurum coram ea, nec appendetur argentum in comparatione eius. Inestimabilis enim est perfecta resignatio cordis, quid ego velim semper attendentis, atq; in eo ipso dulcissimè requiescentis. Dolent principes terrarum super morte charorū, nec vllā consolationē admittere volūt: & iustus letatur morte primogeniti sui, quia ex mea voluntate succedit. Vos ergo filij, qui desideratis frui pace filiorum Dei, in omni euentu voluntatē meā spectate, & confidēter acquiescite: & fidelissimi serui mei Iob verba celebrate: Sicut Domino placuit



placuit ita factum est: sit nomen Domini benedictum. Et ego paternam, & maternam curam vestri geram: circūducam vos per mundi desertum: & ero in vmbra culum ab æstu: tota quæ sæculi huius nocte ero vobis in clarissima illuminatione ignis. Si perfectè in meo beneplacito quiescatis, omnis substantia domus meæ vestra erit. Meus est dies, & mea est nox, ego fabricatus sum auroram, & solem, ego feci omnes terminos terræ, æstatem, & ver ego plasmaui ea. A solis ortu, & occasu, ab Aquilone, & mari, omnia sub acent imperio meo: nequē est qui possit resistere voluntati meæ. Quocirca si voluntas vestra vna, & eadem cum voluntate mea sit, omnia vestra erunt, quia omnia obtemperabunt voluntati vestræ. Et peracto vitæ cursu, in signum regis dignitatis, sedebitis cum senatoribus terræ: & inenarrabili lætitia exultantes adhærebitis, strictissimo complexu, cordi meo, ad cuius proportionem formati estis.

## CAP. V.

*Hortatur ad primam diei partem orationi assignandam.*

**A**VDITE filij, quæ loquor, con-  
crescit enim in pluviam dulcissi-  
ma doctrina mea. Omnia primogeni-  
ta mea sunt: & proinde illa mihi sacri-  
ficare, primitiasque omnes in altari-  
bus cordium vestrorum intima grati-  
tudine, mihi offerre debetis. Certè qui  
manè vigilauerint ad me, pium, ac sua-  
uem inuenient me. Propterea iustus  
cor suum tradidit, vt vigilet ad me di-  
luculo, antequam negotia, & sollici-  
tudines mundi occupent sensus eius,  
Scit enim quanti ponderis sit, primas  
cogitationes, & prima desideria mihi  
consecrare, & omnem fiduciam in me  
ponere. Sic fidissimus seruus meus Da-  
uid, magna sollicitudine, ante curas, &  
negotia regni, me quærebat, quod syn-  
cero corde cantauit aiens: Præuen-  
runt oculi mei ad te diluculo: vt medi-  
tarer eloquia tua. Beati, quos à somno  
excitat sollicitudo mei, vt in matuti-  
nis me-



nis meditentur in me: vt omnis eorum oratio, & operatio à me semper incipiat, & per me cæpta finiatur. Horum certè animæ in manu mea sunt: & quia primùm quærunt regnum Dei, & iustitiam eius, non tanget illos tormentum malitiæ, & mors animæ fugiet ab eis. Ego enim virtus, & vita eorum, odoratus suauissimum odorem holocausti matutini, defendam illos, & in processu diei, dirigam opera eorum, sicut ipsi summo mane direxerunt ad me corda, & corpora sua. Illos verò, qui mane surgunt ad ebrietatem sectandam, & sæcularia negotia sine timore meo gerenda, patiar vexari, & per ipsa, quæ agunt, excruciami: vt idola mundi, quæ colunt, surgant, & opitulentur eis, & in necessitate eos protegant. Væ illis, quàm grauiterrant non præuenientes faciem meam in laude, vt protegantur auxilio meo. Si ascenderint in altitudinem nubium, inde detraham eos: quia more gentilium, non proposuerunt me adiutorem suum: sed sperauerunt in diuitijs, vel astutijs suis; & præualere tentarunt, in vanissima vanitate sua.

Vos

Vos ergo filij, ante ortum solis, & ante strepitum filiorum huius sæculi, in thuribulis cordium, amoris igne flagentium, incensum orationis ponite, & adolete. Et ego vobis in silentio ad me suspirantibus præsto ero: imprimamque cælestia desideria visceribus vestris, quæ præ magnitudine consolationis, anhelabunt ad æterna gaudia, quæ vobis præparavi in primogenita ciuitate mea.

## CAP. VI.

*Hortatur ad solitudinem amandam.*

**S**I scirent homines, quàm sit amabilis solitudo, quæ à iustis quæritur, ut gaudeant ibi mecum libertate filiorum Dei, ipsi etiam negotiosi filij sæculi, certis temporibus, iugum mundi præijcerent, & speluncas montium, ad quærendam faciem meam, sollicitè peterent. Inæstimabilis enim est dulcedo conversationis, & sapietiae meæ, quam nemo principum huius sæculi cognouit. Non enim potest inter tumultus negotiatorum, absconditæ suauitatis gustus inueniri. Propter hoc illi pauci sapientes antiqui: quibus dignus non erat mundus,

duſ, extra turbas requiſierunt me: & in remotiſſimis deſertis dulciſſimos ſpiritus mei fructus comederunt. Inter ſeras, & inter ſcopulos faciliùs, quàm in medijs vrbibus inuenitur ſapientia mea. Ibi ad præceptum meum eleuatur anima, ſicut Aquila; & in arduis ponit nidum ſuum, atque in præruptis ſilicibus commoratur. Ibi contemplatur eſcam in melle dulciorem ſecretæ communicationis meæ: & affectus eius, quaſi Aquilarum pulli lambunt ſanguinem meum. Ibi ego loquor ad cor Ieruſalem: dico quæ verbum abſconditum à mundi prudentibus: & quaſi furtiue ſuſcipit auris cordis venas ſubtiliſſimi ſuſurij mei. Ibi ob ſilentij, & ſolitudinis opportunitatem, ſolus ego traho omnes vires animæ poſt me in funibus noui Adam, & in vinctulis dulciſſimæ charitatis. Vos ergo filij, exite de Vr Chaldaeorum, & Niniuem ciuitatem grandem, certis ſaltem diebus, relinquite, ac remotum aliquem locum, vbi vobis occurrā, eligit. Ne ſequamini politica conſilia, quibus certiffime auertentur corda veſtra, & obdura-

obdurabuntur , ne placeat illis conuersatio mea. Videte quid egerint sancti mei : qui etiam curam animarum gerentes, ( vt sine detrimento animarum suarum, alios saluos facerent) populos interdum alijs curandos, per dies aliquot committebant, mihiq̃ soli, totis viribus in solitudine vacabant:& fortiores ad laborem recurrerant. Fugite seruitutem Aegypti, & super montes Bethel , ad contemplandam cæli serenitatem ascendite. Crescite iam, & manducabitis cibum grandium, & tanquam fideles amicos me in deserto sequentes, aqua purissima, & suauissimis palmæ fructibus alam,

*CAP. VII.*

*Monet recursum ad Deum , contra inconstantiam.*

**F**ILII , accedentes ad studium sapientiæ meæ, scitote inconstantiam periculosam infirmitatem esse. Trahitur hoc malum hæreditate Adæ patris vestri, qui per peccatum inconstans factus est. Hæc est conditio hominis, qui egreditur, & conteritur, & fugit ve-

fugit velut vmbra, nunquamque in eodem statu permanet. Væ peccatori, qui recessit à me, vera fortitudine, & firmamento suo, & ad horas singulas consilia mutat. Peccatum peccauit Ierusalem: propterea instabilis facta est. Migravit à me, ferens secum inconstantiam cordis, & multitudinem seruitutis: & cum regna multa peragrasset, non inuenit requiem. Væ columbæ, quæ ab arca recedit: quia in diluuium aquarum multarum, non inueniet, vbi possit requiescere pes eius. Sæpe serui mei, contra regulas prudentiæ iustorum, sana consilia, quæ prius elegerant relinquentes, peccant aberrantes à meliori proposito, quod inspirauerat illis clementissimus Pater meus. Citò fecerunt, obliti sunt operum eius, & non sustinuerunt consilium eius. Et hæc est ratio, propter quam, parùm in schola mea proficiunt, quotidie incipientes ædificare, nec valentes consummare. Doleo vicem illorum, & vellem firmiter durarent in salutari consilio meo. Si ergo desideratis, filij, malum hoc grande vitare, recurrite ad me, totisque

que visceribus inconstantiae remedium implorate. Ego enim vici mundum, & veni curare instabilitatem eius. Neque vos frangat experientia huius mali, quo anima diu affecta, quasi luna mutatur, & ad singulos ventos, instar fluctuum maris commouetur. Ego enim congrego, sicut in vtre, aquas maris, & pono in thesauris abyssos. Et quando mihi placet, voco ad me discipulos meos, ut ambulent super aquas, tanquam super solidissimam petram. Constantes estote, & videbitis auxilium meum praesentissimum super vos: dum modo fidelissime statuatis, consilia à me inspirata in posterum sequi. Sinite iam in opiniones varias ferri, & propositum mihi placendi, quod arripuistis, usque ad mortem sustinete. Et ego caelesti fortitudine vobis adero, & firmabo super vos misericordes oculos meos.

*Hortatur ad sacramenti penitentiae usum.*

**S**VMMVM malorum, filij charissimi, peccatum est, quod animæ vitā extinguit. Si ergo peccatis, caute ne regnet in vobis peccatum, & festinate conuerti ad me, currentes ad balneum pretiosissimi sanguinis mei. Ne probetis consilia eorum, qui lætantur, cum malè fecerint, & exultāt in rebus pessimis, nec remedium penitentiae requirunt. Nimiū stulti, & audaces sunt, qui Deum ad iracundiam prouocarunt, & æternæ pænæ reatum incurrerunt: & tamen, nihil de futuro cogitantes, comedunt, bibunt, & dormiunt, & ducunt in bonis dies suos. Mirū est quomodo subitanam, & improvisam mortem non timent, qui fecerunt sibi Deum inimicum. Quomodo non timent, ne sicut viuentes, sic in ira absorbeat eos? Horrendum est enim, incidere in manus Dei viuentis. Certè hi fatui, præsentis vitæ amore capti, oderunt animas suas, quarum remedium



medium non requirunt. Vos igitur filij, si ex humana conditione peccaueritis, ne differatis pœnitentiam: sed planctum, & tristitiam, quæ salutem, secundum Deum, stabilem operatur, assumite. Leprosi si estis, & morti proximi, abstergite lepram balneo sanguinis mei, per sacramenti pœnitentiæ canalem decurrentis: & caro vestra restituetur, sicut caro pueri paruuli: & recuperata candida gratiæ vestre numero vos inter dilectissimos filios meos. Nec tædeat vos humilis confessio- nis, quæ in animo contrito, detegitis peccata vestra: breui enim humiliatio- ne, & verecundia æternam vitam cõ- parabitis. Certè modicum est, quod à vobis postulo, si consideretis bona, quæ ibi proueniunt. Grauiorem profectò pœnitentiam ego pro vobis egi, quàm vos ipsi: Si enim appenderentur in sta- tera peccata vestra, & calamitas, quam ego vestri causa pertuli; quasi arena maris, hæc grauior appareret. Prope- rate ergo ad remedium vestrum, & ego suscipiam vos. Verba confessionis humilia, & feruentia proferte, qualia

seruus meus Dauid de peccato admonitus protulit, dicens ex intimis præcordijs, Peccaui. Et ego transferam à vobis peccata vestra: & effundam super vos aquam mundam, atque mundabimini ab omnibus inquinamentis vestris. Et propter conscientie testimonium luctus vester vertetur in gaudium: secundum multitudinem quippe dolorum vestrorum, quibus afflixistis corda vestra, intimæ cōsolationes meæ lætificabunt animas vestras.

## CAP. IX.

*Hortatur ad sacram communionem.*

**E**GO æterna sapientia ædificaui mihi domum humanitatis meæ, & ut facerem conuiuium pinguium medullatorum, miscui vinum pretiosissimi sanguinis mei, & posui mēsam, ita ut panis conuiuiarum esset purissima caro mea. Et postquam iastruxi lautissimum conuiuium, non quieui: sed misi ad plateas, & mœnia ciuitatis, seruos meos, & inspirationes meas, ut cordibus hominum loquerentur, & dicerent: Venite, comedite panem meum, &

am, & bibite vinum, quod misui vobis. Nunc autem pauci valde sunt, qui vescantur vitalissimo pane meo, quasi omnem saporem suavitatis, non haberet. Viæ Sion lugent, eò quòd non sit, qui veniat ad solemnitatem meam, qua corda casta dilatantur. O quam stulti sunt Adæ filij, qui per escam mortui sunt, & per escam vivificari nolunt. Quid est hoc? Quid optabilius, & suavius inuenire possunt, qui delectamenta mundi requirunt? Vbi est sincera fides, & purus amor, cuius nutrimentum, & fomentum, panis de Cælo missus, factus est? Certe facies Christiani populi exusta videtur, quasi non esset triticum, & vinum: & pellis eius, consumpta carne; ossibus siccis adhæsit. Ventum est enim ad calamitatem magnam, eò quòd plurimi filij Ecclesiæ sponsæ meæ, semel tantum in anno, panem vitæ comedunt: & libertatis genus existimant, ad frequentem communionem non accedere. Ostulti, & tardi corde ad credendum, & diligendum me: Nonne oportebat, quasi graue mortis supplicium.

cium timere, non amplius, quàm semel  
in anno, pane viuo refici? Quare ergo  
supplicium hoc ipsi Adæ filijs sponte  
sua sibi sumunt, & fame mortalissima  
ficcantur? Non est sanum consilium  
hoc: ingratisimo, & durissimo corde  
digna est alienatio hæc. Vos ergo filij,  
qui desideratis viuere propter me, fre-  
quenter manducate me. Aperite mihi  
penetralia cordis vestri, & intra visce-  
ra vestra meæ dulcedinis auida, recon-  
dite me. Dilatate os vestrum, & imple-  
bo illud: & extensis desideriorum bra-  
chijs amplectimini me. Certè tantus  
esse deberet dulcissimi panis amor, vt  
nequè diebus, nequè noctibus, ab alta-  
ri, vbi seruatur sacramentum meum,  
recederetis: Solaque inuitabilis ne-  
cessitas vos ab eo loco violenter ab-  
straheret. Recedite ab eis, qui me dere-  
linquunt, & recedentes à me, non in  
cælo, sed in terra scribuntur, quorum  
alius discedit in villam suam, alius du-  
cit vxorem, alius vadit ad Babylo-  
nicam negotiationem suam. Imitamini  
filios primitiæ Ecclesiæ meæ vnani-  
mes in domo, & sæpissimè comuni-  
cantes

cantes in fractione panis, quo viuatur,  
 & aperitur via ad immortalem vitam  
 meam. Hæc sit negotiatio vestra: hæc  
 sit sapientia, & fortitudo vestra: hæc sit  
 delectabilissima exercitatio vestra.  
 Accedite ad me, & inæstimabilem dul-  
 cedinem meam in ipso fonte gustate,  
 & eritis leonibus fortiores, aquilis  
 velociore, & facies vestra splende-  
 bit sicut sol. Et ego vobiscum habitabo: &  
 splendoribus æternis, ac infinita læti-  
 tia, futurae gloriæ prænuntiā, implebo  
 viscera vestra.

## CAP. X.

*Hortatur ad officia misericordiae.*

**I**NDIVIMINI filij mei, viscera mi-  
 sericordiæ, & afflictis compati, &  
 succurrere discite. Hæc est requies  
 mea, ut per vos lassæ manus roboren-  
 tur, & genua debilia confortentur.  
 Pauper culis, & contritis corde, tan-  
 quam mihi ipsi subuenite: & ego ipse,  
 qui pauper fui in terra, quam dedi fi-  
 liis hominum, retribuam ijs, qui in  
 persona egenorum, honorauerunt me.  
 Facite vobis amicos de substantijs ve-  
 stris, ut

stris, ut recipiant vos in æterna tabernacula. Si ad mensam meam, in amplissimo regno meo, cum principibus, sedere vultis; ne comedatis buccellam vestram soli: & inopes de velleribus ovium vestrarum calefiant. Benedictio perituri veniat super vos, & oculos viduę expectare, ne sinatis. Et ego odorabor misericordiam magis, quàm interpestium sacrificium: & pro misericordijs pauperum, respondebit vobis iustitia redemptionis meę. Attendite voces miserorum, quibus emollitur cor meum, & hospitalia, domosque afflictorum, fame, & egestate pereuntium, cum muneribus visitate. Væ crudelibus, quorum promptuaria sunt plena, eructantia ex hoc in illud & è fenestris elaboratis, sine compassionis sensu, prospiciunt nudos, & fame, ac frigore gementes filios meos. Viscera crudelia odiuit anima mea. Fugite crudelitatem: & super afflictos flete, & amplectimini pretiosa valde pignora mea. Accurrite velociter, & mittite eleemosynam in sinum pauperis: & ipsa subtilissi-

tilissimis vocibus, orabit pro vobis: & reportabit lætum nuntium firmissimę spei, & cęlestis lætitię meę. Beati illi, à quorum conspectu pauperes nunquā desolati recedunt. Beati qui gemitus egenorum nunquā repellunt, nec importunitate vincuntur. Beati qui misere-  
rendo delectantur, quoniam mercedem magnam, mensuramque bonam, & confertam, & coagitatam recipi-  
ent; & cum infinita consolatione, intrabunt in æternum gaudium Clemens-  
sissimi Patris mei.

CAP. XI.

*Hortatur ad tolerantiam, & remissionem Iniuriarum.*

**S**I verē sapientes, ac beati esse desi-  
deratis, filij charissimi, scitote vos  
fore beatos, cū homines vobis male-  
dixerint, & exprobrauerint, & dixe-  
rint omne malum aduersum vos, si pa-  
tienter sustineatis, non reddentes ma-  
lum pro malo, sed vincentes in bono  
malum. Hęc est altior mundo eruditio



mea, quam docui discipulos meos, factus opprobrium hominum, & postrema abiectio plebis. Hæc est prudentia Iustorum sæpè notata in dulcissimo testamento, & Euangelio meo. Cum enim esse honore infinito dignus (quasi vnigenitus à Patre, splendor gloriæ, & figura substantiæ eius) versus sum in parabolam ciuitatis regiæ, & sacerdotalis, quam dilexi. Veste alba, ad contemptum, indutus fui, & circumdatus purpureo vestimento, tenens sceptrum, arundinem, & coronam dolore, & irrisione plenam. Descendi ad postremam vilitatem, & abyssi operuerunt me. Quis hic cognosceret filium Dei Altissimi, inter impropéria innumera-bilia, quæ ceciderunt super me? Scriptum est: Vidimus eum, & non erat ei aspectus, nequè decor, vnde nec reputauimus eum. Quid hic dicam de ignominiosa comparatione Barrabæ, cum Dei verbo, per quod facta sunt omnia? Quomodo optimates sanctæ Ciuitatis præposuerunt hominem seditiosum, latronem, & homicidam, Regi, Redemptori, & Deo suo? Sed nequè hic  
oppo-

opprobria mea cessauerunt: adhuc enim morienti caput agitantes insultabant, vt saturatus opprobriis interirem. Et tamen in omnibus his irrisionibus, quibus aduersum me loquebantur, qui sedebant in porta, non me vlcisci cogitavi, sed comitissimum exhibui, & infiniti amoris ostensione pro irrisoribus sanguinem meum, & supremas intercessionis voces ad Patrem misi. Hoc est exemplar, quod imitari debetis, filij, vt iniurias patienter feratis, & remittatis vnusquisque fratri suo, de cordibus vestris. Bibite mecum calicem improprij datum à me vobis in mensura: & opiniones hominum pro nihilo ducite. Quid interest, si vani homines malè de vobis sentiant, aut loquantur? Nunquid propterea delebo vos de libro vitæ, & honoribus æternis expoliabo? Si hominum contemptum mecum hilari vultu feratis, filij mei, nomen vestrum requiratur à generatione in generationem, laudesq; vestras suauissimè pronuntiabit Ecclesia. Et ego in regeneratione, cum venero in Maiestate, celebrabo clarissimas victorias vestras. CAP,

## CAP. XII.

*Monet patientiam interna desolationis.*

**S**UPER flumina Babylonis, in captiuitate dura, longè à dulcissima Ierusalem, ciuitate vestra, sedetis, filij mei. Quocirca ipsa exilij vestri ratio postulat, vt internas desolationes patiamini suspirantes ad libertatem filiorum Dei, qui iam lætantur in Ecclesia magna, quæ sursum est. Nequè rationi consonum esset, cælestis patriæ privilegia in terræ incolatu, habere velle. Propter quod, Iusti mei, quos ego in charitate perpetua dilexi, quâdiu mortali vita viuunt, alternis consolationibus, & desolationibus exercentur, vt multiplices coronas acquirant. Certè Paulus seruus meus, non erat semper vt Benjamin adolescentulus in mentis excessu, vt in tertio Cælo audiret arcana verba, & potàretur torrente voluptatis mex: Sed frequenter mortificabatur tota die, æstimatus sicut ouis occisionis, grauatus supra virtutem, ita vt tæderet eum etiam viuere. Hæc est vicif-

vicissitudo electorum, qui nunc ascen-  
dunt vsquè ad Cēlos, nunc descendunt  
vsquè ad abyssos, & anima eorum de-  
solatione tabescit. Ex quo apparet,  
quàm malè de me loquantur aliqui  
serui mei, qui statim ac ariditate vex-  
antur, omnem patientiam abiciunt, &  
murmurant aduersum me Nonne om-  
nia tempus habēt, & diuersum est tem-  
pus lætitiæ à tempore luctus? Quem e-  
lectorum meorum non exercui, vt vi-  
derem, an puro corde sequeretur me?  
Quoties distuli, & probaui David a-  
micum meum, factum ad exemplar  
cordis mei? Mirabile est seruos meos,  
qui semel gustarunt suauitatem meam,  
tempore derelictionis non latari, &  
exultare in me memores vberum meo-  
rum super vinum. Absit à vobis, ô filij,  
deiectio, & infidelitas hæc, ne sitis è  
numero illorum, qui confitentur  
mihi tantummodo, cùm benefacio  
eis: sed intima gratitudine, tam  
desolationem, quàm consolatio-  
nem, numerate inter magna bene-  
ficia mea: & tam nocte, quàm die  
cantate inæstimabiles misericordias  
meas.

meas. Ego noui quid expediat vobis: nunc vos reficiam ad duodecim fontes aquarum, & septuaginta palmas in Elim, nunc inter deserti arenas, vos sitire patiar, vt quærat, & diligatis me. Probabo vos filios meos, & examinabo, sicut examinatur argentum, ex quo formantur vasa electionis, ad ministerium templi mei. Et postquam vos, modico tempore probauero, recordabor vestri, miserans adolescentiam vestram, & laudans fidem & charitatem desponsationis vestræ: quia fidelissimè secuti estis me in deserto ariditatis, in terra, quæ non seminatur.

## CAP. XIII.

*Docet diuersos motus natura, & gratia.*

**C**ONSIDERATE vos ipsos, filij mei, qui, quasi Rebecca, duos populos bellantes in utero vno portatis: vt animales affectus spiritui subijcientes vocemini, & sitis pacifici filij Dei. Natura quærit exaltari, & ambulare, sicut vanæ filiæ Sion extento collo; ad ostensionem vanitatis suæ. Gratia quæ-

tia quærit humiliari sub potenti manu Dei, & hominibus vilis apparere. Natura cupit diuitias, & commoditates, vt inueniat consolationem. Gratia cupit inopiam, & incommoda, renuens in hoc mundo consolari. Natura quærit occasiones vanè, & superflue loquendi, vt hominibus placeat. Gratia quærit occasiones tacendi, vt soli Deo probetur. Natura desiderat familiaritatem, & conuersationem hominum. Gratia desiderat solitudinem, & absconditam communicationem meam. Natura optat curiosa, & noua semper scire, ac inuenire. Gratia optat simplicem, & castam eruditionem meam. Natura appetit dulcia, & lauta cõuiuia. Gratia requirit vilia pauperum alimenta. Natura cupit diu viuere: Gratia putat lucrum, citò mori. Natura odit psalmodiam, vigiliam, & orationem: Gratia lætatur Ecclesiæ cantu, nocturnis suspiriis, & orationibus. Ecce filij, quàm longè discrepant natura, & gratia. Certè sicut exaltantur Cæli à terra, sic exaltantur viæ meæ à vijs vestris. Vos ergo, si desideratis eò ascendere,

dere, quò ascendit diuina gratia mea,  
ut fons aquæ salientis in vitam æter-  
nam, motus naturæ corruptæ reprimi-  
te, & legem spiritus mei purissimo  
corde seruate. Exercete gladium spiri-  
tus, quod est verbum Dei, & animales  
affectus viriliter refecate. Estote filij  
columbæ de argentatæ, cuius præmia,  
posteriore tempore ventura, sunt in  
pallore auri, quo gratiæ merita in re-  
gno meo remunerantur. Recedite ab  
ædificatoribus Babel, cuius culmen  
numquam pertingeret in Cælum. Ego e-  
nim descendam, ut videam ciuitatem,  
& turrin, quam ædificant filij Adam,  
naturæ motibus incitati: & confun-  
dam linguas, & cogitationes eorum  
oppositas mansuetudini meæ. Vacate  
potius, & sine strepitu malleorum, æ-  
dificate taciti ruinas Ierusalem, quas  
per gratiam meam, implere desidero.  
Discernite in vobis ipsis, quid gratia  
suggerat contra naturā, quasi explora-  
tores vigiles in turri Libani, quæ respi-  
cit cōtra Damascū, Urbē inimicā, alme  
Ciuitatis meæ. Et ego vos instruā inui-  
cta fortitudine militiæ meæ; & habebo  
inter dulcissimos filios meos. CAP.



## CAP. XIV.

*Monet studium, & amorem sacra  
scriptura.*

**D**OLEO vicem sapientum mundi,  
ô filij mei, quia tanquam multa  
febre phrenetici, vt sitim sciendi ex-  
pleant, plurimas hominum doctrinas  
cum labore, & anxietate discunt, &  
sanctos, castosque libros meos, solatio  
habere nolunt. Colūt terram sterilem  
spinas, & tribulos germinantem, vnde  
alienatio mentis, & stimuli conscien-  
tiæ nascuntur, & paradisum Eden, vbi  
crescit arbor scientiæ boni, & mali, &  
signum vitæ consurgit, suauissima cul-  
tura operari, & custodire non curant.  
Quid sibi vult amentia hæc? Quid quæ-  
runt imitatores Cain profugi, & vagi  
in terra aliena? Currunt, atque discur-  
runt, per humanas disciplinas, & e-  
uoluunt multa volumina, in quibus  
nulla sit mentio mei, quasi non audie-  
rint Iesum Christum Dei virtutem,  
& sapientiam esse, & scriptura san-  
cta spiritum vitæ contineri. Mirum  
est hoc,

est hoc, homines christianos, qui nouerunt, vbi sapientia inueniatur, & quis sit locus intelligentiæ, scholam meam deferere, quam Reges, & Prophetæ cupierunt. Vos autem filij, qui de spiritu vitali meo viuere, & tanquam lignum, quod plantatum est secus decursus aquarum, fructum in tempore suo reddere desideratis, mihi corde legite, & meditamini fidelia testimonia mea; quorum declaratio intellectum dat paruulis, & simplicibus, cum quibus est secreta sermocinatio mea. Querite suppliciter, & inuenietis: pulsate constanter, & aperietur vobis sensus ad capienda melle dulciora, & mundo altiora eloquia mea. Postulate in fide, nihil hesitantes de infinita bonitate, & suauitate mea. Clamate ad me, & exaudiam vos, & ostendam vobis grandia, & firma, quæ ignoratis; replebitque scientia mea pectora vestra; Et apparebit vobis formosissima lux è Cælo, qua suspendemini admirantes altissimam sapientiam castitate, & simplicitate sermonis mei velatam, vt mundis corde, & humilibus reueletur. Ingredie-

mini

mini in absconditos sensus spiritus mei, qui scrutatur profunda Dei: & egrediemini pinguiore, quàm antea, à pascuis dulcissimæ sapientiæ; quàm è puteo alto mei cordis, haurietis.

## CAP. XV.

*Hortatur ad quarendum magistrum vitæ spiritualis.*

**N**E innitami prouidentia vestra filij, quamuis multa didiceritis: Sed imitami sponsam meam innixam super dilectum suum. Multos seduxit nimia æstimatio sui, ita vt altum saperent, nec dignarentur senum, & expertorum iudicium sequi. Iusti verò, & mites corde nihil sibi fidentes, multa sollicitudine quærunt magistros, non prurientes auribus, sed qui vel corripiant, & increpent in misericordia, vel instruant in spiritu lenitatis, iuxta regulas absconditæ sapientiæ meæ, quam omnes de se præsumentes ignorant. Propter hoc filij, qui erratis ab vtero, ne placeatis vobis ipsis, in ea scientia, quam in scholis fortasse comparastis: sed statim, ac mihi seruire incipitis,

cupitis, existimate vos indigere, ut doceamini, quæ sint prima elementa exordij sermonum Dei: & in hac sententia perseuerate. Opinetur alij, quod volent, & se sapientes esse confidant: Vos autem propriæ cognitioni studentes recordamini patris vestri primi Adam, qui cum in honore esset, non intellexit, & ad secundum Adam, qui est Dei virtus, & sapientia, humiliter recurrите. Et ego per seruos meos, quos illustraui splendore sapientiæ meæ, docebo vos viam prudentiæ, ut super omnes mundi doctores intelligatis. Ostendam vobis, vbi cubem in meridie: ne vagemini post greges sodaliũ meorum, qui personam meam fingunt, sed non mores meos repræsentant. Deducam vos per vias rectas, & à longè ostendam vobis regnum Altissimi Patris mei: ut sciatis à viæ principio, quo dirigenda sint primogenita desideria vestra. Non relinquam hominẽ nocere vobis, sub salutari vmbra alarum mearum, per desertũ vitæ mortalis, ambulanti bus: & ero vobis me ductorem sequentibus, sicut Aquila prouocans ad volandum pullos

pullos suos, & super eos volitans. Hæc est lex fidelitatis meæ, vt nunquam deferam humiles corde, qui voluntatem meam de seruorum meorū ore requirunt: & eo ipso, quòd sibi diffidentes alieno iudicio subduntur, faciliùs, & breuiùs eos ad perfectionem christianam inæstimabili lucro, & intima cōsolatione perducam. Hanc igitur instructionem meam filij, studiosissimè arripite, & suauissimæ disciplinæ meæ honestatem, & securitatem amate.

## CAP XVI.

*Ostendit discrimen vitæ Iustorum,  
& impiorum.*

**E**GO quos amo, castigo, & tanquàm aurū in fornace tribulationis probō. Vasa enim electionis sunt, quæ igne examinantur. Respicite seruos meos, quibus dedi potum in lachrymis in mensura, & videbitis illos nouissimos tanquàm morti destinatos, è quibus alij ludibria, & verbera experti, alij vincula, & carceres passi, alij per medium secti, & in occisione

cisione gladij mortui sunt. Alij fugientes de ciuitate in ciuitatem, alij in solitudinibus errantes, alij in maris insulis absconditi, ostenderunt se peregrinos esse super terram, vt hæreditatem filiorum Dei in Cælo possiderent. Quòd si ego inrer dum non reliqui virgam peccatorum super sortem iustorum, ne electi mei tribulationis magnitudine superati, extenderent ad iniquitatem manus suas; non ideò putare debetis, me nolle electos meos laboribus, & angustiiis exerceri. Stulta enim cogitatio est hæc: nequè decet infinitam bonitatem meam, seruos meos dilectissimos tot coronis priuare, & gloriam meam diminuere. Certè quò chariores mihi sunt, eò grauius eos tentari permitto, & velut iratus repello, sicut repuli Israel seruum meum, semen Abraham amici mei. Quod adeò verum est, vt non solum eos tentari sinam, sed & ego tentem eos, vt virtus tentata resplēdeat & respōdeat victoribus meis cras iustitia mea. Hæc est nota iustorum: vt ducant vitam amaritudine plenam, & inebrientur absynthio,

synthio, qui bibituri sunt vinum dulcissimum in regno Patris mei. Peccatorum verò vita cōtraria est. Ipsi enim, quorum spes in terra posita est, in labore iustorum hominum non sunt, & cum hominibus piis non flagellantur. Non est ruina maceræ, nequē transitus: nequē clamor dolentium in domibus eorum. Oves eorum fatosæ, abundantes in partibus suis: boues eorum crassæ. Omnia eis ad nutum succedere videntur, & vana letitia filij eorum exultant. Hæc est pars impiorum, qui servantur ad pœnam. Hæc sunt vasa iræ apta ad interitum, quæ sustineo in multa patientia: vt ostendam diuitias gloriæ meæ, in vasa misericordiæ, quæ pater meus præparauit in gloriam. Propter quod moneo vos filij mei, vt gloriemini in tribulationibus, tanquam in salutis æternæ signis, scientes quoniam tribulatio patientiam operatur, patientia verò spem, spes autem adoptionis filiorum Dei nō confundit, sed exhilarat cōscientiam, & generat fortitudinem ad viam mandatorum, cum exultatione currēdā. Currite ergo filij

G,

per



cisione gladij mortui sunt. Alij fugientes de ciuitate in ciuitatem, alij in solitudinibus errantes, alij in maris insulis absconditi, ostenderunt se peregrinos esse super terram, vt hæreditatem filiorum Dei in Cælo possiderent. Quòd si ego inrer dum non reliqui virgam peccatorum super sortem iustorum, ne electi mei tribulationis magnitudine superati, extenderent ad iniquitatem manus suas; non ideò putare debetis, me nolle electos meos laboribus, & angustiis exerceri. Stulta enim cogitatio est hæc: nequè decet infinitam bonitatem meam, seruos meos dilectissimos tot coronis priuare, & gloriam meam diminuere. Certè quòd chariores mihi sunt, eò grauius eos tentari permitto, & velut iratus repello, sicut repuli Israel seruum meum, semen Abraham amici mei. Quod adeò verum est, vt non solùm eos tentari sinam, sed & ego tentem eos, vt virtus tentata resplēdeat & respōdeat victoribus meis cras iustitia mea. Hæc est nota iustorum: vt ducant vitam amaritudine plenam, & inebrientur absinthio,

synthio, qui bibituri sunt vinum dulcissimum in regno Patris mei. Peccatorum verò vita cōtraria est. Ipsi enim, quorum spes in terra posita est, in labore iustorum hominum non sunt, & cum hominibus piis non flagellantur. Non est ruina macerix, nequē transitus: nequē clamor dolentium in domibus eorum. Oves eorum fatosæ, abundantes in partibus suis: boues eorum crassæ. Omnia eis ad nutum succedere videntur, & vana læticia filij eorum exultant. Hæc est pars impiorum, qui servantur ad pœnam. Hæc sunt vasa iræ apta ad interitum, quæ sustineo in multa patientia: vt ostendam diuitias gloriæ meæ, in vasa misericordiæ, quæ pater meus præparauit in gloriam. Propter quod moneo vos filij mei, vt gloriemini in tribulationibus, tanquam in salutis æternæ signis, scientes quoniam tribulatio patientiam operatur, patientia verò spem, spes autem adoptionis filiorum Dei nō confundit, sed exhilarat cōscientiam, & generat fortitudinem ad viam mandatorum, cum exultatione currédā. Currite ergo filij

G,

per

cisione gladij mortui sunt. Alij fugientes de ciuitate in ciuitatem, alij in solitudinibus errantes, alij in maris insulis absconditi, ostenderunt se peregrinos esse super terram, vt hæreditatem filiorum Dei in Cælo possiderent. Quod si ego in rerum non reliqui virgam peccatorum super sortem iustorum, ne electi mei tribulationis magnitudine superati, extenderent ad iniquitatem manus suas; non ideò putare debetis, me nolle electos meos laboribus, & angustiiis exerceri. Stulta enim cogitatio est hæc: nequè decet infinitam bonitatem meam, seruos meos dilectissimos tot coronis priuare, & gloriam meam diminuere. Certè quò chariores mihi sunt, eò grauius eos tentari permitto, & velut iratus repello, sicut repuli Israel seruum meum, semen Abraham amici mei. Quod adeò verum est, vt non solum eos tentari sinam, sed & ego tentem eos, vt virtus tentata resplédeat & respódeat victoribus meis cras iustitia mea. Hæc est nota iustorum: vt ducant vitam amaritudine plenam, & inebrientur ab-

synthio,

synthio, qui bibiturum sunt vinum dulcissimum in regno Patris mei. Peccatorum verò vita cōtraria est. Ipsi enim, quorum spes in terra posita est, in labore iustorum hominum non sunt, & cum hominibus piis non flagellantur. Non est ruina maceræ, nequē transitus: nequē clamor dolentium in domibus eorum. Oves eorum fatosæ, abundantes in partibus suis: boues eorum crassæ. Omnia eis ad nutum succedere videntur, & vana letitia filij eorum exultant. Hæc est pars impiorum, qui servantur ad pœnam. Hæc sunt vasa iræ apta ad interitum, quæ sustineo in multa patientia: vt ostendam diuitias gloriæ meæ, in vasa misericordiæ, quæ pater meus præparauit in gloriam. Propter quod moneo vos filij mei, vt gloriemini in tribulationibus, tanquam in salutis æternæ signis, scientes quoniam tribulatio patientiam operatur, patientia verò spem, spes autem adoptionis filiorum Dei nō confundit, sed exhilarat cōscientiam, & generat fortitudinem ad viam mandatorum, cum exultatione currédā. Currite ergo filij

G

per

cisione gladij mortui sunt. Alij fugientes de ciuitate in ciuitatem, alij in solitudinibus errantes, alij in maris insulis absconditi, ostenderunt se peregrinos esse super terram, vt hæreditatem filiorum Dei in Cælo possiderent. Quòd si ego inrer dum non reliqui virgam peccatorum super sortem iustorum, ne electi mei tribulationis magnitudine superati, extenderent ad iniquitatem manus suas; non ideò putare debetis, me nolle electos meos laboribus, & angustiiis exerceri. Stulta enim cogitatio est hæc: nequè decet infinitam bonitatem meam, seruos meos dilectissimos tot coronis priuare, & gloriam meam diminuere. Certè quòd chariores mihi sunt, eò grauius eos tentari permitto, & velut iratus repello, sicut repuli Israel seruum meum, semen Abraham amici mei. Quod adeò verum est, vt non solùm eos tentari sinam, sed & ego tentem eos, vt virtus tentata resplēdeat & respōdeat victoribus meis crās iustitia mea. Hæc est nota iustorum: vt ducant vitam amaritudine plenam, & inebrientur ab-

synthio,

synthio, qui bibituri sunt vinum dulcissimum in regno Patris mei. Peccatorum verò vita cōtraria est. Ipsi enim, quorum spes in terra posita est, in labore iustorum hominum non sunt, & cum hominibus piis non flagellantur. Non est ruina maceræ, nequē transitus: nequē clamor dolentium in domibus eorum. Oves eorum fætosæ, abundantes in partibus suis: boues eorum crassæ. Omnia eis ad nutum succedere videntur, & vana læticia filij eorum exultant. Hæc est pars impiorum, qui seruantur ad pœnam. Hæc sunt vasa iræ apta ad interitum, quæ sustineo in multa patientia: vt ostendam diuitias gloriæ meæ, in vasa misericordiæ, quæ pater meus præparauit in gloriam. Propter quod moneo vos filij mei, vt gloriemini in tribulationibus, tanquam in salutis æternæ signis, scientes quoniam tribulatio patientiam operatur, patientia verò spem, spes autem adoptionis filiorum Dei nō confundit, sed exhilarat cōscientiam, & generat fortitudinem ad viam mandatorum, cum exultatione currédā. Currite ergo filij

G,

per

cipitis, existimate vos indigere, vt doceamini, quæ sint prima elementa exordij sermonum Dei: & in hac sententia perseuerate. Opinetur alij, quod volent, & se sapientes esse confidant: Vos autem propriæ cognitioni studentes recordamini patris vestri primi Adam, qui cum in honore esset, non intellexit, & ad secundum Adam, qui est Dei virtus, & sapientia, humiliter recurrite. Et ego per seruos meos, quos illuminavi splendore sapientiæ meæ, docebo vos viam prudentiæ, vt super omnes mundi doctores intelligatis. Ostendam vobis, vbi cubem in meridie: ne vagemini post greges sodaliũ meorum, qui personam meam fingunt, sed non mores meos repræsentant. Deducã vos per vias rectas, & à longè ostendã vobis regnum Altissimi Patris mei: vt sciatis à viæ principio, quod dirigenda sint primogenita desideria vestra. Non relinqũ hominẽ nocere vobis, sub salutari vmbra alarum mearum, per desertũ vitæ mortalis, ambulantes: & ero vobis me ductorem sequentibus, sicut Aquila prouocans ad volandum pullos



pullos suos, & super eos volitans. Hæc est lex fidelitatis meæ, vt nunquam deferam humiles corde, qui voluntatem meam de seruorum meorū ore requirunt: & eo ipso, quòd sibi diffidentes alieno iudicio subduntur, faciliùs, & breuiùs eos ad perfectionem christianam inæstimabili lucro, & intima cōsolatione perducam. Hanc igitur instructionem meam filij, studiosissimè arripite, & suauissimæ disciplinæ meæ honestatem, & securitatem amate.

## CAP XVI.

*Ostendit discrimen vitæ Iustorum,  
& impiorum.*

**E**GO quos amo, castigo, & tanquàm aurū in fornace tribulationis probō. Vasa enim electionis sunt, quæ igne examinantur. Respicite seruos meos, quibus dedi potum in lachrymis in mensura, & videbitis illos nouissimos tanquàm morti destinatos, è quibus alij ludibria, & verbera experti, alij vincula, & carceres passi, alij per medium secti, & in occisione

synthio, qui bibituri sunt vinum dul-  
cissimum in regno Patris mei. Pecca-  
torum verò vita cōtraria est. Ipsi enim,  
quorum spes in terra posita est, in la-  
bore iustorum hominum non sunt, &  
cum hominibus piis non flagellantur.  
Non est ruina maceriz, nequē transi-  
tus: nequē clamor dolentium in domi-  
bus eorum. Oves eorum fatosæ, abun-  
dantes in partibus suis: boues eorum  
crassæ. Omnia eis ad nutum succedere  
videntur, & vana letitia filij eorum ex-  
ultant. Hæc est pars impiorum, qui ser-  
uantur ad pœnam. Hæc sunt vasa iræ a-  
pta ad interitum, quæ sustineo in mul-  
ta patientia: vt ostendam diuitias glo-  
riæ meæ, in vasa misericordiæ, quæ pa-  
ter meus præparauit in gloriam. Pro-  
pter quod mōneo vos filij mei, vt glo-  
riemini in tribulationibus, tanquam  
in salutis æternæ signis, scientes quo-  
niam tribulatio patientiam operatur,  
patientia verò spem, spes autem ado-  
ptionis filiorum Dei nō confundit, sed  
exhilarat cōscientiam, & generat for-  
titudinem ad viam mandatorum, cum  
exultatione currédā. Currite ergo filij

G,

per

per dolores, & sudores: vt labores manuum vestrarum suauissimo sapore ple-  
nos, in regno meo manducetis.

## CAP. XVII.

*Describit mortem iusti.*

**E**CCE quomodo moritur iustus, & nemo considerat, cum considera-  
tio, & suavis valde, & ad conuertendas  
animas efficax sit. Certè iustus, si morte  
preoccupatus fuerit, in refrigerio e-  
rit, non solum postquam intrauerit in  
gaudium Domini sui, sed etiam in ipso  
transitu mortis, quæ est vltima rerum  
terribilium. Cum enim ipse mortem  
benè viuendo superauerit, non tanget  
illum tormentum mortis: licet videatur  
oculis insipientium mori. Tunc  
quippe, postquam hyem transijt, im-  
ber abiit, & recessit, ver nouum æter-  
næ consolationis incipit apparere: &  
dum auditui eius, per bonum nuntium,  
ego do gaudium, & lætitiā, exultant  
ossa tam diu humiliata, & vehementer  
concupiscit in atriā mea. Tunc videt,  
quā bona fuerit negotiatio eius, &  
lætatur super bona opera sua, sicut qui  
inuenit spolia multa. Tūc sentit, quā  
vera

vera fuerit vox, quam audiuit Ioannes  
seruus meus de Cælo dicentem sibi.  
Beati mortui, qui in Domino moriun-  
tur : & ex intimis medullis exultat  
cum ijs, qui ad cœnā Agni vocati sunt.  
Tunc animæ laboribus, & tentationi-  
bus probatæ, atquē repulsæ, loquor ad  
cor dulcissimè, & amantissimè dicens:  
Surge, propera, amica mea, columba  
mea, & veni. Iam satis pugnatum est in  
terra inimicorū: Veni iam coronabe-  
ris, & possidebis, quem diu desiderasti.  
De torrente laborū bibisti in via: pro-  
pterea exaltabis caput, & omnem ter-  
rā solidissimā, quam cōspicies, tibi da-  
bo Modicū laborasti, atquē fleuisti:  
in æternum requiesces atquē ridebis.  
Iam transierunt nubila vitæ laboriosæ,  
atquē sollicitæ, respice serenitatem  
Cæli, & candidissimam lucem appa-  
rentem tibi. Ne formides à facie  
inimicorum obsidentium te, quia  
ego tecum sum, ut liberem à tau-  
ris pinguibus sponsam meam. Egre-  
dere iam de carcere corporis, ubi  
tam diū inclusa fuisti, ut frua-  
ris pretiosissima libertate ciuita-  
tis meæ.

tis meę. Veni vestieris purpura, & bysso. filia Sion, quę prudentiã iustorũ didicisti & omnẽ ornatũ sæculi cõtēpisti, propter me. Diligo te, sponsa, sicut animam meam: ne timeas, quia ab æterno amavi, & elegi te. Veni dalcissima electa mea, & ponam in te regium thronum, & delitiosissimum reclinatorium meum; cõcupiui enim ego Rex Pacificus suauissimum decorem tuum. In hunc modum, filij mei, recipio in pace venientem de militia animam Iusti, quasi charissimam prędam meam. Cogitate vos huius consolationis magnitudinem, & per bona opera vitę, ad bonam, & beatam mortem properate. Omnes quantumvis peccatores, benẽ mori vellent (sicut infelix Balaam) dicentes: Moriatur anima mea morte Iustorum: & fiant nouissima mea horum similia. Sed non erit benẽ in extremis ijs, qui optant extrema iustorum, & non curant obseruare principia. Sequimini me dum viuicis, o filii, & ego vos morientes, vt fidelissimus adiutor in opportunitatibus, visitabo.

## CAP. XVIII.

*Describit mortem peccatoris.*

**E**XISTIMANT homines peccatores, me peregrè profectum nunquam rediturum, vt ponam rationem cum eis. Stulta nimis est persuasio hæc, cum statutum sit omnibus hominibus semel mori. Citò veniam reddere vnicuique secundum opera eius : & sicut nullum opus pietatis sine præmio relinquam, ita nihil impietatis inultū remanebit. Veniet nox in qua nemo potest operari : quando iubebo ministris meis, vt seruum nequam, crudelem in conseruos suos, & ingratum innumerabilibus misericordijs meis, mittant in tenebras exteriores. Væ impio in malum. Væ horæ illi extremæ, in qua peccatoris anima adultera in vmbra mortis, & horrorem sempiternum præcipitabitur. Erat in terra defixa, vbi capiebat prohibita solatia sua, immemor angustiarum superuenturarum : & auellitur de tabernaculo suo fiducia eius, & calcatur super eam, quasi rex, interitus. Tunc dicit illi cor suum im-

G

3

menso

meno pondere iniquitatis oppressum:  
Vide quia malum, & amarum est, reli-  
quiste te Deum tuum, & non fuisseti-  
morem eius apud te. Iam non superest  
locus pœnitentiæ, & peccata tua, ter-  
roresque Dei militant contra te. Quid  
proffit tibi iactantia, & color munda-  
næ gloriæ, quam quæstisti? Ecce omnis  
voluptas tua in amaritudinem versa  
est, & deuorat pulchritudinem cutis  
tuæ primogenita peccati, mors. Respi-  
ce canes multos latrantes, & rabie in-  
citatatos, qui te circumstant, vt te prædā  
suam inferorum faucibus detrudant.  
Hæc, & similia suggerit cor hominis  
iniusti malè morientis: qui antequam  
expiret, cruciatum inferni in ipso le-  
cto præsentit. Et ego æquissimus Iudex  
impio morienti sic respondeo, stultè e-  
gisti infelix homo, cum recessisti à me.  
Multiplicasti delicta, quasi nunquam  
moriturus: nemo nunc eripiet te de  
manu mea Quando videbas furem, &  
currebas cum eo, & cum adulteris por-  
tionem tuam ponebas: Quando os tuū  
aduersus innocentes abundabat mali-  
tia, & lingua tua concinnabat dolos:  
ego

ego patienter sustinebam, vt te longanimitate mea, ad pœnitentiam prouocarem. Tu verò odisti disciplinam meam, & proiecisti sermones, & inspirationes meas retrorsum: & secundum duritiam tuam, & impenitens cor thesaurizasti tibi iram in diem iræ, & iusti iudicij mei. Recurre nunc, in angustia mortis ad Deos tuos, in quibus habes fiduciam. Surgant, & opitulentur tibi, & in necessitate te protegant. Hoc est iudicium, & sors hominis extra gratiam meam morientis, qui sua impietate constringitur, & damnetur. Quocirca qui habet aures audiendi audiat, & tãquam reus ingemiscat vt me quasi iudicem in vita sustinens, in agone mortis, quasi clementissimum patrem inueniat.

**CAP. XIX.**

*Hortatur IESVS CHRISTVS  
ad considerationem vite sue.*

**D**ESOLATIONE desolata est  
omnis terra, ô filij, quia nullus  
est, qui recogitet corde, & consideret  
opera mea, quibus saxa moventur.



Certè christiani omnes, totius vitæ meæ exempla deberent attentè meditari; vt prudentiam iustorum ediscerent, & viam ciuitatis supernæ inuenerent, in loco horroris, & vastæ solitudinis. Sed præter paucos absconditos, & abiectos seruos meos, qui in toto corde suo exquirunt me; vix inuenitur, qui delectetur consideratione vitæ, & operum meorum, in quibus lucet candidissima lux sapientiæ, & dulcissima misericordia mea. Illi verò pauci serui mei, quibus dulcescit meditatio mea, siue pueri, siue iuuenes, siue senes sint, enituntur prouidere me semper in cōspectu suo: Vt faciant omnia opéra suā secundum exemplar, quod in monte perfectionis eis mōstratum est. Audierunt, decreuisse æternum Patrem meū, electos suos, quos præsciuit, & prædestinavit, cōformes fieri imagini filij sui vt sim ego primogenitus in multis fratribus: & tota fortitudine sua, conantur honestissimam formam meam imprimere visceribus suis. Beati certè sūt hi amici mei, qui non sola consideratione, sed imitatione quoque in seipsis repræ-

repræsentant innocentissimam vitam meam. Propter quod filij mei, estote sapientes, & hunc librum vitæ, statis horis, legite, atquæ relegite. Hæc sit perennis exercitatio vestra omnibus doctrinis altior, & omni thesauro pretiosior: quæ ad omnem euentum confirmabit humilia, & casta corda vestra. Legant alij curiosas, vel vanas terrenorum regum historias, è quibus occasionem suæ vanitatis, & damnationis eliciunt: Vos vero avidissimè studeatis historiæ meæ, quæ mites animos, & æternæ salutis desideria creat. Et ego piis affectibus vestris misericorditer respondebo: & extincto mundi desiderio traham vos in funiculis humanitatis meæ, vt dum visibiliter me cognoscitis præsentissimo auxilio meo, in rerû invisibilium amorem rapiamini: & de suauissima consideratione vitæ meæ in diuinitatis notitiam, vbi fons æternæ consolationis manat, ascendatis.

## CAP. XX.

*Monet contemplationem diuinarum perfectionum.*

G 5

Beati

**B**EATI mundo corde, quoniam ipsi in cœlesti patria Deum clarè videbunt, & in vita quoque mortali, formosa valdè luce mea illustrabuntur, ut quod maius omnibus est, purgato mentis oculo cognoscant. Hæc est pars magna sapientiæ iustorum, qui respicientes omnem mundi sollicitudinem, inæstimabili suauitate, spectacula æterna & inuisibilia contemplantur; ut ad infinitam bonitatem, ac pulchritudinem meam, benè affecti, omnē gloriam hominum despiciant, & ex toto corde me diligant. Hæc est prudentia, quam fortissimi milites mei, abnegatione sui, & eleuatione mentis, supra omne, quod videri potest, comparauerunt. Hic est thesaurus absconditus, uē qui inuenit homo; vadit, & præ gaudio illius, vendit omnia, quæ habet, donatque pauperibus, & promptissima voluntate sequitur me. Propter quod, filij mei, si desideratis cognoscere, & me, & clemētissimum Patrem meum, abijcite curas alias, & à finibus Tyri, & Sidonis, vbi auditur strepitus negotiatorum mundi, ad montem Visionis, citò recedite.

recedite. Scitote, quia non habitat bonum in carne vestra: & proinde ab ea quoque discedite, & sensuum officia parcè permittite: Vt ad verticè Phasga, erectione cordis ascendentes, exploretis à longè terram æternæ promissionis, vbi gustatur fructus paradisi mei. Surgite super vos ipsos, & quantū fœrthumana fragilitas, oculos mentis in candore lucis æternæ figite. Contēplamini infinitam Maiestatem, & suauissimam pulchritudinem formæ Dei, quam postquàm probati fueritis, visuri estis. Aperite penetralia cordis, & viscera vestra, ad potum aquæ purissimæ, è fonte viuo manātis, dilatate. Ego vos in sūmitate Horreb erudiā, & per internalla, fessos recreabo: vt discatis quia melior est dies vna, vel etiā hora vna in atrijs meis, super millia. Ardebūt corā mē corda vestra, quasi lāpades ignis, atq; flāmarū: & fortissimus amor me<sup>9</sup> vincet fragilitatem vestram. Scio quia (vt olim Iacob seruus me<sup>9</sup>, cui fuit nomē Israel) strictissimo amplexu tenebitis me, nequē recedētis, donec dulcissima benedictione mea roboremini.

mini. Huc filij mei, per labores, & agones aspirate: & extensis brachijs desideriorum, ad suauissimæ Sionis altitudinem, per arctam viam ascendite.

## CAP. XXI.

*Hortatur ad pacem cordis querendam.*

**B**EATI pacifici, quoniam dulcissimonomine, & inæstimabili consolatione, filij Dei vocabuntur: neque vanè vocabuntur, quia per adoptionem infinita consolatione pleneserunt. Omnia in eis pacifica sunt: quia & anima, & corpus conuenerunt in vnum, & omnia pro captu suo, siciunt ad Deum fontem viuum. Hæc est pax pretiosissima, quam dedi, & fidelissimo testamento reliqui discipulis meis quos mundus odit, & tanquam hostes suos persecutus est. Hæc est pax, qua electi mei gaudent in cælo, & pauci aliquot in terra: quia conuersatio eorum in Cælis est, & thesauros suos in cælo condiderunt. Pax hæc tam longè est à filiis huius sæculi, quam longè est à peccatoribus salus. Non enim  
est pax

est pax impijs, quamuis illam sollicitè requirant, dum illicita desideria sua explere conantur. Pax vera Iustorum priuilegium est; quia vnicè diligunt immaculatam legem meam, & non est illis scandalum. Ego Rex Pacificus, cui tributa reddunt omnia corda nobilia in Cælo, & in terra, auctor sum pacis huius, quam mundus non cognouit. Abyssus sæculi dicit, Non est in me, & mare negotiorum mundi loquitur, Non est mecum. Perditio inferni, & mors dixerunt, Auribus nostris audiuius famam eius. Certè beati sunt, qui pace mea fruuntur, quæ superat omnem sensum, & omnes mundi honores, diuitias, & voluptates. Vos ergo filij, inquirete pacem hanc, & persequimini eam: contemnite omnes thesauros regum terrenorum, & omnes negotiationes filiorum Agar; vt ad eam peruenire possitis Humilitatem, & mansuetudinem meam discite, ne perturbemini varijs euentibus rerum: & ego qui humilia corda nunquam despexi, postquam vos probauero, ita vt naus vestra penè mergatur fluctibus,

imperabo ventis passionum, & tentationum, vt requiescant: & fiet tranquillitas adeò magna, vt admiremini dicentes: Quàm bonus, & potens est Altissimi filius, quia mare, & venti obediunt ei? Si vestra non curetis, sed in me omnem sollicitudinem projiciatis, dabo vobis dilectis meis somnum cum vigilia cordis benè cohærentem: vt inter mundanas varietates securè quiescatis, habentes ibi fixa corda, vbi vera sunt gaudia. Diligite me totis visceribus, & præter me neque vitam, neque mortem, neque honorem, neque infamiam æstimate, & orietur intra vos iustitia, & abundantia pacis, donec à sua varietate auferatur luna. Hæc est hæreditas filiorum Dei. Hæ sunt opes regum, qui mecum sine fine regnaturi sunt: quas præparavi humillimis, & mansuetissimis electis meis, in sancta Ciuitate mea.

## CAP. XXII.

*Hortatur ad gratiam humiliter occultandam.*

**F**ILII, fugite vanam ostentationem

nem gratiæ meæ; nequē narretis cum iactantia, quasi gratias agentes, quod ieiunetis bis in sabbato, & opera bona faciatis. Væ illis, qui pleni sunt sermonibus, quos coarctat spiritus vteri sui: quorum venter est, quasi mustum absque spiraculo, quod lagunculæ novas dirumpit. Hæ Virgines fatiæ non diu habebunt oleum deuotionis, & spiritalis lætitiæ in vasis cordium, secretum meum custodire nolentium. Melius consilium est, gratiam meam humilitatis pallio tegere, & in abscondito latari mecum, in secreta voce exultationis, & confessionis, qua conferuatur, & crescit misericordia mea. Caute singularitatem, qui simul viuitis, & communes actus, sine affectatione, & signis nouitatis frequentare. Estote vnanimes in domo mea, quæ similitudine actuum exteriorum, & æqualitate decoratur. Castra Dei sunt hæc, & tectoria Israel pulchra, & ordinata: ne prætereatis ordinē, vt præ alijs appareatis. Certè si ambulaueritis in magnis, & in mirabilibus super vos: sicut puer ablatus iacet tristis in genib<sup>9</sup> matris suæ: sic &



hic & vos, priuati dulcissimo lacte deuotionis, decūbetis in gremio Ecclesie genitricis vestre ac spōsæ meæ. Hæc est enim iusta retributio vanæ, & singularis ostentationis eorum, qui conseruare nesciunt suauissimum manna meum. Intelligite quæ dico filij, ne fiant corda vestra, sicut vter in pruina, qui humore siccato, gelu. constringitur: & efficiamini inepti ad requirendam faciem meam. Beatus vir, qui semper est pavidus, etiam cum abundat consolatione mea: ipse enim per gratiam meam augebit incrementa frugum iustitiæ, & lætitiæ, quæ bonæ conscientie testimonium est. Filij, in terra inimicorum, & latronum habitatis; ne portetis thesauros publicè in via; sed studiosissimè abscondite illos, & coram solo Patre meo, merita vestra multiplicare. Et clementissimus Pater meus, qui videt in abscondito, reddet vobis coronas immortales infinita consolatione plenas: quæ æstimatione mea, omnem mundi gloriam, & opulentiam superabunt. Hæc sit prudentia vestra, qua mundi sapientes seducatis, vt sedu-

seductores, & veraces: sicut qui ignoti,  
& mihi cogniti: sicut nihil habentes,  
& in sacrario cordis clauso, omne bonum possidentes: & gratia mea pleni,  
ad beatissimam lucem gloriæ, festinantes.

## CAP. XXIII.

*Ostendit in nullo bono esse gloriantum.*

**C**ONSIDERATE filij, misericordias meas, quæ confitentur mihi, & mirabilia mea, quæ feci filiis hominum. Omne donum quatumvis paruum, aut magnum, de sursum est, descendens à Patre luminum, qui gratis vocavit vos in admirabile lumen suum. Nō enim vos prius dilexistis eum, sed ipse prior amore fidelissimo dilexit vos, & celesti gratia sua preuenit vos, & circumcidit præputium cordis vestri, ut diligeretis eum totis affectibus, & viribus. Et ego Unigenitus filius eius, dedi vobis potestatem filios Dei, pretiosissima adoptione fieri, non expectans à vobis præueniri. Non enim vos me elegistis, sed ego gratuito elegi vos,

gi vos, ante mundi constitutionem : ut  
essetis sancti, & immaculati, consortes  
infinite iustitiæ, & puritatis meæ. Gra-  
tia mea estis quicquid estis; & nihil ha-  
betis quod à dulcissimo Deo fratre, &  
amico vestro nō acceperitis: & per me  
habetis accessū, ad æternū Patrē meū:  
à quo omnis paternitas in Cælo, & in  
terra nominatur, & omnis pius affe-  
ctus originem trahit. Per me non arde-  
tis iam igne sempiterno, quem meru-  
istis; & per me habetis spem incēden-  
tem usquē ad interiora Dei, quam ego  
impressi visceribus vestris. Per me à  
gratia in qua statis, non excidistis; &  
versa non est in luctum inestimabilis  
iactura vestra. Cum ergo sine me nihil  
possitis facere, & ne vnam piam cogi-  
tationem habere valeatis: cauete ne  
bonis operibus, quæ ex gratia mea fa-  
citis, exaltemini, & vanè vobis tribua-  
tis altissimam gloriam meam. Cogita-  
re, quid de se senserint charissimi ami-  
ci mei, quorum memoria glorificor,  
& delector. Certè Abrahā seruus me-  
us, cui peculiarius amicitia signū de-  
di, vix de se aliud estimauit, quam quod  
esset

esset pulvis, & cinis. Dauid verò electus meus, ex humili loco vocatus, paruulus fuit in oculis suis: nequè vnquam sibi tribuit misericordias meas, quas in organis letitiæ, die, nocteque cantauit. Ne furemini laudem meā: sed laudis hostias, super altaria cordium, in simplicitate multa sacrificate. Agnoscite, quid ex vobis sitis, filij Adæ, & adoptionem filiorum Dei castis oculis, & puris manibus celebrate. Et placebit mihi sacrificium laudis, sicut dies sæculi, & sicut anni antiqui, quando pauci illi famosi amici mei, toto corde, quæsierunt faciem meam & recensebø vos inter maiores natu electissimi populi mei.

## CAP. XXIV.

*Docet vitam hanc esse Iustorum exilium.*

**E**X quo peccauit Adā pater vester, filij charissimi, & malè vsus est amenissimo paradiso, in quo posui eū, vt operaretur, & custodiret illū, cæpit ipse cum filiis suis exul esse, & in regionem longinquam proficisci. Sed regionem hanc laboribus, & angustiis plenam  
pecca-

peccatores, quasi patriam suam diligunt: & corda sua terræ affigentes, requiem, & diuturnam habitationem in exilio requirunt. Iusti verò, & electi mei, scientes se in terra aliena, ob peccati pœnam, habitare, multis lachrymis, & suspiriis lamentantur aduersam sortem suam: & organa lætitiæ è salicibus Babylonis suspendentes, nullam consolationem admittunt. Sunt similes Ioseph seruo meo, quando descendit in Aegyptum, & amico meo Iacob, quando fuit accola in terra Cham. Barbara, & inhumana est generatio Adæ, iustis meis, quorum lingua, quasi peregrina in mundo non intelligitur. Exercentur dura seruitute tanquam homines nati ad laborem: nequè calicem aquæ frigidæ gratis inueniunt. Vultus, & habitus, & mores longè diuersi sunt à filiis huius sæculi spontè in terra uiuentibus, qui seruitute delectantur. Propter quod, ingemiscunt grauati, dolentes maximè, quia incolatus nimis prolongatus est. Clamant ad me quotidie, quasi pulli coruorum, vagantes eò quod non habeant cibos: & sicut merce-

mercenarij expectantes finem operis sui. Expectant lucem, & non vident, nequè ortum surgētis auroræ: eò quòd sæculi noctem tenebrosus turbo possidet, vt diutiùs exerceantur, & confiderent, quàm infælix sit conditio delinquentium me: & suspirent ad dulcissimam patriam, & charissimam libertatem suam. Beati, qui se exules esse cognoscunt, & magnificas domos in terra non sua ædificare nolunt: quia cælestem sapientiam hanc ad discernendum, & iudicandum, caro, & sanguis non reuelauit eis, sed Altissimus Pater meus, & suus, qui in cælis est. Nō adhærebit terræ cor illorum, nequè spem suam in principibus ponent. In curribus, & equis non confident: nequè dicent obrizo, fiducia mea es. Non erūt tributarij Pharaonis: neque solatia patrum casta sequentur. Vos igitur filij, hæc attendentes, futuram inquirete Ciuitatem, & Chananæorum regum confortia, atquè palatia diligentissimè vitate. Operi quippe, & labori vestro merces magna reposita est.

## CAP. XXV.

*Hortatur ad feruens desiderium summi boni.*

**O**MNIA sub sole transeunt, charissimi filij, & cor hominis infiniti boni capax sedare non possunt. Solus ego, qui sum ipsum bonum infinitum, cor hominis explere valeo quod per diuinam fidem meam didicistis. Experientia quoque sollicitudinis, quam patimini conuincit vos: quia nunquam cor vestrum in quantalibet affluentia dicitur satis est: quamuis omnia mundi bona utilia, & honorifica, & delectabilia possideatis. Attendite reges terræ semper inquietos, & meliora bona sollicitè quærentes, & audite iam disciplinam meam. Rex erat fidelissimus seruus meus Dauid, & oblitus regni sui, ardētissimè canebat. Quemadmodum desiderat ceruus ad fontes aquarū, ita desiderat anima mea ad te Deus. Neque vnquam sitis illa sedata est, donec operatus sum salutem in medio terræ, & in candidissima luce gloriæ palam apparui ei. Quod ille bene nouit, quando fir-

do firmissima spe lætus cantauit . Sa-  
tiabor, cum aparuerit gloria tua. Quid  
ergo quæritis filij ? Quò tenditis per  
varia desideria! Audi Israël dulcissima  
verba vitæ: dirige ad me vota tua, &  
dilata os tuum, & implebo illud. Ape-  
rite mihi sinus intimos, & latebras vi-  
scerum vestrorum: & aperiam ego vo-  
bis venam fontis viui, vt sine tædio, sa-  
tiemini. Ne suscipiatis fictam mundi  
redemptionem, vt meliorem, quàm  
ego promisi vobis, inueniatis resurre-  
ctionem. Ne quærat in lectulo huma-  
næ commoditatis, quem diligit anima  
vestra: Sed surgite velociter, & feruen-  
tissimis desideriis, atquè gemitibus ad  
fertilissimam regionem viuorum su-  
spirate. Estote viri fortes, & coaduna-  
tis animæ viribus, ad serenissimā faci-  
em meam; & ad castissimos amplexus  
meos fortissimè properate. Nūquid nō  
est æquum, vt abiectis curis aliis anima  
vestra desideret me in nocte, & spiri-  
tu vestro, in præcordiis vestris, sollici-  
tudine amoris anhelantibus, de mane  
vigiletis ad me, vt saturemini fruitio-  
ne ia-



ne infinitæ bonitatis, & decoris mei.  
Ascendite non passibus, sed igneis affectibus, ad conspectum dulcissimæ pulchritudinis meæ, quæ tota ciuitas primogenitorum exhilaratur, & validissimè concupiscite suauissimam formam Dei. Filij Sion electi, erigite sursum corda; & Regem vestrum Salomonem, in omni gloria sua decore coronatum, cuius vultum filiæ Tyri in muneribus deprecantur, flagrantissimè desiderate legem membrorum aduersantem legi mentis, amando vincite, & supergredientes omne, quod creatum est, in pulchritudinem increatam, & lucem formosissimam desicite. Et respondebo ego purissimis affectibus vestris, & odorabor odorem suauitatis ascendentem ex ara cordis vestri, in amplissimis atriis domus Domini, in medio triumphantis, & super mel dulcissimæ Ierusalem.



QVARTA PARS

QVAE CONTINET

alia monita communia, &  
alia ad status diuersos per-  
tinentia.

CAP. I.

MONET IESVS CHRISTVS

*omnia obliuioni tradere, vt sola Dei  
memoria remaneat.*

**B**EATI, qui scrutantur  
attentissimè testimonia  
clemētissimi Patris mei:  
& in toto corde exqui-  
runt eum. Sepositis enim  
negotiis aliis, quæ charitas, vel iustitia,  
vel obedientia non requirit, in lege  
dulcissimi, & æterni testamenti mei,  
meditantur dies ac noctes: & spiritua-  
les hostias pacificas semper mihi puro  
corde sacrificant. Cor eorum, & co-  
gitatio apud altissimum, in cuius con-  
spectu, per vigiliam charitatis, iugiter  
versantur: & timēt ab eo separari, sicut

H

mors

morstimeri solet. Cognouerunt enim, quia vita in voluntate eius, & ira in indignatione eius: & propterea, per dies, atque noctes, studiosissime cogitant, quomodo possint placere illi: & diligentissime vitant quicquid oculos tantæ Maiestatis offendit. In iustificationibus eius meditantur, neque vnquam obliuiscuntur sermones eius. Ego sapientia, vnâ cum Patre meo cuncta componens, & ducens vnâquamque creaturam ad terminos suos, dilexi vos Adæ filios, & de vnoquoque singularim cogitaui, stans super cuiusque custodiam, ac si cæterorum oblita, illi soli intendere velim. Et dum assumpsi naturam hominis omnia opera mea, passionem, ac mortem meam, ad vnûquemque direxi, vt in Ecclesia magna, quilibet per me redemptus cantet omnes fideles, & antiquas misericordias meas. Totus ego Rex Pacificus, non ex operibus iustitiæ, quæ fecistis vos, sed secundum suauissimam bonitatem, & clementiâ meâ, factus sum singulis vestrum, quasi nutrix fouens filios suos: neque sollicitum pro vobis cor meû, à singulorum cura, aliorum cura diuer-

tit. Si ergo ego tam intentus singulis sum, cum bonorum vestrorum non egeam, & vos debetis, totis visceribus, mihi præcordia vestra consecrare, me semper meditari, atquè diligere, cum sine me nihil esse, aut operari valeatis. Expandite manus, & viscera vestra ad me, cum sit anima vestra sicut terra sine aqua mihi, & ego fecundabo illam, ut lætetur gemellis amoris fætibus, & sterilitas recedat ab ea. Nihil ei, dum mihi vacat, deesse poterit: dabo illi regiones gētium, & labores populorum, sine labore possidebit: ut custodiat iustificationes meas: & legem meam plenam dulcedine, & dilectione requirat. Certè sancti mei, qui omnia detrimentū fecerunt, ut me lucrifacerēt, summo studio diuinam præsentia ante negotia, & lucra omnia ponere, & seruare curarūt; & hoc vno negotio tranquillissimo, quasi patrimonio suo, intimè lætati sunt: & exultarūt sicut exultare solēt, in virētib<sup>9</sup> pratis agni ouiū. Filij, concupiscite solū decorē meū, & memoriā mei, omniū bonorum matrē, quasi aurum purissimum custodite:

& ego vos in omni aduersitate fidelissimè custodiam.

## CAP. I I.

*Conqueritur de obliuione Dei.*

**Q**UID est, quod dilectus populus meus, in domo mea, fecit scelera multa, & oblitus est mei, quasi ego morte ignominiola, & dolore plena nõ redemissem eum? Ego nihil prætermisi, quod ad salutem, & consolationem populi christiani pertineret. Illi enim destinaui supremas misericordias meas; quibus ferè mansuescerent. Eius sunt fidelissima promissa mea, testamentum, & legislatio cælestis gratiæ meæ: & mitissimo corde cum populo acquisitionis versor, quasi ludens in orbe terrarum, vt inspirationibus, & gratuitis donis meis, corda dura emolliam, & vescar dulcissimo fructu sanguinis mei. Et tamen populus meus oblitus est mei, diebus innumeris. Nequè solùm pauperes, & ignari, & optimates, qui negotiis sæcularibus oppressi quasi gigantes gemunt sub aquis mei non recordantur, sed ipsi etiam  
Ecclesia-

Ecclesiastici, qui profitentur se nosse Deum, & quasi Nazaræi, se totos mihi consecrarunt, mei memoriam parùm curantes, ad studia sæcularia, & ludos, & venationes, ad hortorum culturam, & auaritiæ negotiationem conuertuntur. Quæ peruersio, & duritia cordis est hæc? Quare, filij mei, sequimini deos alienos, qui decipiunt, & corrumpunt animas vestras? Usquequò lugebit terra, quam dedi filiis hominum, qui dereliquerunt me: Conuertimini iam, filij charissimi, & afferte mihi gloriam, & honorem: continuis spiritualium hostiarum oblationibus, & cordis ascensionibus faciem meam citò requirite. Sumite psalmum laudum mearum, & pulsate tympanum ad perenne canticum gratiarum actionis celebrandum. Pergite exercere psalterium iucundum cum cithara, ad canendam totis viribus magnitudinem misericordiæ meæ. Considerate, & admiramini vias meas, & in adinventionibus meis exercemini. Delectamini in factura mea, & in operibus manuum mearum, cum populo, qui scit iubilationem, exultate.

Et experientia cognoscetis quàm suavis, & salutaris sit memoria mea, & quàm tristis, & mortalis obliuio mei. Decernite ex tota fortitudine vestra, memores esse mei, de terra Iordanis, cuius aquis abluti, & sanctificati estis: & imaginem formæ meæ intimis visceribus imprimite. Et ego pergā vobis benefacere, & secundum magnam, & admirabilem misericordiam meā, recordabor vestri, & vocabo vos ad æternam hæreditatem felicissimi regni mei.

## CAP. III.

*Dolet super Ecclesiasticis.*

**Q**UOMODO obtexit caligine, in furore suo Dominus filiam Sion, dilectam sponsam meam, peccatis Ecclesiasticorum denigratam? Præcipitavit omnia speciosa Iacob, propter scelera filiorum meorum, quorum culpa, egressus est à filia Sion omnis decōr eius: quia nobilior, & formosior Ecclesiæ meæ pars grauiter deformata est. Sanctitas illa antiqua Ecclesiastico-

rum cum Ecclesia nascente nascētium,  
& sine fastu, & astutiis sæculi, simplici,  
ac fideli corde, in domo mea ministrā-  
tium, extincta est. Video ego gentes in-  
gressas sanctuarium, de quibus præce-  
perat Altissimus Pater meus, ne intra-  
rent in Ecclesiam suam. Gentilium  
peccata, ambitio, auaritia, inconti-  
nētia, in Ecclesiasticos transierunt:  
qui facti sunt, velut tauri pingues, per  
prata sine timore currentes. Propter  
quod magna ex parte dissipauit Pater  
meus tentorium suum: demolitus est  
tabernaculum mansionis suæ, & obli-  
uioni tradidit festiuitatem, & Sabba-  
tum. Pollutæ sunt manus eorum, qui  
exercent vasa Domini, quorum calen-  
das, & solennitates odit anima mea.  
Quid est hoc? Populus primogenitus  
meus, qui deberet esse gloria, & forti-  
tudo mea, est principium doloris mei.  
Iam non est exemplum vitæ, quo  
plebs paruula instruitur ad pieta-  
tem, & animatur ad gradiendum  
per viam, quæ ducit ad vitam. Væ  
genti consecratæ, quæ in commotio-  
nem capitis versa est. Omnes, qui benè



considerant, obstupeſcunt, & dicunt: Hæccine eſt gens perfecti decoris, gaudium vniuerſæ terræ? Debuerat quotidiano ſacrificio, & dulciſſimo Eccleſiæ cantu ad pietatem inflammari, & lapidea corda ſæcularium, exemplo ſuo mouere: & tamen alienata eſt retrorſum, & mercede conductæ, non pura intentione mihi ſeruit. Reuertimini ad cor, filij mei, & conſiderate nouiſſima veſtra. Expurgate vetuſ fermentum Adæ, vt ſitis noua conſperſio ab omni vetuſta corruptione aliena. Epulamini in azymis ſynceritatis, & veritatis, & primitiæ Eccleſiæ beatiffimam lucem, & formam omni mundi decoris amabiliorem intuemini. Implete mēſuram ſtatus veſtri mundo altioris, & cælorum ciues candore lucis æternæ nitentes innocentia vitæ ſectamini. Et recondam vōs, vt chariſſimos amicos meos intra penetralia mitiſſimi cordis mei.

## CAP. IIII.

*Admonet Episcopos officij ſid.*

**P**ASTORES multi, quibus com-  
miſi

nisi curam gregis mei, demoliti sunt  
 hæreditatem meam, quam ego à Patre  
 meo clementissimo postulavi. Hono-  
 ravi illos coram populo meo; ipsi ve-  
 rò contempserunt me; & ab exempla-  
 ri suo lōgè recesserunt. Secuti sunt do-  
 ctrinas filiorum huius sæculi, qui voca-  
 verunt nomina sua in terris suis, non  
 curantes, an eorum nomina scripta es-  
 sent in Cælo. Bonum opus dicunt se de-  
 siderasse, quia Episcopatum desidera-  
 verunt: sed non tenuit eos boni operis  
 desiderium, sed amor reddituum, secū-  
 dum æstimationem hominum, qui ar-  
 gentum thesaurizant. Væ pastoribus  
 Israel, qui amore honoris, & dignita-  
 tis ad prælationem ascenderunt: con-  
 fitentur se in statu perfectionis esse, &  
 tamē nequē ante honorem illum, chri-  
 stianam perfectionem acquisierunt,  
 nequē post obtentam dignitatem, iux-  
 ta regulam perfectionis viuunt. Quod  
 abiectum erat, non reducunt; quod in-  
 firmum erat, non confirmant: quod fra-  
 ctum erat, non consolidant: quod ma-  
 culosum erat, non emundant. Præua-  
 ricantur dulcissimam legem meam,

femetipſos ouium velleribus veſtientes, oues verò perire, pro nihilo æſtimantes. Quid dicam vobis, Eccleſiæ viri, quos patior inimicos, ſub imagine perſonæ meæ, abutentes magna patientia, & miſericordia mea? Bonas facite iam vias veſtras, & iuxta cor meum, ſtudia veſtra corrigite. Paſcite amici mei gregem meum verbo, & exemplo vitæ, forma facti gregis ex animo. Loquimini ad cor Ieruſalem: & paruulos eius Apoſtolico lacte nutrite, ne fortè exhalent animas ſuas, in ſinu matrum ſuarum. Inſtruite ignorantes viam Domini, deiectos corde roborate. ſubuenite egeno, & pupillo: humilè, & pauperem iuſtificate. Eſtote ſobrii, caſti, hospitales, & ſcripturæ meæ ſtudio intentiſſimè vacate. Requieſcite iam inter medias duorum teſtamentorū ſortes, noua veteribus conciliantes, ad dādam ſcientiam ſalutis plebi meæ. Et deponentes omnem humanum affectum, non vt mercenarij, ſed vt amici fideliffimi, cauſas ſponſæ meæ tractate. Et ego vobis reddam coronas virides, quæ nunquam marceſcent: & cum ſena-

senatoribus supernæ ciuitatis meæ,  
vos duplici stola indutos; sedere faci-  
am in felicissimo regno meo.

## CAP. V.

*Monet fugam prælationis.*

**A**T TENDITE filij, & ministri  
Ecclesiæ meæ, quæ loquor: verba  
enim à sapientibus mundi abscondita  
pronũtio. Ego palàm locutus sũ mũdo,  
& primos accubitus, primasq; cathe-  
dras recusavi. Factus sum inter disci-  
pulos meos, tanquam qui ministrat: &  
fugi solus in montem, ne turbæ me ra-  
perent, & constituerent regem super  
se. Ego Deus absconditus, & tectus pal-  
lio humilitatis, & laboris, quo seruire  
me fecistis in peccatis vestris. Non e-  
go clarificaui me ipsum, nequè hono-  
rem, aut prælationem mihi sumpsi; Sed  
clarificauit me priùs percussus, & hu-  
miliatus Pater meus: vt ascenderem  
de abiectiõne ad honorem, quasi radix  
de terra sitienti: Non ego occupaui  
regnum, sed vocatus, & constitu-  
tus sum Rex ab eo super Sion mon-

tem sanctum eius: non ut mollibus vestirer, sed ut prædicarem cum labore suauissimum præceptum eius. Quocirca filij mirabile est, quomodo sine timore meo, & sine propriæ infirmitatis cognitione, prælationes quæritis, atquæ requiritis? Quem magistrum imitamini, filij mei? Quomodo non palpitat vobiscor, dum sollicitudine multa, per interpositos quoquæ terre principes, in quibus non est salus, quæritis fieri, & poni custodes in vineis, qui vineam vnicam propriæ conscientiæ nõ custodistis? Qui domui suæ præesse nescit, quomodo Ecclesiæ Dei diligentiam adhibebit? Quid dicam vobis, qui vestræ damnationis diligentissimi operatores estis? Certè sancti mei, quos præesse æquum erat, timentes ne alios saluos facere conantes, ipsi reprobi fierent, prælationem accuratissimè fugerunt. Sciebant enim Saulem, quasi vnius anni puerum innocenter regnare cæpisse, & regno abutentem in æternâ damnationem incidisse, quamuis principio suæ assumptionis, non fuisset vir melior illo in Israel. Honores, & dignitates

gnitates cor inebriant: & à casto timore Dei etiam viros iustos auertūt. Propter quod, filij mei, gens sancta, & vncta oleo sanctificationis meæ, estote humiles in oculis vestris, & prælationem studiosissimè caute. Profectò in Ecclesia primitiua, quæ feruebat calore sanguinis mei, prælatio, & mors comites erant: quia tyranni Episcopos primùm ad necem postulabant: & idcirco vanitas honoris, & diuitiarum, pura corda prælatorum à me non diuertebat: Nunc verò quando non imminet, occasio mortis, & suppetunt honor & cōmoditas, timor atq; conscientia prælationem diligentius vitare deberent. Ego scio quos elegerim discite modestiam, & de vobis ipsis humiliter sentite. Non respicio staturam hominis, sed cor sapiens, & intelligēs. Qui idoneus est, ex ipsis speluncis ad prælationem accipietur: nam & Pater meus, cum placuisset illi David, de post foetantes accepit eum, pascere Iacob seruum suum, & Israel hæreditatem suam. Hæc cogitate filij, & æstimate: atque subesse potius, quàm præesse

contendite. Et ego vos fidelissimos seruos meos, honoribus æternis exaltabo.

CAP. VI.

*Admonet Religiosos.*

CHARISSIMI filij, quos è sæculi mari magno ad statum Religionis misericorditer vocauì, habeo aduersum vos multa lachrymis digna, quæ attentè cogitare, & corrigere debetis. Ego plantaui vos in paradiso meo, vt perfectà renuntiatione omnium rerum, & abnegatione propriæ voluntatis, & iudicij, sequeremini me renibus accinctis, & quasi lactucas agrestes manducantes, intransitu huius vitæ, confitentes quia peregrini estis super terram, & ad patriam Cælestem festinatis. Segregaui vobis dilectis meis, humanas consolationes respuentibus pluuiam voluntariam internæ visitationis. Sic enim ego, solari consueui ablactatos à lacte, & auulsos ab vberibus. Suscitaui vobis patres Religionum fundatores, qui fidelissimo corde fecerunt omnes voluntates meas: & altera manu

manu præliantes , altera ædificantes circumdederunt altis mænibus montem sanctum , quem dilexi. Quomodo ergo præuaricati estis pactum meum, votis solennibus in medio Ierusalem confirmatum, & primam charitatem non seruastis? Congregatio Iustorum, & pars electa Ecclesiæ meæ, quomodo gemens conuersa es retrorsum? Quomodo emarcuit flos primitiæ obseruantia, quo nomen meum laudari solebat , à solis ortu vsque ad occasum? Iam non est cultus ille obedientiæ per fidem operantis. Illa paupertas , solatia Cæli per incommoditates terræ requirens , ablata est. Aemulatio illa sanctorum , contemptus mundi, sensuum mortificatio , & decor monasticæ disciplinæ, à filia Sion egressus est. Frustra videntur laborasse Patres vestri , quorum statum assumpsistis , & fidem non obseruatis. Quis non miretur ruinam vestram , ô plebs mea, quam è multis nationibus elegeri? Quis audiuit talia horribilia, quæ fecit nimis Virgo Israel? Nunquid euelli possunt aquæ erumpentes frigidæ



gidæ & defluentes, vt vbi ego dedi fontem vberem misericordiæ, siccetur terra? Væ statui Religionis declinantis à rigore obseruantia: quia cum his nouissimis temporibus homines seipsos amantes, quando professionem emittunt, promittant eadem, quæ sancti Religionis institutores promiserunt, remissè viuunt, nec eadem obseruant. Rarò valdè Religiosus perfectus quasi stella matutina in medio nebulæ splendescens, inuenitur. Reliqui verò, innumerales sicut arena, quæ iacet in litore maris, errauerunt in inuio, & non in via. Et facta est terra eorum in desolationem, & in sibilum sempiternum. Omnis, qui præterierit per eam, obstupescet, & mouebit caput suum. Elegeram ego gentem, vt habitarem in medio eius, & diligerem illam, sicut animam meam, sed ipsa recessit à me, facta que est habitatio draconum, & dimisi filios eius secundum desideria cordis eorum, vt contra suorum Patrum instituta irent in adinventionibus suis. Nunc ergo filij mei, ne declinetis cor vestrum in verba malitiæ ad excusandas ex-

das excusationes in peccatis. Sed memores estote, vnde ceciderit corona gloriæ vestræ ; & respuentes omnia consilia hominum insipientium inobseruantiam excusantium , antiquam laudem totis viribus renouate. Germinet denuò terra vestra herbam virentem , & lignum pomiferum iuxta genus suum. Ego mittam spiritum meum, vt recreemini, & facies terræ renouetur. Confortamini, & cōuertam captiuitatem vestrā affluentem gratia mea, sicut affluere solet aqua torrentis in Austro. Mittam lampades in visceribus vestris, vt fortissimè impedimenta superetis. Quid timetis, filij charissimi, quasi abbreviata sit manus mea ? Ego dabo vobis os , & sapientiam, cui non poterunt contradicere omnes aduersarij vestri. Ego vos iterum parturiam, donec reformetur primus status in vobis. Et post ædificium nouæ Ierusalem, reddam vobis fidelissimis seruis meis multiplices coronas, inæstimabilibus gaudiis, & honoribus plenas.

gidæ & defluentes, vt vbi ego dedi fontem vberem misericordiæ, siccetur terra? Væ statui Religionis declinantis à rigore obseruantix: quia cum his nouissimis temporibus homines seipsos amantes, quando professionem emittunt, promittant eadem, quæ sancti Religionis institutores promiserunt, remissè viuunt, nec eadem obseruant. Rarò valdè Religiosus perfectus quasi stella matutina in medio nebulae splendens, inuenitur. Reliqui verò, innumerabiles sicut arena, quæ iacet in litore maris, errauerunt in inuio, & non in via. Et facta est terra eorum in desolationem, & in sibilum sempiternum. Omnis, qui præterierit per eam, obstupescet, & mouebit caput suum. Elegeram ego gentem, vt habitarem in medio eius, & diligerem illam, sicut animam meam, sed ipsa recessit à me, factaque est habitatio draconum, & dimisi filios eius secundum desideria cordis eorum, vt contra suorum Patrum instituta irent in adinventionibus suis. Nunc ergo filij mei, ne declinetis cor vestrum in verba malitiæ ad excusandas ex-

das excusationes in peccatis. Sed memores estote, vnde ceciderit corona gloriæ vestræ ; & respuentes omnia consilia hominum insipientium inobseruantiam excusantium, antiquam laudem totis viribus renouate. Germi-  
net denuò terra vestra herbam virentem, & lignum pomiferum iuxta genus suum. Ego mittam spiritum meum, vt recreemini, & facies terræ renouetur. Confortamini, & cōuertam captiuitatem vestrā affluentem gratia mea, sicut affluere solet aqua torrentis in Austro. Mittam lampades in visceribus vestris, vt fortissimè impedimenta superetis. Quid timetis, filij charissimi, quasi abbreviata sit manus mea ? Ego dabo vobis os, & sapientiam, cui non poterunt contradicere omnes aduersarij vestri. Ego vos iterum parturiam, donec reformetur primus status in vobis. Et post ædificium nouæ Ierusalem, reddam vobis fidelissimis seruis meis multiplices coronas, inæstimabilibus gaudiis, & honoribus plenas.

gidæ & defluentes, vt vbi ego dedi fō-  
tem vberem misericordiæ, siccetur  
terra? Væ statui Religionis declinan-  
tis à rigore obseruantix: quia cum his  
nouissimis temporibus homines sei-  
psos amantes, quando professionem e-  
mittunt, promittant eadem, quæ sancti  
Religionis institutores promiserunt,  
remissè viuunt, nec eadem obseruant.  
Rarò valdè Religiosus perfectus quasi  
stella matutina in medio nebulae splē-  
descens, inuenitur. Reliqui verò, innu-  
merabiles sicut arena, quæ iacet in lit-  
tore maris, errauerunt in inuio, & non  
in via. Et facta est terra eorum in deso-  
lationem, & in sibilum sempiternum.  
Omnis, qui præterierit per eam, obstu-  
pescet, & monebit caput suum. Elege-  
ram ego gentem, vt habitarem in me-  
dio eius, & diligerem illam, sicut ani-  
mam meam, sed ipsa recessit à me, fa-  
cta que est habitatio draconum, & di-  
misi filios eius secundum desideria cor-  
dis eorum, vt contra suorum Patrum  
instituta irent in adinventionibus suis.  
Nunc ergo filij mei, ne declinetis cor  
vestrum in verba malitiæ ad excusan-  
das ex-

das excusationes in peccatis. Sed memores estote, vnde ceciderit corona gloriæ vestræ ; & respuentes omnia consilia hominum insipientium inobseruantiam excusantium , antiquam laudem totis viribus renouate. Germi-  
net denuò terra vestra herbam virentem , & lignum pomiferum iuxta genus suum. Ego mittam spiritum meum, vt recreemini, & facies terræ renouetur. Confortamini, & cōuertam captiuitatem vestrā affluentem gratia mea, sicut affluere solet aqua torrentis in Austro. Mittam lampades in visceribus vestris, vt fortissimè impedimenta superetis. Quid timetis, filij charissimi, quasi abbreviata sit manus mea ? Ego dabo vobis os , & sapientiam, cui non poterunt contradicere omnes aduersarij vestri. Ego vos iterum parturiam, donec reformetur primus status in vobis. Et post ædificium nouæ Ierusalem, reddam vobis fidelissimis seruis meis  
multiplices coronas , inæstimabilibus gaudiis, & honoribus plenas.

gidæ & defluentes, vt vbi ego dedi fō-  
tem vberem misericordiæ, siccetur  
terra? Væ statui Religionis declinan-  
tis à rigore obseruantix: quia cum his  
nouissimis temporibus homines sei-  
psos amantes, quando professionem e-  
mittunt, promittant eadem, quæ sancti  
Religionis institutores promiserunt,  
remissè viuunt, nec eadem obseruant.  
Rarò valdè Religiosus perfectus quasi  
stella matutina in medio nebulae splē-  
descens, inuenitur. Reliqui verò, innu-  
merabiles sicut arena, quæ iacet in lit-  
tore maris, errauerunt in inuio, & non  
in via. Et facta est terra eorum in deso-  
lationem, & in sibilum sempiternum.  
Omnis, qui præterierit per eam, obstu-  
pescet, & monebit caput suum. Elege-  
ram ego gentem, vt habitarem in me-  
dio eius, & diligerem illam, sicut ani-  
mam meam, sed ipsa recessit à me, fa-  
cta que est habitatio draconum, & di-  
misi filios eius secundum desideria cor-  
dis eorum, vt contra suorum Patrum  
instituta irent in adinventionibus suis.  
Nunc ergo filij mei, ne declinetis cor  
vestrum in verba malitiæ ad excusan-  
das ex-

das excusationes in peccatis. Sed memores estote, vnde ceciderit corona gloriæ vestræ ; & respuentes omnia consilia hominum insipientium inobseruantiam excusantium , antiquam laudem totis viribus renouate. Germinet denuò terra vestra herbam virentem , & lignum pomiferum iuxta genus suum. Ego mittam spiritum meum, vt recremini, & facies terræ renouetur. Confortamini, & cōuertam captiuitatem vestrā affluentem gratia mea, sicut affluere solet aqua torrentis in Austro. Mittam lampades in visceribus vestris, vt fortissimè impedimenta superetis. Quid timetis, filij charissimi, quasi abbreviata sit manus mea ? Ego dabo vobis os , & sapientiam, cui non poterunt contradicere omnes aduersarij vestri. Ego vos iterum parturiam, donec reformetur primus status in vobis. Et post ædificium nouæ Ierusalem, reddam vobis fidelissimis seruis meis multiplices coronas , inæstimabilibus gaudiis, & honoribus plenas.



contendite. Et ego vos fidelissimos ser-  
uos meos, honoribus æternis exaltabo.

## CAP. VI.

*Admonet Religiosos.*

**C**HARRISSIMI filij, quos è sæ-  
culi mari magno ad statum Reli-  
gionis misericorditer vocavi, habeo  
aduersum vos multa lachrymis digna,  
quæ attentè cogitare, & corrigere de-  
betis. Ego plantavi vos in paradiso  
meo, vt perfecta renuntiatione omniũ  
rerum, & abnegatione propriæ volun-  
tatis, & iudicij, sequeremini me reni-  
bus accinctis, & quasi lactucas agrestes  
manducantes, in transitu huius vitæ,  
confitentes quia peregrini estis super  
terram, & ad patriam Cælestem festi-  
natis. Segregaui vobis dilectis meis,  
humanas consolationes respicientibus  
pluuiam voluntariam internæ visita-  
tionis. Sic enim ego solari consueui  
ablactatos à lacte, & auulsos ab vberi-  
bus. Suscitaui vobis patres Religionũ  
fundatores, qui fidelissimo corde fece-  
runt omnes voluntates meas: & altera  
manu

manu præliantes , altera ædificantes circumdederunt altis mænibus montem sanctum , quem dilexi. Quomodo ergo præuaricati estis pactum meum, votis solennibus in medio Ierusalem confirmatum, & primam charitatem non seruastis? Congregatio Iustorum, & pars electa Ecclesiæ meæ, quomodo gemens conuersa es retrorsum? Quomodo emarcuit flos primitiæ obseruantia, quo nomen meum laudari solebat , à solis ortu vsque ad occasum? Iam non est cultus ille obedientiæ per fidem operantis. Illa paupertas , solatia Cæli per incommoditates terræ requirens , ablata est. Aemulatio illa sanctorum , contemptus mundi, sensuum mortificatio , & decor monasticæ disciplinæ, à filia Sion egres-  
sus est. Frustra videntur laborasse Patres vestri , quorum statum assump-  
stis , & fidem non obseruatis. Quis non miretur ruinam vestram , ô plebs mea, quam è multis nationibus ele-  
gi? Quis audiuit talia horribilia, quæ fecit nimis Virgo Israel? Nunquid euelli possunt aquæ erumpentes fri-  
gidæ

das excusationes in peccatis. Sed memores estote, vnde ceciderit corona gloriæ vestræ ; & respicientes omnia consilia hominum insipientium inobseruantiam excusantium , antiquam laudem totis viribus renouate. Germinet denuò terra vestra herbam virentem , & lignum pomiferum iuxta genus suum. Ego mittam spiritum meum, vt recremini, & facies terræ renouetur. Confortamini, & cōuertam captiuitatem vestrā affluentem gratia mea, sicut affluere solet aqua torrentis in Austro. Mittam lampades in visceribus vestris, vt fortissimè impedimenta superetis. Quid timetis, filij charissimi, quasi abbreviata sit manus mea ? Ego dabo vobis os , & sapientiam, cui non poterunt contradicere omnes aduersarij vestri. Ego vos iterum parturiam, donec reformetur primus status in vobis. Et post ædificium nouæ Ierusalem, reddam vobis fidelissimis seruis meis multiplices coronas , inæstimabilibus gaudiis, & honoribus plenas.

## CAP. VII.

## Monet Sacerdotes.

**M**VNDAMINI, qui fertis vasa Domini, & pollutum nolite tangere, ne fortè moriamini. Attendite verba mea, charissimi amici Sacerdotes noui, & æterni testamenti mei, & induimini suauissimum iustitiæ decorum, vt sanctè sancta tractetis, & nomen meum infinita veneratione dignum non polluat. Feci vos consortes sacerdotij mei, vt effectis mediatores populorum, quorum pondus portatis, & auerteretis iram meam, ne disperderet eos. Et ideo deberetis nunc cãdidiore esse, & corda, manusq; puras extollere in sancta; vt decor sacrificij vestri ascenderet ad Altissimum Patrem meum, & donaret vobis delicta populi. Considerate dignitatem vestram, quia vncti estis oleo sancto meo, & panem vitæ, qui de cæle descendit, quotidie comeditis. Tanta est profectò altitudo dignitatis vestræ, vt mōtiũ vertices superetis, & cæli cælorum vobis inclinentur. Quid ergo dicam vo-

cam vobis, cum videā vos in cælesti dignitate constitutos, homines esse, & secundum hominem ambulare. Mirabile est, vos corpore, & sanguine meo quotidie pasci, & vitiis cæterorum hominum, qui profanè viuunt, deformari. Quid est hoc? Quomodo non transformamini in me, & innocentia vitæ resplendetis? Exuite iam filij mei veterem hominem, ut singulari pietate, tantum cæteris hominibus præstetis, quantum illos dignitate præceditis. Adhæreat esca, quam sumitis visceribus vestris: & corpora vestra, quæ Dei templum facta sunt, ab omni corruptione præseruate. Luceat lux vestra, sole clarior, coram hominibus, quorum culpas abluitis, ut exemplo vitæ vestræ emolliti, atque conuersi, glorificent per fructus iustitiæ, clementissimum Patrem meum, qui in cælis est. Fugite commercia filiorum huius sæculi, qui vitæ puritatem oderunt: & Ecclesiæ sponsæ meæ, disciplinam toto corde sequimini. Hæc sit iugis meditatio vestra, & intima lætitia, qua inter mortalis vitæ fastidia, delectemini

et emini. Discant alij prudentiam, quæ de terra est, qui merguntur in terrenis desiderijs, quasi plumbum in aquis vehementibus: Vos verò qui pane vitalissimo nutrimini, cauetene regales epulas immundis cibis maculetis. Altiores mundo estis: cælestia, cum mundi contemptu, cogitate, atque diligite & altissimum Iustitiæ sacrificium in mei memoriam purissimis affectibus sacrificate. Et non solum placebit mihi holocaustum vestrum, plusquàm sanguis hircorum, & taurorum, & cinis vitulæ aspersus, qui inquinatos sanctificat ad emundationem carnis, sed supra omnia mundi bona iucundabor in castis, & humilibus cordibus vestris, quæ ardebunt igne charitatis in conspectu meo.

## CAP. VIII.

*Monet Principes terræ.*

**A**VDITE principes terræ, quæ dico: & sepositis curis aliis, vos quoque reges intelligite: & erudi mini qui iudicatis terram. Ego vobis dedi Excellentiam hanc, ut tolleretis me-  
dullam



dullam cedri, & optima quæquæ terræ comederetis. Certissimè enim per me reges regnant, & legum conditores iusta decernunt. Propter quod, intima gratitudine, deberetis seruire mihi, & gloriam meam studiosissimè amplificare. Et tamen erigimini aduersum me: quasi non ego, sed manus vestra excelsa fecerit hæc omnia, quæ aliis hominibus mirabilia videntur. Non benè vtimini infinita bonitate, & misericordia mea, per quam in throno sedetis. Quænam alienatio mentis est hæc? Nunquid non omnia mea sunt, & valeo deponere potentes de sede, & exaltare humiles, qui viuunt in simplicitate cordis, & tremunt ad sermones meos? Cur eleuamini filij Adæ, & queritis esse sicut di? Non est potentia, neque sapientia, nequæ fortitudo contra Dominum, qui curuat imperia. Profectò licet amor, & gratitudo deesset, timor saltem deberet mouere vos, vt Regem Regum, qui Lucifero non percutit, timeretis: ipse enim alligat reges in compedibus, & nobiles eorum in manicis ferreis: sed & nunc quando  
puta-

putatis, vos posse quidquid placeat, stultissimè agitis, dum in quolibet negotio, non ad me, sed ad consiliarios, vel milites, vel ad aurum multum confugitis, non considerantes, quia cor regis est in manu mea, & quocunque voluero, vertam illud. An existimatis omnia, quæ cogitatis, & conamini, cõdita nõ esse apud me, & signata in thesauris prouidentia meæ? An non exigam rationem de iniustis vectigalibus, & tributis, quibus viduas, & orphanos affligitis, & sanguinem dolentium absorbetis? Estote, filij mei, reges magni pietate, & solium vestrum misericordiis multis exaltetur. Iustitia, & iudiciũ sit ornat⁹, & præparatio sedis vestræ, & pax dilatet regiones vestras. Reddite mihi tributum casti timoris; & amoris, & subditorum corda non ad ostentationem vanam, sed ad vera, & æterna bona exemplo vitæ, mouete. Reges gentium dominantur eorum, & tyrannicè subditos opprimunt: vos verò serui Regis pacifici, qui mansuetudine infinita regnavit à ligno, patres potius, quàm dominos præsen-



præsentate. Sic eritis reges non solum corporum, sed etiam cordium & regendi suauitate amplificabuntur domus vestræ. Et ego vos fideles confortes meos, de terreno, ac temporali regno, ad Cœlestis, & æterni regni mei consortium, hora nouissima vocabo.

## CAP. IX.

*Hortatur diuites sæculi.*

**N**E latemini, filij, super multis diuitiis vestris, quasi alia bona meliora non sint, & domos æternas in terra, quam diligitis, possidere valeatis. Stulta enim est cogitatio hæc, quam experientia quotidiana condemnat. Quanti mercatores coaceruant aurum, & argentum, sine requie, & sine fine, & in pænam sollicitudinis, & laboris infiniti, non dimidiant dies suos? Tempus breue est: ego venio citò. Quorsum ergo tanta sollicitudo, cui omnes mundi opes satisfacere non possunt? Satis diuites facti estis: & certum est, vobis multa bona superfluere, quæ clamant aduersum  
sum

sum vos, pro pauperibus, & afflictis, qui cupiunt saturari de micis, quæ cadunt è nimis lauta mensa vestra. Quid ergo de superfluis agere cogitatis? Mitte panem vestrum super inopes, quasi super transeuntes aquas, & illum in littore maris magni repositum inuenietis. Consilium meum vobis placeat; Redimite misericordiis pauperum animas vestras, & emite paruo pretio ius magnum in regno immortalitatis mex. Quid moramini deponere graue pondus diuitiarum, sub quibus fatigamini, nec ad vitalem auram æternæ felicitatis respirare valetis? Eleuate capita vestra, & respicite opes meas, quas largitione eleemosynarum, lucro magno, comparare potestis. Beati, qui ad currendam salutis viam se exonerant, & misericordiâ diuites sunt, quoniam ipsorum miserebor. Percipite filij quæ moneo: & facite, vt opes vestras manus pauperum in cælesti gazophylacium deportent: habebitisque thesaurum non deficientem in Cælis. Quid timidi estis, quasi vobis propter eleemosynas multas, egestas superuentura

uentura sit? Absit profana cogitatio hæc: immo propterea domus vestræ multiplicabuntur. Offerte mihi confidenter de substantia vestra, & de primitiis frugum vestrarum: & implebuntur area vestræ frumento, & vino torcularia redundabunt. Voces, & desideria pauperum pro vobis orantium penetrabunt viscera mea. Et ego vos mihi per misericordiam similes amabo: domos magnas ædificabo vobis in terra: & in superna Ierusalem, quæ mater vestra est, mansiones infinitæ consolationis, & pacis abundantia plenas præparabo.

CAP. X.

*Admonet homines negotiosos.*

**I**N pace cordis ad æterna bona suspirantis factus est locus meus, & habitatio mea à strepitu negotiatorum longè remota; facta est in Sion. Qui cor suum effundit sicut aquam, in terrena negotia, & sollicitudines sæculi, peregrè recedit à portu tranquillitatis bonæ conscientiae, quæ abiectâ curâ sæculi, intimè gaudet iucundissimâ ha-

te. Etenim omnia, quæ diligitis & negotiamini, finem habent, & tela quam ordimini, citò succidetur. Quare ergo non præmeditamini tristem exitum laboris vestri, & conuertimini ad dulcissimum otium meum, vbi veram lætitiā, & spem gaudiorum matrem inuenietis? Quod, si vobis durus est hic sermo, & non potestis sustinere eum, quasi negotia deponere non valeatis: destinate saltem modicum tempus, vt mecum quotidie, negotiemini. Clamate ad me in fortitudine, & rerum temporalium pondere grauati cadite coram me: vt misericordia motus auferam à vobis iugum ferreum, sub quo cibum, qui perit, operamini. Recedite à tabernaculis Ismael, & seruitutem duram detrectate. Captiui filij mei, quærite libertatem honestissimam filiorum Dei: agnoscite christianam dignitatem: & nolite ad seruorum labores degeneri conuersatione redire. Si cordis auribus audieritis verba mea, ego ostendam vobis suspirantibus ad me, quantò sit dulcius Patri meo,

meo quam mundo seruire. Et dabo vobis cor carneum, ablata durezza vestra, vt iam sequamini me, & voluntas vestra requiescat in suauissima lege mea.

## CAP. XI.

*Hortatur ad custodiam cordis.*

**F**ILII, omni custodia custodite corda vestra, nequē in hac vigilia dulcissimæ dilectionis vnquam dormitetis. Custodite corda, sicut amatores mundi custodiunt aurum, ne fortē per ingratitudinem, vel incuriam, pereatis de via iusta. Ne admittatis consilia hominum, qui sanguinem meum æstimate, re nesciunt, & salutem æternam suam, non magnopere curant. Murum æneum circumdate cordi, ne hostes vestri nocendi cupidissimi, ædificium spiritus evertant. Ego noui fragilitatem cordis humani, quod facilè seducitur, vt in varios amores diuidatur. Experientia quoque scire potestis, quoties cor vestrum captiuum egrediatur à seipso, vt seruiat creaturis, quarum voluptate trahitur. Vigilate, & diligentissimè caute tactum mortuorum, quibus plenus est

nus est mundus, ne fortè moriamini. Templum Dei sanctum est, quod estis vos: cauete ne domus mea, quam decet sanctitudo, profanetur. Præmeditamini occasiones peccatorum, vt decline-  
tiseas: & dum iter facitis per terrena commercia, vbi affectuum pedes pul-  
uere humano sordescunt, etiam pulue-  
rem pedum vestrorum excutite. Laua-  
mini frequenter, & postquam loti fue-  
ritis, iterum emundamini: nam, & qui  
lorus, & mundus est, indiget vt lauet  
pedes. Nequè vobis asperum videatur  
consilium meum, quia vestra corda ar-  
dentissimè diligo, proptereaquæ po-  
stulo, ponatis me vt signaculum, tu-  
per illa, vt ego illorum Dñus co-  
gnoscar. Fortis enim est, vt mors dile-  
ctio, & implacabilis amoris æmulatio:  
atquè ideo ferre non possum cordis  
vestri consortes. Seruate ergo fideliter  
vos ipsos mihi, & intima consolatione  
lætamini, quia vos totos solus ego po-  
stulo, & non est mecum Deus alienus.  
Quid enim dulcius vobis accidere po-  
test, quàm mei iuris, & regni esse, to-  
tisquæ visceribus adhærere mihi? Vti-

I ;

nam

nam verba hæc mea penetrarent animas vestras, & vos ad æternam cordis custodiam excitarent. Posui ego ex infinita bonitate erga hominem totum cor meum: æquum ergo erit, vt homo cor suum totum mihi reddat. Grati igitur estote, filij: & escam hanc suauissimam mihi afferte. Et ego, qui exigua munera non despicio, magnum sacrificium hoc odorabor, faciamque vt iugiter ardeat in altari meo. Et demum eius suauitate allectus attraham vos ad me ipsum, & recondam vos fidelissimos seruos meos, cordisque custodes, in thalamo, quem filia regum cupierunt, hoc est in penetralibus tetricissimi cordis mei.

## CAP. XII.

*Instruit tentatos.*

**F**ILII, oportet vos probari, si accepti estis Deo, vt ego in vobis glorificer, & vos maiori gloria coronemini. Aurum probatur in igne, & homo in camino tribulationis. Confortamini, & estote robusti, nec vlllo modo seruiatis Philistæis. Nō vos relinquā, vel patiar ten-

tiar tentari supra id, quod potestis: Sed faciam potius cum tentatione pronentum. Lætamini, cum exercemini multiplici colluctatione aduersus carnem, & sanguinem, & aduersus principes quoque tenebrarum harum: quoniam ego vobiscum sum, vt eruam vos de manu inimicorum vestrorum, qui salutem vestram vehementer insidiantur. Non est voluntatis meæ ruina hominis, neque vnquam suspirantes ad me deferui in tempore senectutis. Ego vici mundum. Ego Pontifex vester, vir dolorum, & sciens infirmitatem, cum pugnantibus pugno, & cum victoribus vinco. Beati eritis, si per omnia ad similitudinem meam tentemini, & patiamini foris pugnas, intus timores. Si enim sufferatis tentationem, & ego renes vestros, & cor vestrum exuram, eritis fælices tanquam filij excussorũ, qui timore & probatione mea prosperantur. Accipite mites corde consilium meum: quando tentatio vos multum angit, celeriter inuocate me, & sine ulla hæsitacione confidite, vos gratia



mea iuuante victuros. Clamate ad me fortiter, & in spem contra spem credite: & videbitis mirabilia, quæ operabor in medio vestri. Recordamini electi populi mei ad littus Rubri maris suspirantis, & Pharaonem propinquātem, cum mortis horrore, timentis. Ego increpui mare Rubrum, & exsiccatum est: & deduxi seruos meos in abyssis, sicut in deserto Nequē solum in angustia saluaui eos, propter gloriosissimum nomen meum; sed & in aliis euentibus, quando clamauerunt ad me, cū tribularentur, & de necessitatibus eorum eripui eos. Cauete filij diffidentiam, quæ pugnat cum dulcissima misericordia mea. Etiam si ad portas mortis accedatis, adhuc sperate in multitudine magnitudinis, & suauitate infinitæ bonitatis meæ: & habentes summum sacerdotem, qui penetrauit Cœlos, & interpellat pro vobis, exercete vestrę spei fortissimam, & solatio plenam confessionem. Contemnite minas mundi, & inferni, fundati supra firmam petram angularem, quæ ruinam non timet. Et infirmabūtur crura  
omnium

omnium regum Amorrhæorum, qui transitum vestrum in terram fidelissimæ promissionis impedire conantur. Pugnite pro æterna laude mea, & salute vestra: & ego coram vobis omnes inimicos vestros humiliabo.

## CAP. XIII.

*Hortatur ad considerationem mysterij Incarnationis.*

**A**MANT homines nouitatem, & rerum nouarum studio delectantur: & tamen cùm nouum fecerit Dominus super terram, quando foemina circumdedit virum, pauci sunt, qui nouum hoc, & mirabile mysterium dignè considerent. Non placet mihi filij mei obliuio hæc, & nimis dura ingratitude: quia & gloriæ meæ, & salutis, consolationique vestræ contraria est. Ego posui homines in dulcissimo memoriali nominis mei, vt illorum Deus nominarer: & cum in forma Dei essem, ex altitudine illa infinita descendi, vt factus homo, essem amantissimus frater, & amicus vester: quo certè beneficio vos conditione fragiles Angelicis

spiritibus anteposui. Nusquam enim Angelos apprehendi, sed semen Abrahamæ apprehendi, placuitque æterno Patri meo, ut vobis potius quam supremis creaturis assimilarer. Hoc est Verbum breuiatum, in quo habitat omnis plenitudo Diuinitatis corporaliter, ad inenarrabilem gloriam, & consolationem vestram; ut exultetis spe consortij mei tanquam primogeniti, & amantissimi fratris vestri. Quid timetis fratres mei dilectissimi, Verbum, quod erat in principio apud Deum, caro vestra factum est: quid superest, nisi, ut hospitio delectabili, habitet in vobis, tanquam in optatissima requie sua? Ego sum frater vester, filius hominis, sitim, & famem, calorē & frigus, & alia multa mala vestri causa passus: confidite, & diligite me: nequē enim fratribus meis quicquam negabo. Utinam agnosceretis dignitatem vestram, & mihi per omnia similes conuersatione vitæ efficeremini, casti, humiles, mites, misericordes, & celestium bonorum æstimatores. Habetis stimulum amoris, ex quo non horrui Virginis vterum, ut  
tanti

tanti mysterij non ignari, miremini, & dilatemini, & exultetis consortio Incarnationis meæ. Habet filia Sion Regē mansuetum, non in curribus, & equis gloriantem, sed benignitate, & misericordia magnum, diuitem in omnes, qui innocant illum. Accedite cum fiducia ad thronum gratiæ meæ, non formidantes Maiestatem Dei absconditi, & operti velamento humanitatis vestræ. Ego enim sum princeps pacis, faciens vtraque vnum, delens, quod aduersum vos erat chirographum decreti, dissoluens vincula colli vestri. Ego Emmanuel semper vobiscum in fædere amoris æterni permansurus, protegam vos; & (si me non respuatis) in omni aduersitate, & prosperitate habebo vos, tanquàm dulcissimos fratres meos.

## CAP. XIV.

*Hortatur ad æstimationem redemptionis.*

**C**ONSIDERATE filij, quæ moneo, & in cordis centro verba mea conseruate. Non bonis corruptibilibus, auro nempe, & argento

gento redempti estis de vana conuersatione paternæ hæreditatis vestræ, quam ex Adam accepistis: sed pretiosissimo sanguine Agni immaculati, qui dignus est, accipere Diuinitatis gloriam, & honorem, qui vero Deo, & Salvatore mundi debetur. Redemptio vestra, quam operatus sum in ligno, vbi, quæ non rapui, affluenter exsoluebam, lux sole clarior est, quæ ostendit infinitæ bonitatis, & misericordiæ magnitudinem: per quam commota sunt super labore vestro tenerrima viscera mea. Attendite filij mei, quæ legitis, & obstupescite super cōsilio antiquo, quod elegi, vt redimerem captiuos meos, & prædicarem vinctis libertatem filiorum Dei. Certè si semel adhæreret digna æstimatio sanguinis mei visceribus vestris, mirabiliter arderetis, atquæ combureremini viuo igne dulcissimi amoris mei. Quis enim non accendatur, & ardeat, quando considerat, me Altissimi filium, ad labores hominum descendisse, & per sudores, & labores, calceamentum diuinitatis (quæ caro humana est) ad Aethiopes, & Idu-

maos extendisse? Quis adeò durus corde sit, quem instrumenta passionis, & mortis filij Dei, non compungant? Petræ scissæ sunt, & monumenta aperta sunt, sol luxit, & obscuratus est, terra tremuit, & ætonita quieuit, dū cataractæ Cæli apertæ sunt & abyssus sanguinis mei decurrentis in terram, abyssum misericordiæ vobis tribuendæ (ex iustitia meritorum meorum) inuocauit è Cælo. Quis ex vobis sapiens, & in latibulo cordis custodiet hæc, & per experiētiam intelliget misericordias Domini? Utinam cogitaretis, quo pretio empti sitis, & quàm stricto iure, totum cor vestrum mihi debeatis: Vos per salutarem considerationem hanc, fructu redemptionis copiosè gauderetis & ego fructu laboris mei iucundissimè lætarer. Meditamini filij, grande mysterium hoc, & dilectā animam meam, quam pro vobis dedi in manus inimicorum eius, præ omnibus mundi thesauris, honoribus, & delectationibus æstimate. Et sicut cedrus, quæ in Libano est multiplicabimini: eritq; vobis quasi torrens voluptatis inæstimabilis redemptio mea. CAP.

## CAP. XV.

*Ostendit, suauē esse, seruire Deo.*

**Q**uid est, quod filij Adæ horrent  
verbum crucis, tanquam durum,  
& insuaue, & vnusquisque in viam suā  
declinauit? Me quasi durum Dominum  
sollicitē fugiunt, & principibus terræ  
seruire malunt. Mirum est, hoc. Cum e-  
nim solus ego æternam vitam, & ple-  
nam consolationem eis dare possim:  
per iustitię semitas ad montem Domi-  
ni ascendere recusant, & montes alios  
difficiliores superare conantur. Et  
enim solus mons Dei, mons bonorum  
omnium aggregatione coagulatus, &  
pinguis: vt quid ergo fingūt homines,  
montes alios coagulatos, cū difficul-  
tates mundi (etiā quando superātur)  
steriles sunt? Certē seruire Deo regna-  
re est: quocirca mirabile videtur, ho-  
mines regnandi cupidissimos; mihi  
seruire nolle. Nequē solummodò mi-  
randum est, quia regnare detrectant,  
sed etiam, quia infinitā suauitatem  
legis meę nequē requirunt, nequē co-  
gnoscent.



gnoscent. Profectò si in via Dei ambulassent, habitassent pacificè super terram, & cor, præ magnitudine lætitiæ dilatassent: sicut ille, qui ambulabat in latitudine, quia mandata mea totis viribus exquisiuit. Intelligite quæ dico filij, & saporem veritatis meæ, ipsa experientia gustate. Qui mihi fideliter seruit, bonæ conscientie lætitia exultat, & firmissima spe æternæ retributionis veriùs gaudet, quàm si totius mundi honores, diuitias, & voluptates possideret: Et interim dum laborat, & mala multa sustinet, secretis inspirationibus, & illuminationibus, eius infirmitatem corroboro. Ego doceo manus eius ad prælium, & singulos digitos ad bellum: vt sine timore de manu inimicorum suorum liberatus, constantissimè seruiat mihi. Dicit confidenter: Pone me iuxta te, & cuiusvis manus pugnet contra me. Maior lætitia, & suauitas percipitur in præliis sub vexillo meo, quàm in pace mundi, quæ in sola superficie hæret, nec lætitia cordis appellari potest. Hinc est, vt soli iusti verè lætentur,  
& exul-



& exultent, & verè glorientur soli recti corde. Hanc ergo prudentiam discite filij, nequè humanis consiliis acquiescere velitis. Tollite iugum meum suauissimum super vos; & sub hoc, pacem intimam pertingentem vsque ad medullas apprehendite. Letamini vos, qui prudenti coniectura colligitis, nomina vestra scripta esse in libro vitæ. Aperite sinus viscerum vestrorum, & cælestis consolationis aquam sitienter haurite. Fleant illi, qui remorsu conscientiae cruciantur, & per latam viam perditionis furibundè currunt. Ridete, & exultate vos, qui mihi seruire decreuistis; vos præsertim, qui reliquistis omnia, & sequuti estis me: quia in hac vita, cætuplùm accipietis, & cum gloriosissimo triumpho, & totius supernæ Ierusalem acclamatione, vitam æternam possidebitis.

## CAP. XVI.

*Ostendit, triste esse, peccato seruire.*

**N**ON est pax, & cordis lætitia impiis, qui faciunt peccatum, & proinde serui sunt peccati. Mæstissima est f-

est, filij charissimi seruitus hæc, quam homines magno pretio emere solent. Sollicitè quærunt gaudia, nec inueniunt: quale enim gaudium accidere possit ijs, qui in vmbra mortis sedent, & lumen Cæli non vident / Excæcauit illos malitia eorum, datique sunt in reprobum sensum: atquè ita cæci, & insani, per varia desideria, quasi arietes non inuenientes pascua, discurrunt. Sensus eorum, tanquàm paruuli rationis expertes, ducti sunt in captiuitatem, antè faciem dæmonis tribulantis: & ideo, vt captiui per eadem, per quæ peccant, puniuntur, stimulos conscientiz iam ibi sentientes, & cruciatum æternum præsentientes. Væ illis, qui rebelles fuerunt lumini, & disciplinã vitæ non receperunt. Attendite filij, quæ moneo. An putatis horrendum non esse, peccatorem hominem dum peccat mortaliter, certò scire, si in eo statu moriatur, vt facilè potest, se igne sempiterno torquendum esse? comedit, & bibit, & iocatur, quantum potest: sed parum potest, quia est post commissum peccatum, & in ipsis gaudiis il-

diis illicitis, dum peccat, ego immitto illi terrores conscientia, vt iustus appaream in sermonibus meis, & vincam cum iudicauero. Infelices homines, quasi timentes super se fluctus timent iram Dei, quem oderunt: & pondus eius ferre non possunt. Propter quod, velint nolint, ipsis operibus suis ostendunt se odisse lucem, & timore seruili perterritos à facie mea fugere, ac timere, sicut Cain, ne omnis qui inuenit illos, occidat eos. Ad omnem strepitum suspicantur se iam ad iudicium vocari, & sibi videntur, terribilem tubam audire. Mihi credite filij, omnes labores iustorum, omnes eorum persecutiones, ac tétationes, magna solatia sunt, si cum durissima peccati seruitute comparentur. Fugite seruitutem hanc, & vt ipsas inferni portas perhorrescite. Aspirate ad nobilissimam libertatem meam, vitæ meæ pretio partam: neque periculo tanto animas vestras, quas redemi, insipienter committatis. Viriliter agite, & confortetur cor vestrum, sustinete me præliantes prælium Domini pro tuenda li-

da libertate, quæ melior, & amabilior est super vitas. Et digni eritis, qui accipiat nomen nouum in amplissimo regno meo, quod nemo scit, nisi qui accipit. Vbi cum libera matre vestra, quæ fursum est cantabitis in æternum dulcissimas misericordias meas.

## CAP. XVII.

*Ostendit paucos saluos fieri, plurimosq; damnari.*

**A**RCTA est via, quæ ducit ad vitam, & pauci inueniunt eam, & si enim omnes illam inuenire possint, se ipsos tamen nimis amantes, spatiosam viam perditionis eligunt, nouissima sua considerare nolentes. Beati pauci illi, qui toto corde merequirunt, & breui angustia æternam consolationem operantur. Tristitia illorum vertetur in gaudium, quod non auferetur ab eis. Væ tamen illis, quorum numerus est, sicut arena, quæ iacet in littore maris, qui timore tentationum, & difficultatum victi, per latam viam gradiuntur, neque conantur in eo numero paucorum fortitù recenferi.

cenferi. Inimici sunt crucis meæ, sine qua falus eſſe non poteſt, quia ex ea falus mundi pependit. Querunt auidiſſimè quæ ſua ſunt, & dulciſſimam legem noui teſtamenti mei, præ membrorum lege, contemnunt. Honores, & voluptates, tanquàm tauri pingues, vehementer ſectantur: nequè diſciplinā meam aure cordis percipere volunt. Væ innumerabili genti peccatrici, populo graui iniquitate, ſemini nequam, filiis ſcleratis, qui ab alienati ſunt retrorſum, impingentes in vijs ſuis, & vuas acerbis bonorum temporalium comedere feſtinantes. Viæ ſupernæ Sion lucent, eo quòd non ſint, qui veniant ad æternum ſabbatiſmum, vbi gemitus, & dolor non erit amplius. Infernus dilatauit os ſuum, vt fortes, & pingues terræ deglutiret: innumerabilis enim populus deſcendit ad eum, Iuſti vero mei è multis millibus electi, rarò ſplendent in ſæculi huius nocte, vbi ſunt tenebræ palpabiles, ſimiles illis, quæ oppreſſerunt Aegyptios inimicos meos. Seminaui ego colonus terræ, verbum meum, & tantummodo

quar-

quarta pars, in corde bono, & optimo, fructum attulit in patientia. Nihil autem homines magis oderunt, quàm exercitia patientiæ: & propterea perdūt animas suas, quas in vera patientia possiderent. Stulti sunt valdè, non considerātes electorum signum esse, pressuram pati, cui succedit inæstimabile refrigerium, quod obliuioni tradit omnes mūdi pressuras, & dolores. Et enim mulier, cū parit, tristitiam habet, quia venit hora eius: statim autem ac peperit puerum, iam non meminit pressuræ, propter gaudium, quia natus est homo in mundum. Quale ergo gaudium erit, quod succedit, quia natus est homo in Cælum? Filij, audite me: conamini, & arctam viam, mundis pedibus incedere, & ad beatissimum numerum paucorum fortissimè suspiratè. Pro nihilo ducite, si ingrediatur putredo in ossibus vestris, & subter vos scateat, dummodo cum paucis electissimis ascendatis ad populum accinctum resurgētium, quorum formosissimis corporibus animæ gloriosæ cinguntur. Ne cadatis animo, quasi nimis arduum sit, in illo

in illo numero felicissimo comprehendī : si enim legitimè certetis (vt verè cum gratia mea valeatis) inter ipsa prælia latari, & firmissimæ spei motibus exultare potestis, aspirantes ad palmam, cuius suauissimis fructibus, mecum in cœna magna, sine fine fruemini.

## CAP. XVIII.

*Monet semper ad Deum pro auxilio recurrere.*

**F**ILII nullus status, nullus locus, in vita mortali est adeò securus, vt ad me in horas singulas, pro auxilio gratiæ meæ recurrere non debeatis. Nam qualis status securior, quàm Apostolatus? & tamen cùm ego duodecim elegerem, vnus ex eis diabolus effectus est. Qualis locus tutior, quàm paradysus, in quo posui hominem quem formaueram? & tamen Heua mater vestra respondit : serpens decepit me. Militiâ, sine induciis est vita hominis super terram : in qua & pusilli, & magni in multos errores, & peccata labuntur.

Propter

Propter quod caute filij, ne sitis fidentes in vobis ipsis, quasi in summo periculo non versemini. Vapor est vita vestra, ad modicum apparens, & vento quolibet exterminatur, & anima corpore fragilissimo inclusa, sit sibi metipso gravis; timereque debet instantem ruinam, ad quam sua fragilitas illam impellit. Orate ne intretis in temptationem, & cum hoc mundo damnemini. Multi sunt inter vos infirmi, & imbecilles, & sæpe dormiunt multi serui mei, euigilate, & stete succincti lumbos mentis vestre, ne fortè inopinata morte moriamini. Quærite me sollicitè: venite, & reuertimini, die nocteque pulsate: aduersarius enim vester, sine requie circuit, quærens quem audissimè deuoret. Facite vobis speculam, & insidias hostium vestrorum explorantes, intimis gemitibus, brachium meum implorate. Oculi quippe mei erunt aperti, & aures meæ erectæ, ad orationem eius, qui in tribulatione sua fortiter clamauerit ad me. Qui cecidit, clamet, & resurgat qui stat, videat ne, cadat, & misericordem animam



animam meam vespere, & mane, & meridie, pulsare non cesset. Ego nomine dulcissimo vocor, Adiutor in opportunitatibus, in tribulatione. Si ergo mala patimini, vel angustiamini; cor meum ci.ò pulsate, vt ex officio suo, in vestrum adiutorium intendat; & ad vos adiuuandos, hinnulorum more festinet. Recurrite ad me, & curram ego, vt vos eripiam à pressura vestra. Credite, vos non esse sufficientes, non solum mala vincere, sed ne cogitare aliquid piū ex vobis, quasi ex vobis, & spem vestram omnem in visceribus misericordix meæ collocate: Et fidelissimo adiutorio vobis preſto ero, & de manu odiētium liberabo. Si corde puro requisieritis me, ego capillos capitis vestri numerabo, ne vnus pereat: si transferitis per ignem, flamma nō lædet vestimenta vestra, & odor ignis non erit in vobis. Desiderium pauperum, inopiæ suæ cognitione clamantium exaudiam: & præparationem cordis eorum audiet propensissima ad preces humilium, auris mea.

## CAP. XIX.

*Hortatur ad zelum animarum.*

**P**ER IT mundus , ô filij, & infinitus  
est numerus stultorum per viâ per-  
ditionis velociter currentium : & non  
est qui doleat vicem pereuntium. Ego  
fudi sanguinem meum , vt educerem  
homines de lacu miseriæ , & de luto  
fecis, & statuerem supra firmam petrâ  
pedes eorum : & non est qui adimpleat  
ea, quæ desunt passionum mearum, in  
corpore meo, quod est Ecclesia. Nam  
de iis, qui foris sunt, mirum est, quanta  
sit obliuio, & alienatio mentis. Prin-  
ceps tenebrarum Satan circuit terram,  
& perambulat eam, quasi Dominus,  
gloriaturque, se innumerabiles popu-  
los prædari, & exiguum esse numerum  
eorum, qui salui fiunt. Et tamen multi  
serui mei, qui succurere possent paruu-  
lis petentibus panem, vel etiam iis, qui  
fame pereunt , & panē postulare ne-  
sciunt, non misereantur proximorum,  
quasi Deus non mandasset vnicuique  
de proximo suo: Quid dicam vobis ser-  
ui mei , qui ad misericordiam specta-

in sublimitate sermonis, aut in artificio, & sapientia hominum, sed in fortissima virtute Dei. Quomodo ergo sine Spiritu meo prophetatis, & effecti estis magistri prurientes auribus adulterantes eloquia casta mea? Quid est hoc? Quomodo audetis loqui in nomine meo, sectantes vanitatem humanę glorię, & quærentes hominibus placere? Diuinatis falsa, & profana multa sacris actionibus admiscetis: neque curatis quantum salutis operemini, sed quantum humanę laudis acquiratis. Væ vobis hypocritę: Væ vobis sepulchra dealbata qui conscientię foetore pleni estis? Deberetis esse contempiores mundi, & verbum sanum, ac irreprehensibile, vitę innocentia, euangelizare; & imitantes me, prius facere quàm docere. Dicitis, & non facitis; & vanitas vitę, ac humanę scientię vestrę debilitat prædicationem meam. Sollicitè acquiritis scientiam, quę inflat, vt ostentetis illam: parumque curatis charitatem meam, quę corda reformat, & ædificat. Per vos blasphematur sanctissimum nomen meum, quia

quia cū cognoueritis, quid agere debeat, vacatis gloriæ hominum, & commoditati vestræ. Vrbes magnas, & honorabilia pulpita quæritis, vt à nobilibus, cum laude audiamini: & populos derelictos, vbi plebs mea fame perit non adiuuatis. Nunquid talis est prædicatio, quam elegi? Nunquid spiritus Domini non venit super me, & euangelizare pauperibus misit me. Reuertimini ad cor filij mei, & castis cordibus, mundisq; labiis: purissima testimonia mea nūtiare. Quid vobis proderit sonitus laudis humanæ, quæ statim euanescit? An à me laudem maiorem, si fideles præcones mei fueritis, non accipietis? Ne seruiatis terræ principibus, sed mihi, à quo mercedem amplissimam recipietis. Narrate simpliciter, ac feruenter nomen meum fratribus meis: in medio Ecclesiæ, puris cordibus, laudate me. Gaudete libertate filiorum Dei, & salutem animarum, dū dies est, instanter operamini. Prædicare cum fiducia regnum meum, vbi reposita sunt vera gaudia vestra. Præliamini prælia Domini, & exemplo simul

in sublimitate sermonis, aut in artificio, & sapientia hominum, sed in fortissima virtute Dei. Quomodo ergo sine Spiritu meo prophetatis, & effecti estis magistri prurientes auribus adulterantes eloquia casta mea? Quid est hoc? Quomodo audetis loqui in nomine meo, sectantes vanitatem humanę glorię, & quærentes hominibus placere? Diuinatis falsa, & profana multa sacræ actionibus admiscetis: neque curatis quantum salutis operemini, sed quantum humanę laudis acquiratis. Væ vobis hypocritæ: Væ vobis sepulchra dealbata qui conscientię fœtore pleni estis? Deberetis esse contemptores mundi, & verbum sanum, ac irreprehensibile, vitę innocentia, euangelizare; & imitantes me, prius facere quàm docere. Dicitis, & non facitis; & vanitas vitę, ac humanę scientię vestrę debilitat prædicationem meam. Sollicitè acquiritis scientiam, quę inflat, vt ostentetis illam: parumque curatis charitatem meam, quę corda reformat, & ædificat. Per vos blasphematur sanctissimum nomen meum, quia

quia cū cognoueritis, quid agere debeat, vacatis gloriæ hominum, & commoditati vestræ. Vrbes magnas, & honorabilia pulpita quæritis, vt à nobilibus, cum laude audiamini: & populos derelictos, vbi plebs mea fame perit non adiuuatis. Nunquid talis est prædicatio, quam elegi? Nunquid spiritus Domini non venit super me, & euangelizare pauperibus misit me. Reuertimini ad eos filij mei, & castis cordibus, mundisque labiis: purissima testimonia mea nūtiare. Quid vobis proderit sonitus laudis humanæ, quæ statim euanescit? An à me laudem maiorem, si fideles præcones mei fueritis, non accipietis? Ne seruiatis terræ principibus, sed mihi, à quo mercedem amplissimam recipietis. Narrate simpliciter, ac feruenter nomen meum fratribus meis: in medio Ecclesiæ, puris cordibus, laudate me. Gaudete libertate filiorum Dei, & salutem animarum, dū dies est, instanter operamini. Prædicare cum fiducia regnum meum, vbi reposita sunt vera gaudia vestra. Præliamini prælia Domini, & exemplo simul



in sublimitate sermonis, aut in artificio, & sapientia hominum, sed in fortissima virtute Dei. Quomodo ergo sine Spiritu meo prophetatis, & effecti estis magistri prurientes auribus adulterantes eloquia casta mea? Quid est hoc? Quomodo audetis loqui in nomine meo, sectantes vanitatem humanę glorię, & quęrentes hominibus placere? Diuinatis falsa, & profana multa sacris actionibus admiscetis: neque curatis quantum salutis operemini, sed quantum humanę laudis acquiratis. **Væ** vobis hypocritę: **Væ** vobis sepulchra dealbata qui conscientię scetore pleni estis? Deberetis esse contemptores mundi, & verbum sanum, ac irreprehensibile, vitę innocentia, euangelizare; & imitantes me, prius facere quàm docere. Dicitis, & non facitis; & vanitas vitę, ac humanę scientię vestrę debilitat prædicationem meam. Sollicitè acquiritis scientiam, quę inflat, vt ostentetis illam: parumque curatis charitatem meam, quę corda reformat, & ædificat. Per vos blasphematur sanctissimum nomen meum, quia

quia cū cognoueritis, quid agere debeat, vacatis gloriæ hominum, & commoditati vestræ. Vrbes magnas, & honorabilia pulpita quæritis, vt à nobilibus, cum laude audiamini: & populos derelictos, vbi plebs mea fame perit non adiuuatis. Nunquid talis est prædicatio, quam elegi? Nunquid spiritus Domini non venit super me, & euangelizare pauperibus misit me. Reuertimini ad cor filij mei, & castis cordibus, mundisque labiis: purissima testimonia mea nūtiare. Quid vobis proderit sonitus laudis humanæ, quæ statim euanescit? An à me laudem maiorem, si fideles præcones mei fueritis, nō accipietis? Ne seruiatis terræ principibus, sed mihi, à quo mercedem amplissimam recipietis. Narrate simpliciter, ac feruenter nomen meum fratribus meis: in medio Ecclesiæ, puris cordibus, laudate me. Gaudete libertate filiorum Dei, & salutem animarum, dū dies est, instanter operamini. Prædicatē cum fiducia regnum meum, vbi reposita sunt vera gaudia vestra. Præliamini prælia Domini, & exemplo simul



in sublimitate sermonis, aut in artificio, & sapientia hominum, sed in fortissima virtute Dei. Quomodo ergo sine Spiritu meo prophetatis, & effecti estis magistri prurientes auribus adulterantes eloquia casta mea? Quid est hoc? Quomodo audetis loqui in nomine meo, sectantes vanitatem humanę glorię, & quęrentes hominibus placere? Diuinatis falsa, & profana multa sacris actionibus admiscetis: neque curatis quantum salutis operemini, sed quantum humanę laudis acquiratis. *Vx vobis hypocritę: Vx vobis sepulchra dealbata* qui conscientię fœtore pleni estis? Deberetis esse contemptores mundi, & verbum sanum, ac irreprehensibile, vitę innocentia, euangelizare; & imitantes me, prius facere quàm docere. Dicitis, & non facitis; & vanitas vitę, ac humanę scientię vestrę debilitat prædicationem meam. Sollicitę acquiritis scientiam, quę inflat, vt ostentetis illam: parumque curatis charitatem meam, quę corda reformat, & ædificat. Per vos blasphematur sanctissimum nomen meum, quia

quia cū cognoueritis, quid agere debeatis, vacatis gloriæ hominum, & commoditati vestræ. Vrbes magnas, & honorabilia pulpita quæritis, vt à nobilibus, cum laude audiamini: & populos derelictos, vbi plebs mea fame perit non adiuuatis. Nunquid talis est prædicatio, quam elegi? Nunquid spiritus Domini non venit super me, & euangelizare pauperibus misit me. Reuertimini ad cor filij mei, & castis cordibus, mundisque labiis: purissima testimonia mea nūtiare. Quid vobis proderit sonitus laudis humanæ, quæ statim euanescit? An à me laudem maiorem, si fideles præcones mei fueritis, non accipietis? Ne seruiatis terræ principibus, sed mihi, à quo mercedem amplissimam recipietis. Narrate simpliciter, ac feruenter nomen meum fratribus meis: in medio Ecclesiæ, puris cordibus, laudate me. Gaudete libertate filiorum Dei, & salutem animarum, dū dies est, instanter operamini. Prædicare cum fiducia regnum meum, vbi reposita sunt vera gaudia vestra. Præliamini prælia Domini, & exemplo simul

animam meam vespere, & mane, & meridie, pulsare non cesset. Ego nomine dulcissimo vocor, Adiutor in opportunitatibus, in tribulatione. Si ergo mala patimini, vel angustiamini; cor meum ci ò pulsate, vt ex officio suo, in vestrum adiutorium intendant; & ad vos adiuuandos, hinnulorum more festinet. Recurrite ad me, & curram ego, vt vos eripiam à pressura vestra. Credite, vos non esse sufficientes, non solum mala vincere, sed ne cogitare aliquid piū ex vobis, quasi ex vobis, & spem vestram omnem in visceribus misericordiarū mearū collocate: Et fidelissimo adiutorio vobis preſto ero, & de manu odiētium liberabo. Si corde puro requisieritis me, ego capillos capitis vestri numerabo, ne vnus pereat: si transferitis per ignem, flamma nō lædet vestimenta vestra, & odor ignis non erit in vobis. Desiderium pauperum, inopiæ suæ cognitione clamantium exaudiam: & præparationem cordis eorum audiet propensissima ad preces humilium, auris mea.

## CAP. XIX.

*Hortatur ad zelum animarum.*

**P**ERIT mundus , ô filij, & infinitus  
est numerus stultorum per viã per-  
ditionis velociter currentium : & non  
est qui doleat vicem pereuntium. Ego  
fudi sanguinem meum , vt educerem  
homines de lacu miseriæ , & de luto  
fœcis, & statuerem supra firmam petrã  
pedes eorum : & non est qui adimpleat  
ea, quæ defunt passionum mearum, in  
corpore meo, quod est Ecclesia. Nam  
de iis, qui foris sunt, mirum est, quanta  
sit obliuio, & alienatio mentis. Prin-  
ceps tenebrarum Satan circuit terram,  
& perambulat eam, quasi Dominus,  
gloriaturque, se innumerabiles popu-  
los prædari, & exiguum esse numerum  
eorum, qui salui fiunt. Et tamen multi  
serui mei, qui succurere possent paruu-  
lis petentibus panem, vel etiam iis, qui  
fame pereunt , & panẽ postulare ne-  
sciunt, non misereantur proximorum,  
quasi Deus non mandasset vnicuique  
de proximo suo: Quid dicam vobis ser-  
ui mei , qui ad misericordiam specta-  
culo

culo pleno doloris non mouemini? Quomodo non liquefiunt viscera vestra super fratribus vestris, qui à facie tempestatum famis deficiētes clamāt, Vbi est triticum, & vinum? Quomodo, qui zelum habere videmini, non festinatis ad pauperculos ignorantes viam Domini, vt dirigatis pedes eorum in viam pacis? Crudeles estis Adæ filij, qui tanta calamitate non mouemini ad salutem fratrum, per longas peregrinationes, & nauigationes quærendam. Festinate filij ad morientes adiuuādos, antequam expirēt, & claudatur ianua, extendite conatus vestros vsque ad alienigenas, & Tyrum, & populum Aethiopum: vt per vos, quos tabescere facit zelus meus, annuntietur annus redemptionis in vniuersa terra. Quod si talentum ad conuersionem animarum non habetis; rogate saltem feruentissimis suspiriis Dominum messis, vt mittat operarios multos in messem suam; vt sine zizaniis, congregetur purum triticum in horreum eius Beati eritis, si & vos fideles serui mei fueritis, & zelo domus meæ extimulati publicis, vel

*Pars Quarta.*

vel priuatis actionibus reduxeritis alios ad cultum, & amorem meum. Ego vos tenerrimè amabo: & quia fecistis rem hanc, nec vestrę commoditati, vel vitę pepercistis, multiplicabo filios vestros, & multa cum exultatione videbitis semen longæuum. Ego vos de prælio reuertentes amantissimè amplectar, vt in Ecclesia magna mea, sine fine mecum letemini, & bibatis de torrente infinitę voluptatis meę.

*CAP. XX.*

*Monet Prædicatores.*

**F**ILII charissimi, quos vocaui ad ministerium verbi mei, vt essetis initium aliquod creaturę spiritualis, cordis auribus audite me. Ego posui vos, vt fructum afferretis, & annuntiaretis verbum crucis quod est Iudeis scandalum, & Gentilibus stultitiā. Nam quia non cognouit mundus per sapientiam Deum, placuit mihi, per stultitiā prædicationis, saluos facere credētes. Misi vos, vt me crucifixum, doloribus, & opprobriis saturatum prædicaretis, nō

k 2 in su



in sublimitate sermonis, aut in artificio, & sapientia hominum, sed in fortissima virtute Dei. Quomodo ergo sine Spiritu meo prophetatis, & effecti estis magistri prurientes auribus adulterantes eloquia casta mea? Quid est hoc? Quomodo audetis loqui in nomine meo, sectantes vanitatem humanę glorię, & quærentes hominibus placere? Diuinatis falsa, & profana multa sacris actionibus admiscetis: neque curatis quantum salutis operemini, sed quantum humanę laudis acquiratis. Væ vobis hypocritę: Væ vobis sepulchra dealbata qui conscientię foetore pleni estis? Deberetis esse contemptores mundi, & verbum sanum, ac irreprehensibile, vitę innocentia, euangelizare; & imitantes me, prius facere quàm docere. Dicitis, & non facitis; & vanitas vitę, ac humanę scientię vestrę debilitat prædicationem meam. Sollicitè acquiritis scientiam, quę inflat, vt ostentetis illam: parumque curatis charitatem meam, quę corda reformat, & ædificat. Per vos blasphematur sanctissimum nomen meum, quia

quia cū cognoueritis, quid agere de-  
 beat, vacatis gloriæ hominum, &  
 commoditati vestræ. Vrbes magnas, &  
 honorabilia pulpita quæritis, vt à no-  
 bilibus, cum laude audiamini: & popu-  
 los derelictos, vbi plebs mea fame pe-  
 rit non adiuuatis. Nunquid talis est  
 prædicatio, quam elegi? Nunquid spi-  
 ritus Domini non venit super me, &  
 euangelizare pauperibus misit me. Re-  
 uertimini ad eos filij mei, & castis cor-  
 dibus, mundisque labiis: purissima te-  
 stimonia mea nūtiare. Quid vobis pro-  
 derit sonitus laudis humanæ, quæ sta-  
 tim euanescit? An à me laudem maio-  
 rē, si fideles præcones mei fueritis, nō  
 accipietis? Ne seruiatis terræ principi-  
 bus, sed mihi, à quo mercedem amplif-  
 simam recipietis. Narrate simpliciter,  
 ac feruenter nomen meum fratribus  
 meis: in medio Ecclesiæ, puris cordi-  
 bus, laudate me. Gaudete libertate fi-  
 liorum Dei, & salutem animarum, dū  
 dies est, instanter operamini. Prædica-  
 te cum fiducia regnum meum, vbi re-  
 posita sunt vera gaudia vestra. Prælia-  
 mini prælia Domini, & exemplo simul



ac verbo Urbis sanctæ ruinas reparate. Ego dabo verbū euangelizantibus virtute multa: vt mirabilia operemini, & post multiplicatam gentem, ad sedendum cum principibus terræ viuendum, victores ascendatis, & fruamini dulcissima pace mea.

## CAP. XXI.

*Hortatur omnes ad verbum Dei audiendum.*

**A**VDI Israel mandata vitæ: auri-  
bus percipe, vt scias prudentiam. Qui habetis corda ferrea, vel lapidea, percipite verbum meum, quo emollicimini. Qui habetis corda carnea audite sermones meos, & illustrabimini. Beati serui illi, quibus dulcescit verbum meum, quo nutriuntur, quasi lacte expresso ex vberibus meis. Erudiam eos secreta instructione suauissimi spiritus mei intus loquentis, & pacem dilectis meis nuntiantis. Non timebunt a timore nocturno tenebrarum interiorum, quia claritas Dei circumfulgebit

fulgebit illos. Non supplantabuntur gressus eorum, quia super omnia vincit veritas, & firmabitur in illis fortitudo verissimi sermonis mei. Propter quod, qui desideratis bonis cælestibus abundare, pace intima, filiorum Dei propria frui, & per vias rectas ad patriam paradisi perducì, Verbum Dei corporis, & cordis auribus frequenter audite, & virtuti Dei latenter operanti cedite. Cauete sæculi vanitatem, quæ opera bona corrumpit. Ne patiamini vos humana eloquentia, vel eruditione, vel nouitate seduci; vt prædicatores talia dicentes potius, quam idoneos verbi ministros, & veros seruos meos humanæ laudis contemptores audiatis. Quærite pietatem, & compunctionem: cælestia desideria pura intentione requirite. Verba simplicia, spiritu Dei plena, & ad conuertendas animas, casto zelo prolata diligite. Intermittite negotia temporalia, vt sine sollicitudine, & euagatione mentis, me per meos prædicatores loquentem, corde

K. †

prom-

promptissimo intelligatis. Aperite sinus omnes animarum vestrarum, ut impleantur fortissima, & suauissima virtute mea, & fiat in vobis humilibus seruis meis, mutatio dexteræ excelsi. Si volueritis, & in mansuetudine susceperitis insitum verbum meum, quod potest saluare, & ineffabili consolatione implere animas vestras, conuertam ego captiuitatem vestram, in charissimam libertatem, & luctum in choros lætantium, & exultantiū à magnitudine bonitatis, & iucunditate visitationis meæ. Væ mundo à scandalis: ex-catum est enim cor filiorum eius, & aures eorum aggrauatæ sunt, ut videntes non videant, & audientes non intelligāt verba vitæ. Certè sicut regnare patior hypocritam propter peccata populi: sic indignos prædicatores mūdo permitto. Vos ergo filij, qui supplicium hoc grande timetis, quærite magistros dignos, quorum doctrina pascamini, & crescatis in salutem. Egredimini, & abite post vestigia gregum vestrorum, & eos ad salutaria pascua ducite, vbi herbæ mortiferæ non proueniunt,

ueniunt. Hæc sit pia, & mihi accepta exercitatio vestra: cui ego fideliter respondebo, dulcissimo pastu, & aqua limpidiſſima reficiens animas vestras.

## CAP. XXII.

*Monet omnes homines, vt frequenter in Caeſtem patriam ſuſpirent.*

**T**RANSIT labor multitudinis ò filij mei, & ſine fine manet ſuauiſſima pax vnitatis. Sæpe mutantur, & denique auferentur omnia tabernacula Iacob: ſed in æternum ſtabit manſio altiffimæ Sion, quæ eſt habitatio mea, & chariſſima patria veſtra. Exiſtimate ergo filij, vos peregrinos eſſe ſuper terram ſpinas, & tribulos germinantem: & nullis bonis apparentibus cor veſtrum adhærere ſinentes, ad patriam veſtram perenniter ſuſpirate. Terra, quam calcatis, inimicorum veſtrorum regio eſt, vbi dolor, & gemitus, & mors per peccatum regnant. Quid igitur boni in ea colligere vultis? Nunquid colligūt de ſpinis vnas, aut de tribulis ficus? Vineæ aliena eſt, vbi nō valetis

K s

letis vindemiare nisi botros amarissimos. Beatus vir, quem erudierit Dominus, & de lege sua docuerit eum. Beatus, qui benè percepta eruditione mea, cognoscit calamitatem vitę præsentis, in quam per peccatum, & lachrymas, introiuit, & ad statum vitę beatę, quasi de profūdo aquarum multarum fortissimè clamat. Terra enim viuentium, ad quam per labores, & pressuras ascenditur, fertilissima est, & fructus dulcissimos habet. Ibi ver nouum æterno virore floret, & casta corda ciuium supernorum, sua amænitate lætificat. Ibi serenissima Coeli facies nullis nebulis offuscata resplendet. Ibi suaui valdè aura diuini spiritus mei viscera Iustorum exhilarat. Lætatur tota Ierusalem, & conuentum faciunt omnes, qui ardentissimè diligunt eam & & omnes mæstitias præteritas, infinita cōsolatione compensant. O charissimi filij mei, quàm inæstimabilia sunt gaudia mea: Surgite qui tristes iacetis, & in plateas Vrbis, quæ dicitur, Pacis visio cogitatione saltem ascendite, multisque affectibus amoris inter cho-  
ros

ros canentium conuersamini. Vtinam  
nomē Ciuitatis meæ exaretur non cer-  
tè stylo ferreo in plumbi lamina vel  
dura filice, sed in libro cordis vestri, di-  
gito spiritus mei, qui docet secretò in-  
ffabilia mysteria mea. Eleuate capita  
vestra filij Adę, & serenitatē Cęli, quod  
extēdi sicut pellem per intervalla sal-  
tem contemplantini, vt spiritus diri-  
gatur in atria mea, & amore feruentis-  
simo deficiat. Proijcite à vobis iugum  
seruitutis, qua sine requie laboratis: &  
ad privilegia domus meę innumerabi-  
libus cordis ascensionibus aspirate.  
Hęc sit perennis cogitatio, & sollici-  
tudo vestra, quę omnem mundi conso-  
lationē excludat, & corda clamātia, ex  
lōgo itinere fatigata, refrigeret. Aspi-  
citē è valle lachrymarum, verticē mō-  
tis sancti mei, & quasi pedibus ceruo-  
rum ad eius summitatem properate. Et  
ego vos currentes comitabor, & ge-  
nua trementia roborabo: & implebo  
viscera vestra torrente purissi-  
mæ voluptatis meæ.



QVINTA PARS  
VBI AGITVR DE IIS,  
quæ mouent ad amorem  
Dei.

CAP. I.

*Quantiponderis sit amor Dei.*

**P** RIMUM, & maximum  
mandatum dulcissimę le-  
gis, quæ est propria noui  
testamenti mei, in amore  
summo positum est. Ratio  
quippe postulat, charissimi filij, vt sũ-  
mum, & incommutabile bonum sum-  
mo amore diligatur. Quod si benè cõ-  
sideretis, apparebit oculis cordis vestri  
infinita dignitas Maiestatis meæ, im-  
mensa bonitas, & suauissima pulchri-  
tudo formæ Dei; quæ amorem fortis-  
simum excitabit. Inuenietis enim the-  
saurum diuinæ bonitatis absconditum  
in terra purissimę carnis meæ, & corda  
vestra tantæ consolationis magnitudi-  
ne conuicta cognoscent, inestimabiles  
esse diuitias amoris mei. Certè si scire-  
tis quanta sit diuinæ dilectionis altitu-  
do, la-

do, latitudo, profunditas, & longitudo; cito relinqueretis omnia mūdi bona, & pateremini omnia mala, vt Pacifici Regis, cuius vultum deprecantur omnes diuites plebis, amore inflammaremini. Per amorem infiniti decoris mei, accedit homo ad cor altū, cuius ascēſionibus exaltatur Deus. Amor meus melle dulcior, & auro obrizo pretiosior cor eleuat; vt arbitretur omnia, quasi ſtercora, & me ſolum vitam, & fortitudinem ſuam auidiſſimē lucrifaciat. Amor tanquam ignis, non comburens, ſed illuminans, figit in ſolo decore meo, deſideria cordis peregrini, atquē ſolliciti, faciem meam ſine fine requirentis. Beati amici mei, quorum totum opus dilectio eſt, quorū caſta corda nutrimento amoris alūtur: mirabili quippē transformatione mutabuntur in me. Ego ero tota illorū ſalus, & voluptas, nec patiar illos diuerſi ab amplexu meo. Erunt quaſi catuli leonis, quos dulciſſimo ſomno accubantes, nemo ſuſcitare audebit: ego enim præcipiam, ne ſuſcitentur donec ipſi velint. Vigilabit cor eorum dor-



mientium, æterna vigilia charitatis, sollicita præcordia ad amorem impellentis. Hæc est pars quærentium me, & vendentium omnia bona sua, pro primogenita dilectione mea. Propter quod, dilectissimi filij, non deberetis permittere somnum oculis vestris, & palpebris vestris dormitationem, donec inueniretis pretiosissimum amorem meum, multis laboribus exquisitum ad fabricam ferculi Salomonis; qui media ferculi, suauissima charitate cupit ornare, propter filias Ierusalem. Hæc meditamini filij, & totis visceribus corda vestra mihi præparate, ut amore vestro allectus, recliner in eis, tanquàm sponsus in thalamo suo.

## CAP. I I.

*De sapientia Christi.*

**P**ARVA illa sapientia, quam homines inter tenebras ignorantia, in scholis discunt, eos apud alios homines adeò mirabiles, & amabiles facit, ut eorum gratiam captare, & secum habere, etiam principes terræ curent. Quid ergo facere deberetis filij  
erga

erga me , in quo sunt omnes thesauri  
sapientiæ , & scientiæ Dei? Ego altissi-  
ma sapientia ab initio, & ante sæcula  
creata sum; intuituq; meo , omnia Dei  
opera, & omnia inenarrabilia Dei se-  
creta contemplor. Ego numero arenã  
maris, & multitudinem stellarum , &  
omnibus eis nomina voco. Ego nume-  
ro guttas aquæ maris , & profundum  
abyssi penetraui. Ego cum Patre , &  
spiritu meo feci Cœlos in intellectu:  
& certa lege, ac gyro maris vndas val-  
laui, ne transirent fines suos. Omnia  
composui, in numero, pondere, & mē-  
sura, vocans ea quæ non sunt, sicut ea,  
quæ sunt, lustrans omnia limpidissimis  
oculis meis. Ego comprehendo sapiē-  
tes in astutia sua; nequē est, qui se ab-  
scondat à conspectu meo. Ego abscon-  
do ineffabilia mysteria diuinitatis, &  
humanitatis meæ mundi sapientibus,  
& prudentibus; & reuelo incerta, &  
occulta mea paruulis , vt non glorie-  
tur coram me omnis caro. Beatus  
qui audit me , & vigilat ad fores  
meas quotidie, & obseruat ad postes  
ostij

ostij mei. Qui me inuenerit, inueniet  
immortalem, & dulcissimā vitam, &  
hauriet pretiosissimam salutem à Do-  
mino. Si ergo sapientiam æstimatis fi-  
lij, me sapientiam æternam totis viri-  
bus fortissimè diligite, & splendorem  
meum sole clariorem, suauitatemque  
meam omnibus mundi voluptatibus  
maiores, die, nocteque requirite. A-  
scēdite multis cordis erectionibus ad  
secretam scholam sapientiæ, vbi, cum  
mundi contemptu, gustetis saporem  
meū. Orate viriliter, & pulsate vt a-  
periantur oculi vestri, ad videndam lucē  
formosissimam, cuius comparatione,  
non splendent astra matutina. Sanctifi-  
camini, & estote parati, vt accedentes  
ad me illuminemini, & seraphicis flā-  
mis ardeatis. Interim verò, dum solo  
auditu accipitis famam sapientiæ, quæ  
omni thesauro amabiliore est, sinite vos  
trahi post me, & amoris gressibus ad  
me cupidissimè properate. Ego vos fi-  
deles seruos meos in abscondito doce-  
bo mirabilia magna, & implebo spiri-  
tu sapientiæ, & intellectus, casta & hu-  
milia corda vestra.

## CAP. III.

*De nobilitate Christi.*

**A**DORANT homines nobilitatem generis, incredibili eius amore capti, quasi splendor quidam humanæ conditionis sit. Gloriantur antiquitate paucorum dierum, & rebus gestis maiorum suorum ipsi superbiunt: & tamē ob solam hereditariam nobilitatem amantur, & in admiratione habentur. Si ergo cor hoministam facilē trahitur amore nobilitatis, quale consilium est, me qui sum ipsa nobilitas, non amare? Ego sum antiquus dierum, claritas ipsa, & candor lucis æternæ, quæ nullis nebulis obscurari potest. Sum altissimi filius, ante quem non est formatus Deus. Sum clarissimū Lumen de lumine, à quo splendor omnis creatus deriuatur, Nihil est in me, quod nō sit excelsum, & splēdidum: nihil, quod rege clarissimo non sit dignum. Nulla obscuritas, nulla culpæ nota, nulla reprehensio, vel in me, vel in operibus meis vnquam inuenta est. Non habeo ego insignia nobilitatis, qualia homines ex

nes ex leonibus, vel Aquilis assumunt, ut significant animorum magnitudinē vel fortitudinem: ego enim sum ipsa magnitudo, & fortitudo, quæ non ornatur extrinseco apparatu. Ego feci, ut oriretur in Cælis lumen indeficiens: Ego æthera firmaui sursum, & libraui fontes aquarum. Ego quando carnem vestram ē stirpe regia assumpsi, percussi sicut vulneratum superbum, mortem occidi, infernumque momordi. Ego eduxi vinctos de lacu, in quo non erat aqua, in sanguine noui testamenti mei: & portas æreas, vectesque ferreos in brachio excelso confregi. Ego alligauī fortem armatum, & spolia eius diripui: gloriosissimoque triumpho ascendens in altum captiuam duxi captiuitatē. Omnia opera mea, distincta saphiris quasi cælestibus signis, diuina nobilitate clarescunt. Considerate nūc filij, quā sim amabilis ex hoc capite nobilitatis, siue naturam diuinam, siue humanam, siue gesta mea contemmini: Ut mihi totis visceribus adhærere, & à me nunquam separari studiosissime curetis. Si feceritis quæ præcipio.

vobis

vobis accedentes ad me, illustrabimini  
cælesti nobilitate mea, quæ omnem  
infamiae indignitatem maculamque  
detergit. Induam vos purpura arden-  
tissimæ charitatis, & bysso purissimæ  
innocentiæ meæ: vt inter patritios Ie-  
rusalem, qui vestiuntur croceis, nume-  
remini, & ornatu regio honestati,  
splendoribusque sanctorum amicti, in  
aula Regis Pacifici, cui seruiunt omnia  
corda nobilia in cœlo, & in terra, al-  
tissimè conuersemini.

## CAP. IV.

*De liberalitate Christi.*

**C**ERTISSIMVM vobis est, Adæ fi-  
lij, in liberalitate principum,  
magnum pondus amoris esse. Non e-  
nim puro illorum intuitu, sed lucri aut  
commodi vestri respectu seruitis durā  
seruitutem Iam ergo, si lucra sectami-  
ni sicut mercatores, qui quærunt, quæ  
sua sunt; vel hac ipsa ratione dili-  
gite me, & mandata mea fidelissimè  
seruate. Ego enim sum Dominus v-  
niuersorum, cuius thesauri exhauri-  
ri non possunt. Meus est orbis ter-  
ræ, & plenitudo eius, recensui  
omnia



omnia volatilia Cæli, & fæcunditas agri mecum est. Ego facio pinguescere speciosa deserti, & campos repleri facio vbertate. Ego Altissimus diuido gētes, separoq; filios Adā: & assigno illis terrā in mensura, in funiculo distributionis. Omnia à me expectant, vt dem illis escam salutarem in tempore, & mittam optatam saturitatem in animas eorū. Et siue honor, siue vtilitas, siue voluptas requiratur, ego super omnes reges terræ, ditabo & delectabo, & honorificabo fideles amicos meos. Legite filij, attentè dulcissimas scripturas meas, & recolite suauissimum Euāgelium noui fæderis mei: & mirabimini liberalitatē Vnigeniti filij Dei, cum hominibus cōuersantis. Quis vnquā hominum rogauit me, super quo non commoueretur viscera mea: vt donarē quę postulauit, vel meliora quam sciret postulare? Curaui languidos eorum: mundaui leprosos eorū, suscitaui mortuos ipsorum: paui turbas populorum: & quod summum est, ad vnum suspirium dimisi grauißima debita peccatorum: quid ergo est, quod corda hominum nimis

auara

auara non capiuntur infinita liberalitate mea? Usquequo non benè sentient de me filij Adæ, & saltem ob munera Regem Ierusalem non amabunt? Ego subieci omnia sub pedibus vestris, vt nō, solum terra, sed & sol, luna, & cæli Coelorum, opera digitorum meorum, seruirent vobis, paratus, (si hæc parua vobis videantur) dare quoque maiora: quare ergo non mouemini muneribus, & diligitis amplissimas opes vestras? Filij mei, duri corde, resipiscite, & infinita liberalitate mea emolliri vos sinite: nam, & feræ hac lege mansuescerent. Sequimini me, & cultum magni nominis mei, fiduciæ principum mortalium anteponite: & ego faciā vobis in Israel domos absque tributo. Multiplicabitur hæreditas Domini: & cōfecto vitæ cursu, ascendetis ad me de terra deserta, diuitiis, & castissimis delitiis affluentes, onerati spoliis dulcissimæ charitatis meæ.

*CAP. V.**De Pulchritudine Christi.*

**E**XPERIMENTO cognouistis,  
charissimi filij, nihil esse amabi-  
lius



quandam admirabilem , qua efficaciter , & suauiter corda capit. Huic omnes principes terræ sponte seruiunt, etsi potentes, & fortes sint: quia fortior est pulchritudo. Cùm ergo ego Vnigenitus Dei decorem indutus sim , & nihil in me inueniri possit, quod amabilissimam, & infinita suauitate præstantem formam non deceat; mirum est, quomodo vniuersi homines me non ardentissimè diligant, & fortissimè adhæreat anima eorū post me. Sum candidus , & rubicundus, electus ex millibus & summis desideriis non solum à filiabus Ierusalem, sed à Virginibus Tyri expetitus , propter absolutissimum decorem , & honestatem meam. Filia Regum, in honore meo, me studiosissimè requirūt : & nobilior christiani populi pars, quæ puellis speciosissimis, & adolescentibus formâ elegantissimâ præditis constat, cum alto mundi contemptu, me secuta est. Nō enim solū forma Dei , qua spiritus beati , animæque gloriosæ capiuntur, sed forma hominis , quam pro vobis assumpsi , dulcissima pulchritudine, corda

corda casta suspendit, & omnem mundi gratiam contemptibilem facit. Si semel aspiceretis, filij, candorem purissimum corporis mei, quo vestri oculi corporei in ciuitate primogenita, delectandi sunt; dicto, citius, sperneretis omnem carnis venustatem, quæ filiis huius sæculi, super diuitias, & honores, amabilis, suauisque videtur, Omnia corda decor ille |vultus| mei, quæ reginæ cupierunt, emolliret & vel vno oculorum meorum viscera vestra vulnerarem. Cogitate si valetis Maiestatem meam, & staturam illam assimulatam palmæ, quæ eminet super choros Angelorū, dum filius hominis, speciosus forma, sedet à dexteris Dei. Extollite corda in spectaculum illud, quod post labores, & sudores inæstimabili cum voluptate, visuri estis, ut lætemini, & satiemini castissimis delitiis meis. Quid moramini, filij? curritis post me tracti ineffabili gratia, & suauitate mea? Detestamini consortia liarum Moab, & Sidoniarum connubia prohibita vitæ, diligite serenitatem Coeli, & formam meam candidissimam,

simam, & splendidissimam, qua nihil dulcius, & delectabilius cogitari potest, seraphicis ardoribus amate. Et ego Cælo serenior, & sole formosior, ero delitiosissima præda vestra.

## CAP. VI.

*De suauitate communicationis Christi.*

**S**UAUITAS conuersationis filij, charissimi, studiosissimè desiderari, & amari solet, & hæc ratio est, ob quam homines quantumuis deformes, in magno pretio habentur. Trahunt enim dulcedine mirabili alios, dum loquuntur, & cum eis versantur, quod experientia notissimum est. Si ergo hæc est hominum conditio, quid est, quod me, cuius conuersatio melle dulcior est, paucissimi filij Adæ requirunt? Ego mitissimè recipio omnes venientes ad me: & à sæculo non est auditum, quod aliquem mihi adhærere cupientem repellerem, vel importunitate molestarer. Ego cum infinita lenitate tracto, quos recepi, & illos benignissimè recreo. Ego dum loquor eis ad cor statuo procellas eorum in auram, & tristitiam omnem

omnem conuerto in intima, & purissima gaudia mea. Diffusa est enim gratia in labiis meis, quorum melle, & lacte arida quoque ossa rigantur, & penè mortua, lætissima viuificatione resurgunt. Ego fessis labore amicis meis pono læuam sub capite inclinato, & circumducta dextera amantissimè amplector illos, vt humiles, & pauperculos adstringam visceribus meis. Vtinam homines scaperent, & intelligerēt magnitudinem dulcedinis, quæ percipitur in secreta communicatione mea. Certè nollent amicos alios, vel consanguineos habere: sed toto corde suo, suspirarent ad me, omnisque illorum sollicitudo esset, ne fortè proijcerem eos à formosissima facie, & dulcissima conuersatione mea. Interrogate filij, eos qui vel semel tantū mecū conuersati sunt in secreto meo; & videbitis, quibus flammis ardeant, & quoties aspirent, ad prægustatam consolationē, cuius comparatione, omnia mundi delectamenta vilescunt. Vno enim verbo, soleo ego animarum perturbationem inferno similem sedare; vnoque

L

similiter

similiter verbo multorū annorū prefuras abundanter compenso. Vox dilecti viscera dilatat, & cælesti delectatione replet. Iam ergo filij mei, respuite hominum cōmunicationem, & Altissimo filio totis visceribus intentissimè vacate. Quærite lectulum Salomonis, & domum odoratam, cuius tigna sunt cedrina, & laquearia cypressina: & spretis hominum oblectamentis, diligite me, & percipite, clauso cubiculo, purissimas delicias absconditæ amicitiaæ meæ.

## CAP. VII.

*De amore Christi erga homines.*

**T**ANTA est, filij charissimi, magnitudo amoris mei erga vos, ut hac lola potens sit ad corda ferrea mollienda. In charitate perpetua dilexi vos, usque in finem, ita ut amor non posset ultra procedere. Dedi pro vobis, factus Redemptor, & frater vester, omnē substantiam domus meæ: & quasi nihil despexi eam, quando in ciuitate regia, & sacerdotali, operatus sum pretiosissimā salutem vestram. Beatus qui intelligit diuitias charitatis meæ,  
quia

quia cognoscens se amore meo gratis  
præuentum, in lachrymas dilectionis  
resoluetur à fortitudine caloris mei.  
Dicite mihi filij, quantus amor fuit il-  
le, qui me è sinu Clementissimi Patris  
mei ad rusticitatem vestram descende-  
re fecit, vt essem tanquàm malus dul-  
cissimi fructus, inter acerba ligna syl-  
uarum? Quis vnquam audiuit talia, vt  
altissimus Dei filius, cuius aspectu sol  
obscuratur, & à cuius magnitudine Se-  
raphim velant facies suas, fieret sacer-  
dos hominum, secundū ordinem Mel-  
chisedech? Quis ab initio mundi cogi-  
tasset ardores æternos, quibus arserūt  
viscera misericordiæ Dei vestri, in  
quibus visitauit vos oriens ex alto? Vt-  
quequò non mitescent filij mei, infide-  
lia corda vestra? Postulate quicquid  
honestū est, si amor meus, quē tot labo-  
ribus, & muneribus ostēdi, nō emollic  
animas vestras, quid enim negabitur  
vobis, pro quibus Vnigenitus Dei fili-  
us homo, & amicus hominis factus  
est? Quomodo obscuratum est au-  
rum puri amoris mei, qui iam  
non inuenitur in terra, quam dedi



filiis hominum, qui recesserunt à me? Fuerunt olim multi chori canentium canticum Regis Pacifici, & cupiētium fortissimè adhærere mihi ligati funibus prioris charitatis meę: Nunc verò, rarò valdè, vnus è multis millibus requirit, vt par esset, formosissimam lucem, & suauissimam præsentiam meā. Ego vos deformes, abiectos, & ingratos amavi, & pro vobis sacrificauī dilectam animam meā: quare ergo, me decorum supra omnem mundi pulchritudinem; excelsissimum supra omnem mundi gloriam, humanissimum supra omnem mundi mundanorum Regum clementiam, non amatis? Conuertimini, saltem nunc ad me, & deposita cordis feritate mitescite: vt amor, qui omnia vincit, pectora vestra hucusq; frigida, & obdurata, vitali calore dulcissimi spiritus mei, & inæstimabili delectatione commoueat.

## CAP. VIII.

*De amoris munere, quod est Beatissima Virgo.*

**D**URI nimis estis Adæ filij, si filia Sion,

Sion, & prudentissima Virgo, quæ genuit me, ad amorem meum, nō inflammat pectora vestra. Quid enim non donavi vobis, quādo speciosam sicut columbā, & formosam sicut Ierusalē cōstitui mitissimam Reginam, & matrem vestram? Cādor ille purissimus, in quo lucet innocentia mea, quale saxum nō emolliat? Aspiciat Coeli Dominam, rubentem super flores rosarum, candidamque super lilia conuallium, & admiramini pulchritudinem illam, quæ totius vrbs sanctæ corda delectat, & quasi fluminis impetus latificat ciuitatem Dei. Et considerantes vos esse adoptatos in charissimos filios eius, & dilectissimos fratres meos, amare ac desiderare me tandem incipite. An oculi illi misericordes, ad labores vestros semper conuersi, purissima castitate, & amoris suauitate præstantes, animas vestras non commoueant, & ad auctorem tantiboni nō cōuertant? Ascendite ad me per scalam istam dulcissimæ charitatis gradibus constructam: vt mihi per illam conciliemini. Considerate quantum apud Regem Salo-



monem gratia valeat niue cādidior eius genitrix, quę astitit à dextris eius in vestitu deaurato: & tam ineffabilē decorē, totis visceribus, medullisque diligite. Hęc est mater nostra, dicite, per quam accessum habemus ad primogenitum filium eius. Ascendamus in palmam, & colligamus suauissimū fructū, quo nutriamur, & exulemus à botris infinitę consolationis eius. Odorami-  
ni filij mei, cinnamomum, & balsamū, cuius odore delectemini, & ad puros amoris mei affectus afficiamini, tracti catena dilectionis, è Regina Sion pulchritudine nascentis. Si tenerrimę genitricis meę forma capiamini, per eā similitudinem introducemini ad diuinum decorem meum, in cuius aspectu luminaria Coeli magna tenebescunt. Beati eritis filij, si filiam principis, per plateam Ierusalem, incessu graui gradientem, post quam multa millia Virginum lilia gestantium Regi afferuntur, contemplari, & amabilissima eius gratia trahi curetis. Ibi enim me tanquā in speculo purissimo lucentem videbitis: & (quod à vobis posco) cha-  
ritatis

ritatis meæ iaculis vulnerati amabitis,  
& ardebitis inextinguibili, ac dulcissi-  
mo incendio castissimi amoris mei.

## C A P. I X.

*De perfecto Discipulo Christi.*

**I**LLE perfectus meus discipulus est,  
charissimi filij, qui abnegato pro-  
prio iudicio, nihil se scire existimans,  
mitissimo corde versatur in schola  
mea, audiens quid loquatur in ipso  
Dominus Deus, & certò cōfidens, quia  
loquetur pacem in plebem suam. Non  
disputat, nec speculatur; sed pro omni  
ratione fortissima, sufficit ei voluntas  
mea, in cuius executione, disciplina  
pacis posita est. Non ratiocinatur, nisi  
quod necessarium est, donec agnoscat  
quid velim ego: & statim redigit in  
captiuitatem intellectum, omnem sa-  
pientiam suam constituens in simplici  
adimpletione dulcissimi mandati  
mei. Sic ego, amore infinito, pro-  
tego eum, & per terram desertam  
deduco, quemadmodum deduxi, fi-

cut ouem Ioseph. Nequē desiderari potest maior prudentia in homine, qui ignorat an odio vel amore dignus sit, & nescit finem suum; quā humiliter audire me, neque rationem mandatorum meorum requirere, sed fidelissima obedientia obtemperare mihi. Ego enim erudio casta, & humilia corda, tanquam singulorum pēdagogus. Constituit quippe me clementissimus Pater meus dominum domus suæ: ut erudirem non solum principes terræ, sicut memetipsum, verum etiam ut iuuenes, & senes eius, pauperes, & abiectos eius prudentiam docerem. Beatus cuius Deus adiutor, & magister est: iactabit enim pondus suum in eum, & confidet, quasi leo, ac viam mandatorum meorum, pace multa, percurrent. Abijcite ergo filij doctrinas hominū, quæ ad æternitatem non proficiunt: & instructionem meam toto corde percipite. Vacate, & videte, quā suauis sit dilectio, & sapientia mea: & ad prudentiam iustorum discendam, furtiuis horis, vos mundo subtrahite, eiusque negotiatores, pia fictione seducite. Ego ve-

go veniam citò, rationem ponere cum  
 feruis meis : & sededo conflans, & e-  
 mundans argentum, purgaboque filios  
 Leni, quorum hæreditas, studium æter-  
 ni, ac summi boni, & melle dulcior di-  
 lectio est. Præcingite lumbos purissi-  
 ma castitate, & lucernas accensas cor-  
 dis vigiliatēnentes, estote parati oc-  
 currere mihi: & recipietis coronas cā-  
 didissima luce splendentes, vt inter  
 principes terræ viuentium honoremi-  
 ni, sedebitis mecum ad lautissimam, &  
 dulcissimis epulis instructam mensam  
 meam: & dabitur vobis à labore mor-  
 talitatis requiescere, in delitiosissimo  
 thalamo sempiterni amoris mei..

EPISTOLA PRO VE-  
 RO AC PVRO DEI AMORE  
 IMPETRANDO.

PACIFICO REGI COR-  
 dium Iesu Christo exul homo. S.

**M**ITISSIME & amantissime Iesu  
 Christe, qui cordium regnum, fa-  
 ctus homo comparasti nō ferro, sed ligno.  
 Scio quid à me iure strictissimo requiras  
 per legem immaculatam, & conuertentē  
 L s animas

animas, propriam noui, & æterni testamē-  
ti tui. Postulas enim primo, ac dulcissimo  
mandato legis tuæ, vt diligam te, ex toto  
cōde, tota mente, tota anima, ex tota for-  
titudine mea: omnes quippè vires meę de-  
bētur infinitæ bonitati, & decori tuo. Be-  
ne est, ô fili Dei Altissimi, vt vinculis cha-  
ritatis, & funiculis Adam, velis astringere  
me creaturam tuam, inter filios alienos,  
tuis inspirationibus tam sæpe rebellem.  
Nūc autem magni mandati tui desiderio  
ductus, & cordis mei ad peregrinas volu-  
ptates inclinati fragilitatem cognoscens,  
prosterno me tibi in Ecclesia tua, & pulso  
magnam misericordiam tuam, vt hyssopo  
asperfus, mundus, & super niuem dealba-  
tus, charitatis gressibus, & brachiis se-  
quar, & amplectar te. Recordare dulcissi-  
me fili Dei, cui suspirant viscera mea, me  
vnū esse de paruulis, qui ducti sunt in ca-  
ptiuitatem, ante faciem tribulantis, & te  
Redemptorem esse, cuius est soluere com-  
peditos. Oro igitur, ô mansuetissime, sol-  
ue me. De profundis cordis mei ô benignis-  
simè clamo ad te, vt hominem de immun-  
do conceptū semine, mundum facias: nec  
finas in amoris causa seduci, & pro sūmo  
decore tuo, mundi decorē apparentē affe-  
ctare. Sollicitum cor meum, tibi soli pa-  
teat cōditori suo: & tu, qui solus es omne  
bonum,

bonū, expleas omnes sinus eius & in æternum domineris illi. Animaduerto, ô fili Dei formosissime, præsentī & fallaci carnis gratia, vehementer affici parum castos sensus meos, & ad amabilissimam formā tuam, quod absens sit, lentē nimis aspirare, ardentissimē igitur obsecro te suauissime Deus, per cor fidelissimum intemeratę matris tuę, vt auferas à me amorem vanissimum corporeę pulchritudinis, & me totum transferas ad purissimum amorem decoris tui. O serenissime candor cordis mei, ne proijcias me à facietua: & à fallaci creaturę gratia, vt pupillam oculi custodi me. Sordeat mihi, rogo te, figurā mundi, quę præterit, & post immortalē pulchritudinem tuam, in odorem vnguentorum tuorum, trahe me. Illabere, precor te, in penetralia cordis mei: & imprime mihi seruo tuo dulcissimam, atque lætissimam formam tuam. O pulchritudo maiestate plena, quę amorem immensum in corda tibi patentia infundis, tantummodò in ista voce exaudi me. Ne patiaris, ô suauissime spōse animę meę, cor meū, quod nō valet inuenire pascua sua æterna fame torqueri: sed dū in exilio versor, doce me viā rectā, quę perducatur in optatissimā requiē formę tuę, vt pascam dulcissimo pascu præsentię tuę. Auerte oculos meos,

ne videant vanitatem filiarum Madian,  
quæ me diuertunt à perpetua recordatio-  
ne formosissimi vultus tui, cui filia Sion  
purpura vestitæ consecrarunt præcordia  
sua: & redime me à calūniis, & fraudibus  
filiorum Adæ, qui verum Deum meū cum  
diis alienis tristi mercatura cōmutant. Tu  
solus ductor meus, & custos cordis mei sis:  
vt exardescā siti solius bonitatis, & deco-  
ris tui, & fortiter repellā quicquid obstat  
sincerissimo amorī tuo. Illustra faciē tuā  
super cor anxium serui tui: vt capiatur spe-  
cie tua, & pulchritudine tua, quam corda  
casta requirunt. Ne repellas, Altissime De-  
us cordis mei, animam meam satagētē, &  
acutissimis gemitibus, cēlos tuos penetra-  
re conantem ne fortē, virtute eius deficiē-  
te, fœdus ineat cum Chaldæis, & obliui-  
scatur dulcissimam Ierusalē, quam requi-  
ro. O vitalissima fortitudo animæ meæ, ne  
contemnas cupientem adhærere tibi, & a-  
moris æterni tui facibus inflāmari: & im-  
molabo tibi primogenita suspiria mea, &  
adhæsurā tibi semper viscera mea. Accela-  
ra, precor te, ô pretiosissima hæreditas, &  
præda mea, & sensus meos visco carnis im-  
peditos erue citò de luto fœcis: vt impol-  
luti affectibus exquirant te melle dulcio-  
rē pastum suum. & expectatissimam con-  
solationem suā. Libera me iam de sangui-  
nibus,



nibus, amabilissime Deus salutis meæ, & spiritū rectum, & castum puri amoris tui, innoua in visceribus meis: vt stāte hoc austro tuo creer, & renouetur facies aridæ terræ meæ. O sapientia, quæ ex ore Altissimi prodijsti, cuius inæstimabili suauitate dura corda liquecunt: influe, oro te, in sicca nimis ossa mea, & liquefac intimas, & tibi soli notas medullas meas. Per amoris fœdera, quæ fidelissimè seruas, nobilissime Rex Sion, montis sancti tui, obsecro te, fac me seruū emptitiū, aut bello captū tenerrimi cordis tui: vt perenniter seruiam tibi, & libera seruitute dilectionis, requiram infinitam bonitatem, & serenissimā faciem tuam Tibi dixit cor meum: exquisiuit te facies mea, faciem tuam Domine requiram. Quocirca, rogo te, ô speciosissime formā præ filiis hominū, numeres me in generatione casta quærentiū Deū, quærentiū faciē splēdidissimā Dei Iacob. Vre, tibi supplico, ô amantissimè fili Dei, renes meos, & cor meū igne tuo, & repurga à fœcibus animam meam. vt sine consorte villo, possideas lacte ablutam prædam tuā. Curre velociter, ô hinnule ceruorū, & expetita valde salus mea: & eripe me de manu filiorum alienorum, à studio diuini amoris tui alienare quærentium animam meam: & fac, vt in concilio iustorū, & cō-



gregatione, reddam tibi primitias cordis mei. Inclina cor meum præsentiæ tuæ: cupidissimum in desiderabilia super aurum, & examinata sicut argentum, ac dulciora super mel & fauum testimonia tua, & fac me diligere amore prægnantem, & immaculatam legem dulcissimæ charitatis tuæ. Perfusa hortum meum, cuius flores languet, spiritu vitali tuo: ut fluant aromata illius, præ subitanea liquefactione suauissimæ dilectionis tuæ. Convertere aliquantulum, ô purissimum speculum vultus mei, & fac mihi copiam voluptate plenâ præsentiæ tuæ: & in ara cordis mei, quæ fumat tibi, incensamus fædus sempiternum honestissimæ, ac delectatione diuitis dexteræ tuæ. Emitte formosam valdè manum tuâ de alto, ut sollicitet, amoris stimulo, viscera mea: & fac, ut exul fleam, & suspirem ad patriam meâ, & redire curem ad te, optatissimam & pretiosissimam libertatē meâ. Considera, oro te, ô immensa opulentia mea, egestatem animæ meæ, modicam aquam pretio comparantis, & in deserto, ubi non est charitatis habitatio per loca horrida aberrantis: & refrigera linguam meam, ac deduc me in ciuitatem habitationis, quæ construitur æterna dilectione tua. Cesset iâ ô, mansuetissime, indignatio tua, ad quam te prouocauit ingratitude mea: quiescat ira dulcissimi cordis tui, ubi

nidū inuenire cupit hæc vaga colūba animæ meę: & vocabo te summā cōsolationē meā, & spōsū electissimū, cui reddā coniugale debitum cordis mei. Certior factus sum de fidelissimo erga me, amore tuo Vnigenite fili Dei: & ideo, non tām quæro, vt ames, quā vt ardētissimē ameris à me ingratisimo seruo tuo, quē à dura captiuitate redemisti pretio magno nobilissimi sanguinis tui. Seda, precor, iā multis procellis passionum, & tētationum agitatam animam meam, qui circundas mare terminis, ponisq̃ue vectes, & ostia dicens: Hucusque venies, nec procedes ampliùs, & hic cōfringes tumentes fluctus tuos. Et per breuem saltem requiem, omnib⁹ viribus meis conuenientibus in vnum, validissimē amabo te suauissimum Deum meum, & è multis millibus electum amicum meum. Faciamus iam pactum dilectionis permāsuræ, ô fortissime: vt sicut charitate perperua dilexisti, & attraxisti me, ita ego dilectione perēni requirā, & attrahā te infinitū decorē meū. In genera mihi celeriter ô amator inuictissime, magnitudinē cordis amæna, & amabilia omnia respuentis, propter te: vt exultē, sicut gigas, ad currēdā viā, donec requiescā in te. Arma me, ô robustissime, virib⁹ amoris tui omnia ad se trahētis, & lapidea corda, in carnea conuertem-

uertentis. vt fortis fiam fortitudine tua,  
 & fiam misericors à teneritudine, & suauitate tua. Confla me, ô sapientissime, quasi aurû, & scoriâ veteris Adæ patris mei, cōsume igne sapiētiae tuæ: quæ mirabili mixture pascit incendium tuû, flumine viuo, cum impetu decutrēte è penetralibus dulcissimi cordis tui. Insculpe, ô potētissime, duro nimis cordi meo, elegātissimā, & sereno Cælo simillimā præsentiā tuā, additis quoque multis vulneribus per iacula charitatis tuæ: & largo potu dulcedinis tuæ, recrea iam læsa, & tibi suspirantia viscera mea Deterge, ô serenissime nebulas oculorum meorum in sæculi nocte caligātium, nec lucem formosissimā vultus tui videre valentium, vt capiar decore tuo, & sempiternis ardoribus exquiram nobilissimā formā tuā. Hæc sit iugis meditatio & exercitatio mea. Hæc sit secreta prudētia, & fortitudo mea Hic sit potus, & esca mea, & nutrimentū cordis mei. Legge amanter, ô amabilissime candor lucis æternæ, hæc vota, & suspiria mea, quæ in atriis domus tuæ, & in medio suauissimæ Ierusalem, sacrificauit tibi: & excita seraphicos affectus in auidissimo decoris tui corde meo: Vt nihil vnquam quæram nisi placere tibi, & adhærere dulcissimæ animæ tuæ. Vale.

INDEX

# I N D E X

MATERIARVM,  
QVAE CONTINENTVR IN

HOC OPERE SIMVL-

que Capitum.

A

**A**d Affectuum abnegationem hortatur Iesus Christus. p. 1. cap. 1. fol. 107  
Ambitionem honoris fugiendam monet. p. 1. cap. 17. 38

Amicitiam hominum declinandam docet. p. 1. cap. 14. 33

Amor Dei quanti sit ponderis p. 5. cap. 1. 228

Ad Amorem Dei hortatur. p. 2. cap. 5. 63

Ad Amorem proximi hortatur. p. 2. cap. 7. 68

Ad Auaritia odium hortatur. p. 1. cap. 18. 40

C

Ad **C**astitatem hortatur Iesus Christus p. 2. cap. 9. 72

In Caustem patriam frequenter Iussirare homines monet. p. 4. cap. 22. 225

Christi amor erga homines p. 5. cap. 7. 204

Christi amoris munus, quod est Beatissima Virgo. p. 5. cap. 8. 206

Christi communicationis suauitas p. 5. cap. 6. 240

Christi liberalitas p. 5. cap. 4. 235

Christi nobilitas. p. 5. cap. 3. 233

Christi Pulchritudo. p. 5. cap. 5 237

Christi

# I N D E X.

Christi sapientia. p. 5. cap. 2.	230
Ad Communionem sacram hortatur. p. 3. cap. 2.	126
Compunctionem cordis monet. p. 1. cap. 24.	50
Ad Considerationem vite sue hortatur Iesus Christus. p. 3. cap. 19.	151
Contemplationem diuinarum perfectionum monet. p. 3. cap. 20.	152
Ad Conuersionem perfectam hortatur. p. 1. ca. 25.	551
Ad Cordis custodiam <u>hortatur. p. 4. c. II.</u>	<u>196</u>

## D

Ad <b>D</b> esiderium summi boni hortatur Iesus Christus. p. 3. cap. 25.	166
Ad Deum pro auxilio recurrere <u>monet. p. 4. ca. 18.</u>	<u>214</u>
Diei primam partem orationi assignare hortatur. p. 3. cap. 5.	117
<u>Ad diligentiam hortatur. p. 2. cap. 19.</u>	<u>94</u>
Discipulus Christi perfectus. p. 5. cap. 9.	247
Dimittes seculum hortatur. p. 4. cap. 2.	191

## E

Ad <b>A</b> etatem primam per veras virtutes Deo consecrandam monet Christus. p. 2.	56
---	----

## F

Ad <b>F</b> idei exercitium hortatur Iesus Christus. cap. 3. p. 2.	57
Ad Fortitudinem hortatur. p. 2. cap. 15.	84
Gloria	

# I N D E X

## G

**G**loria magnitudinem ponderat Iesus  
Christus p.1.cap.9. 24

In nullo bono gloriandum esse ostēdit p.3.cap.

23.

161

Ad Gratiā humiliter occultandam hortatur.p.3.cap. 22. 158

Ad Gratiitudinem hortatur.p.2.cap.14. 82

Gula vitium fugiendum docet.p.1.cap.16. 36

## H

Ad **H**umilitatem hortatur Iesus Christus.p.2.cap.11 75

## I

Ad **I**ncarnationis mysterij considerationem hortatur Iesus Christus.p.4.c.13.201

De Ingratitudine hominum conqueritur.p. 1.cap.6. 19

Ad Iniuriarum tolerantiam, & remissionem hortatur p.3.cap.11. 131

Inspirationibus diuinis respondere monet p.3. cap. 2.109 (p.3.cap.3.112)

Intentionis puritatem in bonis operibus monet.

Judicij timorem monet p.1.cap.22. 46

Ad Iustitiam hortatur.p.2.cap.16. 87

Iustos ad palmam celeriter currere docet. cap 4. 55

Iustorum & impiorum discrimē ostēdit p.3. 143 1

## M

Ad **M**agistrū vitæ spirituales aca. Idum hortatur Iesus Christus.p.3.ca.

# I N D E X

*Ad Magnanimitatem hortatur. p. 2. c. 20* 96

*Ad Mansuetudinem hortatur. p. 2. cap. 12* 78

*Ad Misericordiae officia hortatur. p. 3. cap. 10.*

129

*Mortem Iusti describit. p. 3. cap. 17.* 146

*Mortem peccatoris describit p. 3. cap. 18* 149

*Ad Mortificationem sensuum hortatur. p. 1.*

cap. 20

43

*Mortis memoriam monet. p. 1. cap. 21* 45

N

**N**atura, & gratia motus diuersos docet

Iesus Christus. p. 3. cap. 13 136

*Negotiorum multitudinem diffundit p. 1. cap.*

12

29

*Negotiosos homines admonet. p. 4. cap. 10* 193

O

**O**bedientiam hortatur Iesus Christus

p. 2. cap. 8.

70

*Oblitamenta varia respuenda docet. p. 1. cap.*

15.

34

*Oblitioni omnia tradere docet, ut sola Dei*

*memoria remaneat p. 4. cap. 1.* 169

*Oculos mentis, initio cursus, in aternitatem ef-*

*se dirigendos, docet. p. 1. cap. 8.* 22

*Ad Creationem hortatur. p. 2. cap. 21.* 98

P

**P**acem cordis quarendam hortatur Ie-

sus Christus. p. 3. cap. 21. 56

*Parce vita praesentis usum monet. p. 1. cap.*

11.

28

Ad Pa-

# I N D E X

*Ad Parentum, & consanguineorum odium hortatur.* p.1.cap.19. 41

*Passionis sue imitationem suadet* p.1.cap.10 26

*Ad Patientiam hortatur.* p.2.cap.13. 80

*Patientiam interna desolationis monet.* p.3. cap.12. 134

*Ad Paupertatem hortatur.* p.2.cap.10. 73

*Peccati fugam monet.* p.1.cap.23. 48

*Peccato servire, triste esse ostendit.* p.4 cap.16. 208

*Ad Perseuerantiam hortatur.* p.2.cap.22 101

*Ad penitentiam hortatur* p.2.cap.6 66

*Ad Penitentia sacramenti usum hortatur.* p.3 cap 8. 124

*Prædatores monet.* p.4.cap.10 219

## R

**R** *Ecursum ad Deum contra inconstantiam monet Christus* *lesus.* p.3.cap.7. 12

*Ad Redemptionis estimationem hortatur.* p.4. cap.14. 3

*Ad Resignationem in Dei beneficium hortatur.* p.3.cap.4 114

## S

**S** *saluari paucos, plurimosq; damnari ostendit Iesus Christus* p.4.cap 17. 211

*Ad Salutem omnes homines vocat.* p.1. 10

*Sapientiam veram in vite puritate, virtutum cultu consistere docet.* p.2.cap.1. 54

Sciendi



# I N D E X

Sciendi curiositatem fugiendam monet. p. 1. cap. 13.	31
Scriptura sacra studium, & amorem monet p. 3. cap. 14.	139
Servire Deo suave esse ostendit. p. 4. ca. 15.	206
Ad Silentium hortatur. f. 2. cap. 17.	89
Solatia mundi non querere hortatur. p. 1. cap. 2.	12
Sollicitudinem in aeterna salutis opere monet. p. 1. capit. 3.	13
Ad Solitudinem amandam hortatur. p. 3. capit. 6.	119
Ad spem hortatur. p. 2. cap. 4.	59

## T

Tentatos instruit. p. 4. cap. 12.	198
-----------------------------------	-----

## V

Verbum Dei audiendum monet Iesus Christus p. 4 cap. 21.	222
Ad verbum Dei aure cordis percipiendum hortatur. p. 1. capit. 7.	10
Ad Virtutum custodiam, & augmentum hortatur. p. 2. cap. 23.	104
Vitam omnibus quantumvis peccantibus offert. p. 1. capit. 5.	17
Vitam hanc docet esse Iustorum exilium. p. 3. cap. 24.	163

## Z

Ad Zelum animarum hortatur. p. 4. cap. 19.	214
Ad calcem operis fol. 249. extat Epistola Auctoris. Pacifico Regi cordium Iesu Christo	

